


ЧИСЛАВ ЖУРАВЛЕВ

ЭРЯМОНЬ ЮР

*Автор выражает огромную благодарность за
содействие в издании настоящей книги*

*Атякину Дмитрию Ивановичу
Горовцову Михаилу Петровичу
Карягину Сергею Ивановичу
Ковалеву Александру Константиновичу
Менчику Юрию Васильевичу
Останчуку Василию Михайловичу
Хахулину Игорю Владимировичу*



Зеноб
Ныпайев

ЧИСЛАВ ЖУРАВЛЁВ

ЭРЯМОНЬ ЮР

Нурька стихть

Саранск
2011

УДК
ББК
Ж

ЖУРАВЛЁВ, Числав Григорьевич.
Ж Эрямонь юр: нурька стихть / Числав Журав-
лёв. — Саранск, 2011. — 360 с.

ISBN

Журавлёв, Ч. Г.
Жизни основа.

Мордовия Республикань заслуженной поэтэнтъ Числав Журавлё-
вонь «Эрямонь юр» од книгазонзо совасть меельце иетнестэ сёрмадозь
стихензэ. Нурька валрисьмесэнзэ поэтэсь панжи мелензэ-арсеманзо
минек лакиця эрямодонтъ, пертьпельксэнь сюпавчидентъ, вечкема-
донтъ, седе, мезесь сонзэ сехте пек талновты. Валмеревкс ёнов молиця
сёлмов ёвтавксонзо превейчи, мазыйчи, валдо.

В новую книгу заслуженного поэта Республики Мордовия Числава
Журавлёва вошли короткие стихи, написанные за последние годы. В
них он высказывает своё отношение к вечным проблемам жизни, к
тому, что его больше всего волнует. В мудрых изречениях поэта много
света, добра, глубокого философского смысла.

УДК
ББК

ISBN

© Журавлёв Числав Григорьевич, 2011

© МРО ОООП «Литературный фонд России», 2011

УНДОКСТ

Мазыйдеяк мазыйть, сюпавт эрзянь кезэрень Сура леенть чирензэ. Сонсь леескак виевстэ канды ведензэ. Уевлить каршонзо ды а уеват, куроқ машгыть виеть ды велявтсак пря ёнксонь рунгот чудеманзо мельга. Истя, марят, сон капши Рав леев, андомс-пештемс сонзэ ванькс ведьсэ.

Свал, зярдо монгак пурнан-сэрнян Числав Журавлёв умонь ялгам туртов инжекс, ледстяви Сурась. Паряк, секс, мекс мон чачинь-касынь сонзэ чиресэ, а малавикс оям эри Рав лангсо. Ды аволь ансяк тень кис. Симкина тиринь велем эйстэ вейксэшка вайгельбень таркасо, Сура леенть эйстэ а васоло, ули ней уш пек ламонень содавикс кужо, косо касы кезэрендеяк кезэрень тумо — кортыть, пельтёжадо ламо иеть тензэ. Монь ледстнемга, тумотнеде ульнесть колмо. Сынь аштесть теке виев маралят, менельс пряст нежедезь. Ней эйстэст сехте сыресь, куншкасось, кадовсь. Лиятне коськсть. Кадык потмозонзо теевсь покш ундо, ялатеке а коськи, паряк, секс, мекс вельть домкат ды виевть ундоксонзо-корёнонзо.

Кезэрень шкане Симкинань эрицятне тей сакшность озномо, ине тумотнень вельде пшкалесть Инешкипазонть. А стяко тумо те кужонтень нейгак сакшныть ламо ломанть. Совсить тумонь ундонть потс, арсить эстест эрвя-кодат мельть-бажамот. Ды, кортыть, ламонень тумось лезды: кинень кази уцяска, кинень — шумбрачи, вечкема. Истя те а истя, но ламот кемить, секскак ине тумонтень янось зярдо як а вайси тикше потс.

Те тумодонть ёвтнемам ушодыя а стяко. Сон вельть моли Числав ёнов. Сон истя жо умок эри эрзянь литературанть эйстэ веёно, ськамонзо ды тумонть ладсо ломантненень кизэнь пси шкане кази экше, валдо, кеняркс.

Таго-зярдо тиринь литературазонок виев сёрмадыцят сакшность, васняяк, республикань томбальде. Сынь ульнесть вере ёвтась ине кужосонть касыця тумотнень кондыт — лопавт, тарадовт, домка ундоксовт. Но ламот сыредсть, тусть юткстонок, а вана Числав Журавлёв весень кенярксос се кезэрень тумонть ладсо эри, кази эрзятненень виев, мазый стихть ды морот. А стяко, кода тумонтеньгак, сонензэ сакшныть эрзятне оймест панжомо, пельдензэ мелень-валонь марямо, ине тевс чанстямо.

Истямокс монь сельмем икеле свал ашти Числав Журавлёв — эрзянь алкуксонь мараля, покш буквасто поэт, седеев, панжадо ойме ломань. Сон умок муизе эрямосонть тарканзо, прясто пильгс максызе прянзо Муза патянтень, конань марго печти кувака пингензэ. Панжи тензэ оймензэ, яви мартонзо кенярксонзо, стакачинзэ. Ды те максы тензэ вийть эрямо-со, сёрмадомасо. Стихтне седейсэнзэ тештине ладсо кивчкаить — сынсь

вишкинетъ, но валдовт, арсеме кармавтыцят, кенярдовтыцят.

Числав Журавлёв сѣрмады умок ды ламо. Теньсэ сонзэ виевчиззяк. Сѣрмады кода покштнѣнь, истя вишкинетнѣнь туртовгак. Улить натой эйкакшонъ туртов ёвтнеманзояк, конат лиссть «Овго латко» книгасонтъ. Сынь стихензэ кондят мазыйть, домкат, седейс кадовицят. Меельце шкастонть жо поэтэсь кеместэ чалгась нурька стихень сѣрмадома кинть лангс. Эрзянь поэзиясо те од ёнкс. Косто сась те мелесь превзэнзэ, паряк, ансяк сонсь Пазось соды, но тейсь поэтэсь видестэ, ушодсь нурькинетэ домка арсеманъ ёвтнеме. Мезть сѣпомс, кувака стихтне а свал кадновить мельс, а вана нурькинетне валмеревкс, содамоёвкс ладсо аштекшныть превсэ, кельпряс. Теевкшныть кельвалонъ, сѣрмадоманъ мазылгавтома-пелекс. Истямокс теевськак Числав Журавлёвонъ микро- макропоэзиязо. Нурькине валрисьмесэ домка, кувака мелень-арсеманъ ёвтамо. Тень лемезэ – покш поэзия!

Чарькодеви, од темат поэтэсь а панжи. Сынь умок уш содавикст – чачома ёнксонъ мазычинть, сонзэ домка ундоксонзо невтемась, эрямонъ киулотнеде мелень ёвтамось, покштянок-бабанок морост, превейчист шнамось, Инешкипазонть кармавтоманзо верев кепедемась, жойница лисьмапрянь ёнов молиця эрзянь келень ванстомась ды, чарькодеви, чи-пайкс пальця вечкемантень сюконямось. Самай сынст кис кирвазтнияк поэтэсь штатолонзо, конат пальть а мадниция толсо.

Числав Журавлёвонъ лиссть кемень книганзо. Кавксотнѣнь нолдамс тензэ лездасть малавикс ялганзо. Вейксэцентькак, «Эрямонъ юронть», нолдамсто сынъ венстизь ялганъ кедест. Чарькодеви, казямо седей ломаннѣнь истят лезкст учнемс а савкшны. Числавонъ ламо ялганзо, конатнѣнь туртов сонзэ кенкшезэ, оймезэ свал панжадат. Алкуксонъ поэтэнтѣнь истямокс эрвяияк улемс. Сонзэ валдо валось пани седейстэ апаронтъ, кирвазти бажамонтъ, паро тевс снартоманть.

Монъ свал аламодо сявады сельмем сетнѣнь лангс, кить маштыть зярыя кельсэ парсте сѣрмадомо. Содаса, те тевесь стакадоак стака. Числав Журавлёв машты виевстэ сѣрмадомо эрзяккак, рузоккак. Те седеж касты поэтэнтъ лемензэ.

Числав Журавлёвонъ поэзиянь тештезэ палы валдосто секс, мекс вийтнѣнь сая эрзянь кезэрѣнь домка ундокстнѣстэ, кода тень теи шержей сувсо лексия Сура чиресэ касыця тумось. Кувака пинге тенк, тумот-маралят!

*Николай ИШУТКИН,
Россиянь Писателень союзонъ член,
Мордовия Республиканъ культуранъ
заслуженной роботник*



НУРЬКА
СТИХТЪ



1. Ансяк тонь кедьсэ,
П е в т е м е ш к а,
Мезе чачсь менеленть ало –
Ш т а.

2. Тонеть, эрзянь виев цёра,
Тонеть, эрзянь мазый ава,
Моран эрзякс оймень морон,
Паронь арсезь, седейшкава.

3. Иля терде ве,
Иля вешне пе,
Сынь истякак сыть.
Иля лово, зяро кадовсть эрямс чить.
Авань сельмес вант,
Покш вечкема кандт.
Ц ё р а, иля эря апак мора.

4. Шумбра верь,
Од превень сэрь,
Уледе свал ломантнесэ,
Конат эрить васоло,
Конат майсить тесэ.

5. Ломантнень седеест эжест,
Нардавост верьгизэнь кежест
Ды кутморямо кармаст,
Оймаст пря потмонь вармаст.

6. Киненьгак, дугай, иля кеме,
Зярдो мерить: тон аволь к е м е.



7. А сёпса, весенень ёвтаса мелем:
Кадык свал эрявкшны чачома келем.

8. Моданть кутмори Чись,
Мирденть вадяши нись,
Палси цецятнень морыця мекшесь.
Тундось сась, таго «пешксесэ» пекшесь!

9. Чаво варматне тенек макссть
Аволь превенек коряс власть,
Секс тенек а сатнить модась ды ведесь.
Масторонть калавты салыцянь кедесь!

10. Ломанть, улезт пешксеть крандазонк, нурдонк,
Улезт мизолдыцят, превейть сельменк
Ды мазыйть кургонк.
Вечкеде! Киньгак илядо судо.
Кувать эрядо. Кувать илядо удо.

11. Кувалмот, Э р я м о н ь Шка, –
К е н ж е ш к а.
Улевлителькак, Ш к а, –
М е н е л ь ш к а!..

12. Улезэ свал меленек
Ванстомс тиринь келенек.

13. Прявт, свал икеле молят,
Мекс ансяк курооксто колят?
Минек ветямо кундыть,
Преветь чукадить ундос.



14. «Кандот теке, рунгонк,
Чаво варьгат кургонк,
Ажияшкат сэрэнк,
Тувонь кондят неренк», –
Бабам нуцьканзо мурнесь.
Ансяк умок те ульнесь.
- ***
15. Тиринь Мастор,
Эзинь пеле тарьксэв пелеведеть,
Сюкпрянь ёвтнезь, свал мон симинь тантей ведеть
Ды свал маринь чевте, лембе кедеть!
- ***
16. Превей ломань, азоркс маряк прят,
Кадык раськетъ лангсо ули вейке прят.
- ***
17. Эрзянь кудосо улезэ: кши ды сал,
Ды медень кондымо тиринь вал,
Ды – эйкакшкетъ ламо
Кадык кармить само,
Минь сынст – эрзякс трямо.
- ***
18. Нинзэ чачтамодо мейле ютась ансяк ие,
Алясь таго чачтамо кудов нинтень чии;
Сонсь ансяк соды,
С о н кие.
- ***
19. Мастор лангсо ульнестъ ашо грацть,
Ней сынъ теевсть кренчекс, модань келес срадсть.
- ***
20. Эрзян мон, мон тенк сынъ.
Эрзят, ней седе виевтяно минь!



21. Максця чекамом-покамом.
Чатьмони чачома Толканом.
Эрзякс сон мартон а кортни,
Пильгалов валонзо ёртни.

22. Превейть пурнавкшность вейс,
Мейле таго-мекс срадсть.
Кортасть-кортасть, сёвность-сёвность...
Мезе тенек «превейтне» кадсть?

23. Бути превеят, ёвтат,
Кинь пряс кельгствяви новтат¹,
Кинь сельмс пачтяви валдот,
Кить а наксадыть салдот.

24. Превейгадат,
Виевгадат,
Кундат эйкакшонь трямо, –
Ливезь правтат тон ламо.

25. Кортан свал таштодо:
Виень пурнамо маштодо.

26. Чачома келенек, коенек ванстасынек –
Ансяк истя Эрямонь кинек поладсынек.

27. Эрзянь ёвкстнэ вийть тень макссть,
Ёвкстнэнь эйсэ эри шкась.
Эрять минек тевтне,
Эрять валдо превтне.

¹Новта – узда



28. Комадо эли стядо
Паксянк виде ме садо,
Илядо пеле куломадо.

29. Иля пеле –
Тон а кулат, веле,
Содак: куро к юты телесь,
Мельганзо сы тундо –
Чачтомо тон кундат.

30. Раки икнэзь шкась –
Монь рангомам сась.

31. Содавлиньгак, кие
Монь рами ды мии,
Ды удалон чии.

32. Покштянк-бабанк арсить чачицядо.
Эйкакшт, седе куро к сыненст садо;
Сынь тынк марто кортамо маштыть.
Ней чатьмонить – казнеть тенк таштыть.

33. Валдаень баягине,
Ки тонь теинзеть – и н е!

34. Эрямонок перть
Марятано зэртъ,
Те превтеме нерть
Раздить прястост черть!



35. Ломанентень илязо саво
Ёмавтомс шукшпряс прянзо.
Кувака улезэ Эрямонь шказо.

36. Минек икеле эрьке ды лей.
Тон одат, монь кургсо вейке пей,
Ялатеке минь сынек укшномо тей.
Сюкпря теть, Эрямонь Лей!

37. Дугай, кие тондеть мелявты,
Се менельстэяк теть велявты.

38. Мезе аноксты ломанень прясь –
Весе нардасы певтеме шкась.
Ансяк валдось а нардави,
А кардави.

39. Ловоманть арась пезэ,
Секскак пельдензэ иля учо лезэ.
Кецядо, зярдю тештев везэ!

40. Эрямось ломанентень превть путы,
Мейле весемесь ёми ды юты.
Шкась паронтькак, беряненцькак – стувты.

41. Инешкинъ мель –
Поэтэнь кель,
Нурькине вал –
Ёндолонь нал.



42. Бути тонсь а тонадат арсеме,
Пингень перть кармат ансяк янксеме.

43. Се эрси свал сехте вере,
Кие вечкемасо эри.

44. «А кежиявтнян тынк лангс,
Раськень ойменк мазый, ванькс,
Кеман, вечкеме карматадо,
Неян, машттадо эскелямо стядо, –
Эрзятненень Пазось мерсь, –
М о н е н ь садо!»

45. Зярдо перькат куштазь лавт,
Превеекс а улят, прявт.

46. Нузякс ломанень зяро иля сядло,
Иля учне паро тев кедензэ алдо.

47. Кода илязо важоде Превесь,
Скалокс а тееви тензэ ревесь.

48. Тумонтень а мерят:
Мекс аволь сахаронь сэрят?

49. Кить эрямо маштыть,
Сетне эйкакшт раштыть
Ды тякаст тонавомс ярмакт таштыть.



50. Кие машты морамо,
Се а карми ёжонь коламо.

51. Паро шкась капши курок ютамо,
Сон а вечки стяконь тевть лытамо.

52. Арсиця ломанесь секс кецни,
Мекс лиянь тевс а эцни.

53. Прянк илядо комавто,
Кинк-янонк илядо ёмавто,
Малавиксэнк палседе,
Эсенк превсэ эрседе.

54. Эрьга, я р ы!
Апак важоде, пешкедтя, парь!

55. Улевельгак минек велькссэ коень лато,
Ней минь аволинек пижне: «Превенек эзть сато
Ванстомс чачома веленек,
Оймень кандыця келенек!»

56. Мезекс эрявкшнось ленгесь?
Вадряль кодамо пенгесь?
Мейстэ каравкшность партне?
Мейстэ кодавкшность картне?
Сеть шкатне ней ютасть,
Зярдо пекшетнестэ тейсть парть
Ды ленгеть лутасть.



57. Шумбра ломанесь свал аволь сыре,
Сонзэ вечкиця седейсэнтъ
Цветиця лёмзёрксонь пире.

58. Умарень к е н е р е м а с ь –
Менельстэ сырнень пeverема!

59. Содавольгак превей инязорось:
Сех стака – штапо-кепе якиця корось.

60. Седе паро мельсэ
Арсемась ёвтави эсеть кельсэ.

61. «Зярдояк илядо яво
Ды илядо човоряво!» –
Морыть нармушкатне,
Сехте превей прятне.

62. Аволь весе истяня эрить,
Кода законтнэ мерить.

63. Иля мере киненьгак:
«Пупордяк ды прак».

64. «Сонсь ривезесь умок кулось,
Мекс эзь куло сонзэ пулось?!» –
Чинь-чоп пижнить сезыкатне веленть песэ.
Тень кис ризныть лиятнеяк тесэ.



65. Одонтень – п р е в т ь ,
Сырентень – т е в т ь
Максозо Инешкипазось.

66. Киньгак мельс а туить
Сеть, кить «каршо уить»!

67. Начтозь кошксень пореме
Пейтемеськак бажи молеме.

68. Арсян яла теде:
«Кие ней мелявты сыре ломантнеде?»

69. Нурькалгады панстось,
Стакалгады канстось.

70. Ветямонок сыть,
Ансяк к и т ь?..
Арсек теде веть ды чить.

71. Зярдю ютыть кежеть –
Кедеть-пильгеть эжить,
Кармить сельметь нееме,
Кармат темень тееме.

72. Беряньстэ арсиде,
Секс аволь сетнень палсиде,
Секс аволь сетнень оршиде ды карсиде.



73. Аволь эрва шкасто анок
Арсемс превень максы прянок.

74. «Вейке вакс кувалмозо,
Кавто сэльт пуярмозо, –
Те саразось а пешкедиця варя!» –
Лайшесь кузтембесэ Маря.

75. «Нурькалгадсть ожа пензэ,
Лездамс эряви тензэ», –
Арсевлинекак касыцятнеде истя минь,
Ояксчинек улевель свал к ш н и н ь.

76. «Велень коштось
Ды од розень почтось
К а н д с т ь
Медень тансть», –
Тештне кортасть ды сельмезэнь вансть.

77. Васов пачкоди эрямонь кить,
Бути вадрясто эйкакшот трить.

78. Иля эря васоло – велявтт,
Эсеть Мастордот мелявтт.

79. Шумбрачинь кастыця гантель,
Тонь келесь – сехте лезэв кель:
Сон кемексты рунгонок,
Цецякс теи кургонок.



80. Бути якат тонсь прявтомо,
Иля эцне лиянь тонавтомо.

81. Иесь прядовсь,
Кие минек кирьксэс кадовсь?
Ней тень кие
Инжекс чии?

82. Сэтьме псака,
Тонеть пиненьт вакссо стака.

83. Кортатано аволь таштодо:
Виень анокстамо маштодо,
Ютамсто паро ломанть вастодо.

84. Ломанесь сонсь эзь сода,
Арсеме карми кода,
Зярдо кадсызь
Ды рудазсо вадьсызь.

85. «Рангомам прядыя,
Течи симемам кадья», –
Морась
Шумбра цёрась.

86. Кашанок рисэнь,
Мекс аволь вишень¹?
Кудонок эень,
Мекс аволь кевень?

¹Више – полба



87. Иля яка тува,
Косо тол эзь пува.

88. Кить ливезь эзь вало
Панст ды ожда ало,
Сеть а содыть,
Мезекс локшонть кодыть.

89. Тедеяк сёрмадт, к а р а н д а ш:
Мон мерян: «Арась»,
Мокшось мери: «Аш».

90. «Ёвтака, Ур,
Тонь мельс тукшны, кодамо келень юр
Пижнесь вирьсэнтъ: «Мур-мур»?

91. Лавшо превесь пели виев превде, –
Весе пелить верде ёртозь кевде.

92. А ледстясызь паро валсо леметь,
Бути теветь ульнестъ видьмевтеметь.

93. Якшамо шкасто минь эзинец кельме:
Вансь мельганок вечкиця сельме.

94. «Кинень мезе мерят,
Бути ярмактомо эрят», –
Кудовтомось варакантень мерсь.



95. Зярдо мирдесь нидензэ сыре,
Сон карми кеверькшнеме, теке кире.

96. Ветицянок весе колт,
Ансяк тевсэст арасть толт.

97. Пели чопода латкось,
Илязо пра тов сяткось.

98. Пижнек, ломань, васов марявт:
«Пирявксонок таштт ды варявт!»

99. «Учи моронь вал конёвонь ашось», –
Мерсь раужо Карандашось
Ды видинзе моротнень конёвонть лангс.

100. Тонеть, Ломань, теветь истя мерить:
«Аволь стяко Моданть лангсо зрить,
Паронь теиця,
Васов неиця!»

101. Се паро ялга,
Кие ялганзо лангс эзь чалга,
Зярдо сынь пракшность,
Зярдо кшинь вешеме сакшность.

102. Ули мелеть, олят,
Секс икелев молят.



103. Бути пупордить, стяк –
Эсеть масторов сак,
Тесэ тонстеметь аварди паксясь.

104. Келем кадовсь апак тапа:
Тетям – аволь папа
Ды, нама,
Авамгак – аволь мама.

105. Свал
Вешнеде превей вал.

106. Мезеяк а вешан мон.
«Иля веше», – мерить тон,
Ды мон чарькодинь,
Кинень мон совинь.

107. «Апак лотксе, кие
Уды вейке ие?
Удомс кавто иеть
А сатстови виеть», –
Нузяксось мерсь.

108. «Кепе эскелят ков,
Бути пильгалот лов?» –
Овтось Ломанентень мерсь.

109. Содавлинекак, кить
Аволь вешеме сыть.



110. А эряват киненьгак,
Ялатеке стяк ды сак,
Аволь вешеме,
Максомо сак!

111. Эрзясь ды рузось вейсэ
Экшелить вейке лейсэ.

112. Кие арси – се в и д и,
Кие уды – мелявты шумбрачиде, –
Весе арсить валдо од киде.

113. Псакатне содасть свал:
«Чеересь – аволь скал».

114. «Эрзят, мокшот, рузт ды лият –
Минь сырнень покольнеть, сият!..»
Дугай, ванок:
Весе шнатано эсь прянок.

115. Кие масторонзо мии,
Се паломо чии.

116. Ломанесь свал истямо:
Сон бажи лавшотнень свистямо.

117. Ломанесь аволь уре,
Секс сон эсензэ кисэ тюри.



118. «Содавлинекак, Лей,
Кить тонь марто минь ней!» –
Лайшесь Сандеесь,
Ломанесь морась.

119. «Ялгам микшнемем кармась!» –
Рангозевсь ушосонть Вармась.

120. Ванькс ойме ломантне палсть:
Сынь ламо ченге эсест потс валсть.
Яла мадстясть «седеень пултыця тол», –
Кияк а эрси те «тевсэнтъ» кол.

121. «Секс мон улян,
Вадрят ульнестъ кулян!» –
Сезякась эсь прянзо шнась.
Сон – с е з я к а т трясь!

122. «Виём аволь ламо,
Ялатеке снартнян стямо», –
Цецинесь Тундонтень мерсь.

123. Превтеме,
Тевтеме –
Сти ялатеке;
Сон – пешксе пеке.

124. Моданть лангсо ламо тевть,
А – зяро кевть?..



125. Пазось мерсь: «Мон седейганк ютан,
Кинень арсемат путан,
Кинь эйстэ саян
Ды лавшо седейс каян.
Бути кевкстьсамизь монь,
Мерян эрва ломанентень:
М о н — т о н ь».

126. Эряк, эряк, эряк,
Эсеть раськенть кис седей керяк.

127. Кодамо кельсэ илядо корта,
Тыненк эряви панжомс
Э с е н к келентень орта.

128. Тиринь Вал,
Тон эждямон кармат свал,
Монень лия
А эряви сия.

129. Ансяк тон, кал,
А ёвтат каршо вал.
Ломанеськак чатьмони свал:
Сон эстензэ тейсь трал.

130. Превенек сыремить —
Рунгонок чиремить,
Ойменек киремить,
Тевенек прыть,
Ятонок стить.



131. Овтось лайшезевсь леенть чиресэ,
Зярдэ Ломанесь удось пиресэ.

132. «Зярдэ седейсэнек кизэ,
А эряви тенек лембе пизэ!» –
Кукордсь Куконть низэ.

133. Сёрмадт, сёрмадт с ё р м а т,
Ансяк иля терде ормат.
Ормат иля терде
Потмакссто ды верде.

134. Эрванть неяви сэрэзэ,
Кие несы, эрванть кодамо верезэ
Ды кодамо пеев нерезэ.

135. Бути нолаштыть ды прыть,
Ёвтэк, кинень сыть?

136. Лавшонть правтсызь,
Ловт, эсест каршо стявтсызь.

137. Философиясь корты-мери:
«Кадык эрвась эсензэ койсэ эри».

138. «Ков мон понган,
Бути онган?» –
Парась вазось.
Мизолдсь Пазось.



139. Эсь прят шнасак –
Ды тетъ мерить:
«Алов касат».

140. Ломанентъ сэрезэ:
Вейке сэль¹ ды кавто вакст.
Паз, ней истямо сэренъ превтъ тензэ макст!

141. Меленек свал вейке:
«Кутморямо кармамс нейке».

142. А ёвты тенек Букваресь,
Косто саевсь латякарьсь.

143. Ломаньсэнтъ ракша чачи,
Зярдэ пекезэ вачи.

144. Весе пелить саламодо,
Кие сорны паламодо?
Содавлятькак, п а л а м о,
Тон седеень саламо.

145. Чопода весь юты,
Чись тенек валдо превтъ путы.

146. Таго лиссь
Маней чись.
Морось сась тенек –
Прядовсь чопода венек.

¹Сэль – вершок



147. Тейтересь аволь сень эхш лиссь,
Ней тензэ а мизолды чись.

148. Весе истя, весе паро,
Кинень лезэ теить зяро,
Кулянь кандыця,
Валсо андыця?

149. Седей, оймак, иля пало,
Весь валдомгадсь мик тонь ало.

150. Кие моли –
Се а коли.

151. Шкась превть тенек путы, –
Теяк ю т ы.

152. Ломань, перькат кашт,
Вант ва, зыянонь нееме маштт.

153. Зярдэ ломанесь аволь сыре,
Сон соки, види пире
Ды тапари покш кире.

154. Энялдан, киуло,
Эряк, иля куло,
Тов ветяк седеенек,
Косо свал лембе тенек.



155. Весе мелявтсть кисэнек,
Секс понкстому лисинек
Киштеме,
Пиштеме.

156. Сюпав, аволь мазый чамат,
Мекс лия чачо а рамат?

157. Ломань, седееть алдо
Молезэ валдо,
Сельмезэть ванозо Чись,
Кона ансяк тонеть лиссь.

158. А талны певтеме шкась,
Кода сонзэ чарькодсьы ломанень прясь.
Ломанесь сонсь талны;
Сон верьсэ ды ливезьсэ рунгонзо валны.

159. Бути чачить – кулат,
Кинень кадсыть нулат?

160. Поэт, иля сёрмадо
Оймень ормадо,
Сёрмадт ламбамо кшиде
Ды оймень шумбрачиде.

161. Пижни озязоськак:
«Удыця, стяк,
Арсиця эйкакш тряк!»



162. Илить менстне плаштят,
Зярдэ вармань каршо аштят.

163. Ламо теить паро.
Эзить тее зяро?..

164. Инешкипаз,
Макст тенек латконь печтямс лаз!

165. Прят лангсто пильгеть лангс велявт
Ды ялгат кис мелявт.

166. Ломаненьт ули превей прязо,
Мекс ансяк арась арсемс шказо?

167. Ков иля сырга,
Мендямс эряви кырьга.

168. Карминдерят весень кортавтомо,
Тонсь кадоват кенкштеме-ортавтомо.

169. Аволь стяко тей сынек,
Тесэ коштоськак минек,
Тестэ ушодовсть янонок, кинек.

170. Истятнэде ламо,
Кить а бажить эсь прят трямо.



171. Нузяксонь тонавтома –
Шкань ёмавтома.

172. Прязо ловдо ашо,
Сонсь, прок наразь вашо.

173. Тарвазось кувать нусь;
Сонгак музей тусь.

174. Превейгадсь ловномадо,
Чаракадсь сёвномадо.

175. Атясь васов неи,
Ялгань лув теи.

176. Кие вейке таркасо чарась,
Сень мезезяк арась.

177. Эрьва чистэ валот лият,
Секс тонь кевкстнить:
«Течи кият?..»

178. Тонадсь ялгань миеме, –
Истямость а виими.

179. Арсемась лисема тарка кары
Ды эсензэ таркас ары.



180. Тееде истямо кардо,
Косо ракшантень лембе ды валдо,
Сестэ кармить шумбрат ды ловсовт скалонок
Ды оскашкат кармить саразонь алонок.

181. Зярдэ цёранть низэ,
Теке лембе кизэ,
Сон а карми вешнеме лията пизэ.

182. Седеем чевтемсь, натъ, лоподсь.
Сельведтнеде ушось чоподсь.
Ч е к а н:
Аволь вачо пекан,
Кода весе...
Стака тесэ.

183. Сеськесь верь поти, карвось – суски,
Лишмесь улавонть уски, –
Истя эрямонок моли свал.
Зярдэ лездат тенек, Вал?!

184. Превсэ васов апак вано,
Ордалеме бажатано, –
Теде, ялгат, пеледе,
Теке укскань веледе.

185. Якшамодонок сельметь конить,
Ней лембе тонеть,
Ней – эжить.
Паро ломань, арасельть кежесть.



186. А чумотненьгак мик мерькат,
Л о м а н ь, тон – сельведень эрькат,
Ванок – чаво тарка перькат!

187. Эсь прянк кармадо тпрямо.
Илядо сае ламо.
Саеде зняро, –
Лияненьгак кадовозо улипаро.

188. Аволь меельцеде
Симицянтень орма педи.

189. Зярдю чиреми оймень сэресь, –
Валовить сельведтне, валови вересь.

190. Косо веле – тосо ведь
Ды ванькс лейненть велькссэ – сэдъ.

191. Ванстоодо, эрзят, эсь прянк!
(Тесэ а эряви танк.)

192. Кить ламо кортыть,
Сеть рудазт ламо ёртыть.

193. Превей, кортыть, цёрась,
Ни сайсь эсензэ коряс,
Седейсэнзэ свал кизэ,
Кандтни эйсэнзэ низэ.



194. Нурькине кортамонь вал,
Тон – теке кувака нал.

195. Тундонь од тема:
Озязонь чоледема,
Чипаень пеедема.

196. А эсь шкасто сыргат,
Мезеяк а киргат, –
Тевесь эсензэ шкасто
Кевери пандо прясто.

197. Катканть пштить кенжензэ,
Секс ламо кежензэ.

198. Илядо пеле,
Пшкадеде, тердеде,
Якшамо телесь
Сы – лембе понат штердеде,
Уледе тевсэ,
Моледе вейсэ.

199. Лиссь аволь минек куросто –
Мизолды чуросто.

200. «Нармунень ормадо
Моро илядо сёрмадо!» –
Цёковось лайшесь веньберть.
Ванстыця, мезеяк мерть.



201. Бути икелеть пекстазь орта,
Те ортанть марто иля корта.

202. Стака лексемс тень.
Менелесь – чопода-сэнь,
Моли лейстэнтъ стака чине.
Макст превтъ тенек, И н е!

203. Салыцятне мельцек ламо иеть,
Масторава, потить эйтэть виентъ,
Чуман теке, мекс а содан,
Витемс те зыянонтъ кода?!

204. Зярдо седеесь солы,
Кежень рудазось олы.

205. Таго паро тенек –
Панжовсть келес седеенек,
Лаки шумбра веренек,
Менельс токасть сэренек.
Таго вечкемась миненек сась!

206. Бажак ловномо,
Иля бажа сёвномо,
Снартнек куземе ды стямо,
Тонавтнек арсеме ламо.

207. Понав пильгензэ кирмизинзе
Ды рангстась: эйкакшонзо парсте тринзе.



208. Атиненть иензэ – с я д о,
Те шкас талны мазый авань прядо,
Лиядо мездеяк а арси,
Тензэ паро, низэ пильгензэ карси.

209. Кие ашти вере,
Велиак прок штере,
Прыяк аволь олго лангс.
Прявт, пси седееть улезэ ванькс!

210. Ламо паксят видить,
Ломанть трить ды идить,
Кие ней мелявты шумбрачидеть,
Л о м а н ь – о й м е?!
Аштят пиринесэть, кедьсэть койме.
Зярдояк тонь седеесь а ойми,
Ломань – ойме.

211. «Ялгань чарькодиця ялга,
Зяроксть ведь валсть пулот алга?» –
Нумолонтень Чомболксось мерсь.

212. Ломанентень пси:
Сон мусь темень ки
Ды вельть сеедьстэ чачтница ни.

213. Козонь иля ара,
Мерить «покштяй» тетъ.
Бути эзить нара,
Иля сакшно ветъ.



214. Ацась лембе тарка ловось,
Уды ковонть ало повось¹.
Удыть кутмордазь повось ды ловось.
Ловонть панеме сась Чадыковось.

215. Ламоксть кортакшнынек тензэ:
Локшонть кавто пензэ;
Чаулась эзь сода
Тень чарькодемс кода.

216. Аволь весе содынек,
Картнень мезекс кодынек,
Уцясканок пикс пес содынек.
Мейле сонзэ кувать сюдынек.

217. Киненьгак иля бажа савтомс,
Бути прят явнови кавтов.
Бути кочкарят эйстэ ниле,
Зняро жо лововить пилеть.

218. Ней истятнэде зяро,
Кинень эрямось паро.
Ней кинень
Эрямось аволь пинень?

219. Палы штась,
Моли шкась,
Седеесь чави,
Эрямось вейсэнди, яви
Аволь кинь сави.

¹Пово — пуня, рябчик



220. Ламо паро лувт
Колыть, кежень увт,
Зяро ансяк колат,
Сёксень сувокс солат?

221. Кувалгадсь чизэ,
Перьканок кизэ,
Менельсэнтъ чизэ,
Тикшесэнтъ пизэ!

222. Кутмордыдизь, палыдизь,
Мейле сельгсэ валыдизь,
Васняк, сеть,
Кить превень мельга сакшность тетъ.

223. «Конят келей,
Пиже селей,
Ожолгадыть лопат,
Тонгак лов потс потат», –
Превей атясь батюканстэнь¹ мерсь,
Конань умок ошсто велев тердсь.

224. Эрямо ломантнень тонавты,
Сонсь ломантнестэ пикст понавты,
Омбо масторсто сыцясь,
«Лиякс» арсеме тонавтыцясь.

225. Зярдсэ путыть тетъ превть,
Учок лията тевть,
Конатне мельзэть а туить.

¹Батюкан – внук



226. Неень ломанть, прянк эзь кома,
Секс коенк-кирданк эзь ёма.

227. Ватракшкесь ватракшкеде
Моры ды седи
Ды эсензэ кондямонь седейс педи.

228. Морась атякшонь коклацев прясъ:
«Тетям морыщякс седеем трясъ!»

229. Шумбра ломанеськак козы,
Бути эень пачалго лангс озы.

230. Анеявикс лавтов
Мендимизь, синдимизь кавтов.

231. Ломаненть прязо – чеченасо,
Секс превензэ эзь касо.

232. Велень школань партась
Эрзятнень койсэ ёжонок артась,
Превенек кастась,
Сёрмадейть раштась.

233. «Кудонок лембевтеме,
Прявтонок оймевтеме!» –
Пиштяка саразтнэ кекердсть,
Превей сельместэст пиземнеть певерсть.



234. Паро велесэ чачинек,
Ошсо чачозтнень эрямсто сасынек, —
Сюкпря, веле, тетъ, виевекс касынек.

235. А мерят теветень: «Мольть»,
Бути сонзэ ветицянзо кеверь нольть.

236. Скалонок
Одартомот.
Валонок
Дармонтомот¹,
Минсь минь —
«Арсиця» ГОМО-т.

237. Пиземесь эйкакштнень шлинзе,
Мейле сынст Эрямось шнынзе
Ды локшосо витнинзе пукшост,
Ней весе сынъ велестэнтъ тукшность.

238. Зярдю прясот лажт,
Иля учне кашт.

239. «Човине карксамо,
А вечкат яксамо?» —
Мацеесь Тувонтень мерсь,
Эчке пекеде конатанъ пельсь.

240. Улевельтькак валсот сырнеть, сият,
Кевкстевлидизь: «Ней тон кият?»

¹Дармо — сила, мощь



241. Арсемс ды мелявтомс эряви седе,
Кие тенек течи моры ды седи,
Кие ятонок лангс пшти валсо леди.

242. Панжинек сельмекеренек,
Таргинек ченьксстэнтъ понав неренек.
Таго кепедевсть оймень сэренек, –
Карми эрямо шумбра веренек.

243. Кортыть: «Вадряль кинек».
Те «вадря» киванть ков сынек?
Те кись аволь минек!

244. Пупорькшнеме кармат,
Бути прясот вармат
В е ш к и т ь,
Ойметь шешкить.

245. Ломанесь берянь сиензэ машты,
Мейле од паро сийть рашты, –
Истя ломанесь свал улипаро ташты,
Секс сон истя эри:
Течи – ало, ванды – вере.

246. Тевень сталмонь апак кандо,
Тиринь келесь, теке кандо¹, –
Зярдэ эрси сон тевсэ,
Толнэкс палы сон превсэ.
Превей тяка,
Эсеть келесь аволь стака.

¹Кандо – короткое, толстое бревно



247. Рудазось а соды седе,
Кинь пря куншкас течи педи.

248. Чаво прятнень тевест ламо,
Свал сынъ бажить лувонь сокарямо.

249. Кие валдо превтеме,
Се свал паро тевтеме
Ёзмолды, яки
Ды раки.

250. Кие сонсь а соды кува эвти,
Сенень кияк келей ки а невти.

251. А салы, а тюри, берянь вал а мери, –
Ялатеке парсте эри.
Те ломанесь – «Л и я»;
Сон сонсь сырне, сия!

252. «Кие каршо а уи,
Прявтгнэнь мельс туи», –
Чочкость рангиця калентень мерсь.

253. Атянть парозо ульнесь:
Тевень кис шабранзо мурнесь.

254. Кить эзь тонадо стихень ловномо,
Сеть тонадсть покордамо, сёвномо.



255. Ломаненть аволь чаво прязо,
Секс «стака» обуцязо.

256. Обуцязо цёранть кеме,
Эрьва валозо, прок сэме.
Кеман: те – аволь пе,
Те – цидярдомань урок.
Инешки, кучт тенек пророк!

257. Ломанесь пек умок содась:
Сонзэ модакс тейсы – Модась.
Мекс а соды, Ломанекс сонзэ тейсызь Тевесь
Ды а оймсиця Превесь?

258. Лейне, сиянь рисьмине,
Верепесэть – лисьмине,
Алопесэть – иневедь, –
Моданть трокс тон венститъ кедь.

259. Ломанесь чувтнэнь кери,
Секс сонсь кувать а эри.

260. Одтнэнень ловонть алояк – киззэ, –
Одтнэ муить эстест лембе пизэ.

261. Перьканок – сод,
Эрямосонть мезеяк арась од.
Кинь превест улить,
Сетькак мик тюрить.



262. «Кельместь седеенек,
Кие лезды тенек?!» –
Нармушкатне рангить чинек-венек.

263. «Сакшность чиявтомон,
Ней а ёман», –
Тейтересь кецясь,
Пеедсь кедьсэзнэ цецясь,
Моданть кутморясь Чись.
Ц е ц я мирденень лиссь!

264. Морадо,
Ават, цёрадо.
Цёрат,
Авадо морадо, –
Сестэ карматадо вейсэ,
Теке локсейть лейсэ.

265. Ломань, васня эстетъ мертъ:
«Иля кода лиянень тертть».

266. «Зярдо сы чадыковось,
Човокс тееви ловось», –
Кашторды пурень човось.

267. «Тонсь, дугинем, содат,
Зярс важдат – о д а т,
Одткак эрсить эрва кодат», –
Одонтень кортась сыресь.
Кунсолось тундонь виресь.



268. Берянь прявтонть каинек,
Седе берянь саинек.

269. Превень путыця,
Тон превтеметнень марто
И к е л е в ютыця.

270. Аволь стяко медьсэ вади,
Учок: курок прят лангс мади.

271. Эесь – лёд,
Сажась – сод,
Тарадось – ветка,
Тякинесь – детка...
Весе содатано,
Кода кортатано.

272. Превейтнеде ламо,
Мекс сынъ а бажить превеень прямо?

273. «Нолажа кинек теинеть, веть
Ялатеке сован тетъ», –
Сыре Верьгизэсь Эльдентень мерсь
Чить совамо пельсь.

274. «Бути седеень вельмевтеме маштат,
Ламо паро тевть раштат», –
Кортась покштям теде
Аволь васенцеде.



275. Чамам эзия арто,
Сынь казне марто
Т о н е т ь !
Мекс эно сельметь конить,
Превей дугинем,
Медень кургинем?

276. Ушо ёндо – мазый,
Потмо ёндо – седейть лазы.

277. «Шанжавонь коцтось пек чевте,
Ансяк сон киненьгак мекев ки а невти, –
Карвось коцтонть лангсо бизнэсь, –
Ёвтадо, понгозтнень кисэ
Кияк р и з н э с ь !»

278. «Панжомань эрва варясь
Ламо несъ, байтяк марясь», –
Мучкиця ломанесь арсесь
Ды циндеренть палсесь.

279. Зярдо ломаньсэнтъ шумбра верь,
Сестэ сон саи менелень сэрь;
Сон лиси сестэ
Чопода вестэ.

280. «Раминдерят аволь вейке сокс,
Сестэ ютат ловонь паксянтъ трокс!» –
Сеереме кармась
Телень вармась.



281. Аволь свал
Превейтненень макснить вал.

282. Сюкпря тетъ, а сёпат:
Лезэвть кереть, лопат,
Медень, теке ведеть, —
Тень кис, Килей патяй,
Палсян ашо кедеть.

283. Каятотсь моданть алдо:
«Верцетнень илинк сядло,
Кадык прыть сынъ
Тосто, косо ульнинек минь!» —
Пижнить прявтгнэ тоначистэ
Эрьва чистэ.

284. «Зяро течи иеть,
Улевельтькак зяро превень виеть», —
Ченьксэнь явшицясь атянтень мерсь.
Валтнэ эзть туге симицянтъ мельс.

285. «Ёвтадо, мелявттадо киде,
Бути таго удомо сыде?!» —
Кевкстнесь саразгнэ сыре атякштнэнь.
Мезде а содан — аволь паро тень.

286. Каткатнень чави,
Пинетнень пстии,
Те киненьгак а травы,
Кевкстинк: сон кие?



287. Вадрят весе спортнэ,
Тантейть весе торгтнэ,
Мазыйть весе кеме кортнэ.

288. Кежей варма тия кувать чарась,
Секс ней тесэ кудояк мик арась.

289. Иля симе, дугай, «с и з е м а д о»,
Сестэ кармат эскелямо стядо.

290. Содавлинекак, кие
Таго каршонок чии,
Кие ойменек мии,
Кие превенек пешти.
Кие тенек – в е т и ц я т е ш т е.

291. Се тонавты ды карды,
Кие свал ласте арды.

292. Тевтне молить, тонгак мольть,
Ды а кармить перькат нольть.

293. А лови кежей ормась,
Зяро мазыйкань чамат сормась.

294. Кинек – суронь келешка,
Паксянок – элешка,
Обуцянок – укскань велешка.



295. Ломанесь сон берянь, но мирде,
Секскак нись сонзэ кирди.

296. Вечкевикс мирде, тонь нись
Истямо, кодамо Чись,
Сонстемензэ кизнаяк кельмат,
Сонзэ вакссо ванстоват, вельмат.

297. Палсить мирдест кить?
Палсить мирдест превей нить,
Палсить чокшне, валске, веть ды чить.

298. Кортындерят,
Ёвтнек, кода эрят,
Мезде ярсыть,
Мейсэ карксыть?..

299. А вечкить одтнэ,
Кода сыре авакшось котны.

300. Толгатнеяк аволь свал чевтть,
Сынст алаяк эрсекшныть кевть.

301. Ардтнеме ласте
Тонавтнек парсте,
Зярдо тон ютат ялго,
Кедьсэть улезэ сялго,
Тиринь Масторонь ванстыця,
«Стядо тюрьеме!» – рангстыця.



302. Тонсь, дугинем, ванок,
Седейсэть кодамотанок,
Виеть коряс вешнек эстетъ тевть,
Тевтне вечкить шумбрачи ды превть.

303. «Бути ули мелеть,
А ёмавтсак келеть,
А калавтсак велеть», –
Цёкны цёковось ломанентъ велькссэ.

304. Мекс ойметь вачо,
Ломань – цецянь кондямо чачо,
Сыргак чекамо-покамо,
Тевсэ менелень токамо.

305. Инечинь ал,
Эждят седеем свал.
Кецянь. Чачинь мон Инечинь чистэ,
Сестэ Инешкись палымим псистэ,
Сестэ казсь монень В а л.

306. Мезе карми – ёвтыть тенек
А удыця седеенек,
Ойметнеяк тенек мерить:
«Вечкицятне свал Паз марто эрить».

307. Оймсема чись
Превей седейстэ лиссь
Ды рунгонтень мерсь:
«Кие тей монь тердсь?»



308. Эсь олясо ашти пильге ало,
Сонзэ кисэ сельведть иля вало, –
Зярдэ сы шказо –
Менстеви прязо.

309. Шкась седейганок ды превганок юты,
Мезе тосто сая ды мезе тозонь пугы?
Содавольгак потмакстомо шкась:
Свал эрявить пештемс седеесь ды прясь.

310. «Кияк а мери тетя:
Тонавтнек кутморямэ ветя.
Тонавтнек чить,
Бути тонавтыцят тетя сыть», –
Бабинесь атинень мурнесь.

311. Атянтэ ёжозэ парэ,
Кияк а кевкстни ней иензэ зяро.

312. «Пиштяка, кинень миить паксят,
Ней сенень важдемэ яксят.
Мон киненьгак а яксян,
Монь – эсенэ паксян!» –
Нумолкаесь ломанентень мерсь.

313. Правт модас сэря,
Вирь иля керя,
Цецинеть видек,
Нармушкат идек,
Кувать эрямэ бажиця ломань!



314. Кить аштить стядо,
Сеть арсить касомадо.

315. Чекан-покан атятнень кисэ:
«Уледе, ялгат, кеме шумбрачисэ,
Эждядо дуганк оймень псисэ».

316. Виенек ламольть,
Лездамо самаль.
Тесэяк эрявкшнось пря,
Пря, конань эзинек тря.

317. Илядо мере: «Чаминек».
Серьгедеде: «Скал раминек!»
Мерее: «Пешкединек,
Ней келей карми кинек».

318. Кувать а невтят прят,
Сеедем кеми – с а т.
Кенкшем панжадо свал.
Учан тонь пельде вал.

319. Мезеяк а содан,
Теке одан,
Кинень те прясурень кодан?

320. Эйдеть – тряк, парсте андт
Ды свал икелев вант,
Кодат икелеть аштить пандт!



321. «Зярдо машты симема ведем,
Кинень венстяся кедем?» –
Сыре ломанесь съкамонзо арси
Ды «покш» эйкакштнэнь фотост палси.

322. Кинь учомо кармат,
Бути видить вармат,
Бути пекстазь кирдить кенкшеть, вальмат.

323. Уцяскаськак а свал соды кинень
Максни эрямо кодамо пинень.

324. Сёрмадынек ламо паро сёрмат,
Потавтынек ламо берянь ормат,
Тон, Эрямо, ялатеке чаманок сормат.

325. Мизолды уцяскав авась,
Мельзэнзэ паро – банязо явась, –
Курок сыть тензэ
Э й д и н е н з э!

326. Чекан-покан: «Ломанесь эжезэ,
Туезэ седейстэнзэ кежезэ,
Паро мель тензэ сазо,
Кепедевезэ превей прязо».

327. Ломаненть улезэ эсензэ ошозо,
Велезэ, кудозо, паксязо, ушозо.
Ломаненть улезэ ванстыця коштозо.



328. Сюкпря Пазонтень, карминек чекамо-покамо, –
Ней а карматано берянь валсо ялганок токамо.

329. Ильтязенть таго вастык,
Видезенть покшсто кастык.
Содак, кие моли –
Модемстэ а коли.

330. Чопода ды Валдо, –
Тыньгак сакшнотадо минек превтнень алдо.

331. Зярдояк илядо яво
Ды илядо човоряво.

332. Бажадо содамо
Эйкакшонк кодамо.
Кадык сонзэ иензэ ансяк вете
Ды сон ялганзо эсензэ мельга вети, –
Эйкакшонк ялгатнень вастодо,
Те обуцянь ёнксонть ванстодо,
Вечкевикс тетят-ават!

333. «Се туи минек мельс,
Кие бажи касомо Ковонть сэрсь», –
Морась пиже чувтось.
Кодамо мазый уцяскав увтось!

334. Машты комадо якамо
Ды ломань лангсо ракамо.



335. «Бути аволь яжамо кеват,
Сестэ мекс ялгат сэват?» –
Кие-бути «кевень» прянтень мерсь.

336. Ёвтак, седей сан,
Зярдэ мон тов сан,
Косо минек раськесь эрясь:
Эрзясь, Мокшось, Чудесь, Мерясь?..

337. Лейненть томбале лайшесь
Урозке айшась¹.
Пакшась аварди – пекезэ вачсь.
Содавольгак, кинь пельде сон чачсь.

338. «Кунсоломак, ломань, иля удо,
Налкудось аволь суркудо», –
Эрямось ломанентень свал истя корты,
Ломанесь превей валтнэнь лавтовонзо трокс ёрты.

339. Тарьксэсь свал истямо:
Сон бажи свистямо
Сень, мезесь чуди,
Сень, кие уды.

340. Тонеть – а савтови свал,
Ёвтамс а максат вал.
Ломантне тетъ весе «лият»,
Тонсь тон кият,
Алсто сардонь таргсиця,
Сараз лангсо ардтница?

¹Айша – дурачок



341. Ваня ды Аня,
Путодо кудо,
Тееде баня –
Кувать илядо удо.

342. Содавлитькак, чиняз:
Тон аволь Паз,
Тоньгак сайтянзат кандолаз.

343. «Кить лутнить нарт,
Сеть шумбрат ды парт», –
Васов неезь,
Кортась ушмодеесь.

344. «Ламо теиде паро,
Паро неиде зяро?!» –
Сыре ломантнень кевкстинзе Чись,
Зярдо, тунда, сынст эждеме лиссь.

345. Иля арсе виеват,
Бути сиеват.

346. «Келить мелят,
Те шкас келят
Ков а содат тонсь», –
Пинесь иредьстэнтъ лангс онгсь.

347. Превей ломанесь теи сэрей кить,
Сэрей таркасо китне коськенить.



348. «Тейтерька – Тундо,
Иля пеле безьгундо,
Мазый чамасот тонь цитни сырнесь», –
Моры нармунень вайгельсэ вирнесь.

349. Ёвтадо, тесэ конат
Кувалгавтозь сельмепонат, –
Сетнень а сайсынек никс.
Артозь тейтерь саемс визькс.

350. Эрва санозо яки –
Ломанесь раки.
Мазыйкась, нать, соды седе:
Ракамсто сон а с ы р е д и.

351. Кинь пешксе пуярмозо,
Се а кешни, а козы,
Вармадо а пели
Ды а соды теле.

352. Арсиця ломанесь кеми:
Сонгак аволь пекевтеме,
Сонгак ярсамо вечки,
Ансяк мекс аволь эчке?

353. А карматадо аштеме стядо,
Бути аволь вейкеттядо
Покш превсэ,
Лакиця тевсэ.
Изнить сеть, кить важдить вейсэ.



354. Ёвтакая, вечкевикс содамо,
Тейтеренек фамилиязо карми кодамо?
Тона серъгедсь: «Карь-Пря-Сан!
Ванды эрямо тенк сонзэ марто сан!»

355. Тувоськак карми седеень токамо,
Бути карми мазыйстэ рокамо.

356. Зяро кадовсть ялган — лован...
А содангак, ванды кинень сован.

357. Улить, нать, «нежензэ»,
Секс невтни кежензэ.

358. Эстетъ, пиштяка ломанъ, мерть:
«Иля сюлма лиянь пильгес терть».

359. Нумолонть пулозо эзь касо, —
Лия бажамо сонзэ прясоль.

360. «Кортамодонть мелем мольсь,
Пуворсь келем, ёжом кольсь», —
Бабинесь эстензэ мерсь.

361. Иля мере: «Ваяк!»
Ломаненть кисэ вал каяк,
Ды пиштякась виemi,
Карми чиеме.



362. Зярдo кармить сюдомот,
Ёми, дугай, удомат.
Весе пелить теде,
Кода вельть чопода веде.

363. Ойметь, Преветь сокарямо
Иля нолдтне ломанть ламо.
Мелеть-сэреть витник тонсь,
Аволь кие понгсь.

364. Аволь вестъ киртякшнызь канжат,
Тон ялатеке келес седееть панжат,
Ломань икельга штапо иля яка,
Ванькс ойме тяка.

365. «Ульнить ламо пулов,
Ней тон – улов», –
Овтонть Ривезесь онгсь,
Зярдo тона туворс понгсь.

366. Весе содыть: вейке Пазонок.
Кие ёвты, зяро удемтеме вазонок
Ды превтеме азоронок?

367. А чарькодеви аптюконтень¹,
Мезекс тештне эрявить вентень.

368. Сельмевтеметь превензэ,
Секс а молить тевензэ.

¹Аптюк – дурак



369. Бути прят теке баяга,
Эсеть кондят ялгат саят
Виревгак,
Пиревгак.

370. Авинесь, Аня –
А н ц я н я,
Мирдезэ – сэрей пиче прок.
Тейтерть, улезэ тенк – урок.

371. Даволоськак а карми пувамо тенек,
Апак лотксе чинек-венек.

372. Бути кить кепедьсыть верев,
Эрямот а ули верев.

373. Эйкакшт, свал кортадо киденек
Ды седе кортадо, мезе минь видинек
Те Моданть лангс,
Кона ней ванькс.

374. «Атят, арседе ниденк –
Меельце киденк», –
Нивтемесь ялганзо тонавтсь.

375. Лов ало почом,
Кедьсэнь кши кочом,
Аштян эйсэ,
Аволь лембе лейсэ.



376. Ломантне стявить,
Бути а явить.

377. Ломаненть удемензэ аволь чирть,
Сон озавты од вирть.

378. Тонавтнек ямонь пидеме,
Мейле листь видеде.

379. Весе превейтяно,
Ансяк тевсэ аволь сэрейтяно.

380. Паксясь свал терди
Пизементь верде,
Сон мелявты сюротнень сэрде.

381. Эри чамань апак невтне,
Аванть сэвить кудонь тевтне.

382. Зярдсэ сюпавт каванямот,
Свал вечкицят кармить ламо.

383. Важодицясь пильге алов прась –
Ней истямо шкась.

384. Бути ломанесь кевень,
Сон а мери: «Лаказевсть превень».



385. Кие апак тря,
Се – пель пря.

386. Капшавтыця авась – синхрофазатрон.
Цёра, оймавтыцясь, нама, т о н.

387. Содамот ды урват,
Тынь весе инзеень турват.

388. Ломанесь медьсэ вадезь,
Секс ашти мадезь.

389. Косот минек кисэ арсицянок,
Косот оршицянок-карсицянок?!
Кие ней валонь ёвтамо тенек анок?

390. Зярдэ ломанесь оймевтеме,
Сон аволь кеме.

391. Ломанень сёлмонзо колмо:
Васенцесь – седеень сёлмо,
Омбоцесь – менелень прев,
Колмоцесь – певтеме тев.

392. Эрьва мезень салыцясь – вор,
Ашназа сёвонесь – пор,
Ломанень обуцясь – кор,
Мекс кардазось «двор»?



393. Ней а бажить чачтамо,
Снартнить сельмень «начтамо»
Аволь эсест эйкакшкетнень кис.
Валгстак тенек, Ине, к и н е
Оймень шумбрачис!

*Николай Иванович Ишуткиннэнь,
«Чилисема» журналонь прявтонть*

394. Ломань, валдо пря,
Берянь эйкакшкеть эзине к тря,
Паро ломанть тринек,
Секс ней валдо кинек.

395. Зярдо ломанесь эрей,
Сон карми превсэяк сэрей,
Бути карми велямо штерекс.

396. «Пиштяка тяка,
Пильгалдо стьяка,
Нама, те стака», —
Эрямось пакшанть мерсь,
Пакшась Эрямодонть пельсь.

397. Асатыкстэ кортат,
Тонсь свал пекстазь кирдят ортат.

398. Газетань ловномадо
Эзь превейгадо, —
Меельце превтнеяк кадызь.



399. Лиси ведьстэ ды толсто,
Берянь ансяк: а важоди колсто.

400. Арсеман а прядовить,
Сынь тыненкак кадовить,
Тякинетъ —
Пакинетъ.

401. Локсеень рунго,
Ламбамо курго,
Кинь ваксто таго туят,
Ков уят?

402. Ломанесь эзь сода,
Эрси а эсенекак мода,
Секс сон эрясь эрьва кода.

403. Мезе те юртось,
Мезе те пултось?
Шанжавоськак а соды,
Кинень сынст лангсо коцтонть коды.

404. Ёмасть валонок,
Ёмасть кшинек-салонок,
Ёмась ламбамо меденек,
Ёмась ветиця кеденек.

405. Илядо капша эрьва ков кенереме
Ды а карматадо пильге алов кевереме.



406. «Кодамояк вардо
А теи миненек кардо», –
Ведрекштнэ парасть,
Мейле сынъ тумонтъ алов арасть.

407. «Шумбра, превей, виев мирде
Свал нинзэ кедь лангсо кирди», –
Бабинесь поланзо шнась.
Тень кунсолоть, пеедсь шкась.

408. Ламо иля котьма,
Пильгалот – отьма,
Тейть сэдъ,
Макст ваицянтень кедь.

409. Ёвтак, ламбакш аля,
Мекс лангсот арась паля,
Мекс понксот кайть,
Мекс рудазс ваить?

410. Пиштяка мустарка¹,
Пазось максозо тетъ лембе тарка,
Муевезэ тетят,
Киде свал кортамо ветят.

411. «Тейтересь наян,
Никс сонзэ саян.
А пелян сельмезэнзэ ваян!» –
Гайтевстэ морась
Уцяскав цёрась.

¹Мустарка – сирота



412. Аволь весе тесэ мазят¹,
Кутмориця сеель тенст а казят.

413. Васов иля яка,
Вешнек маласто эстетъ пряка.

414. Одс кутмордыя сень,
Кинь сельмтнесэ менелень сэнь.
Мельспаро тень.

415. Аволь стяко Моданть лангсо эрить,
Бути тонеть «Превей ломань» мерить.

416. «Тынсь карвонь сэртядо,
Монень «сий» мертядо», –
Ривезтненень Чичавось мерсь.

417. Бути удемесь сокор,
Сестэ кедеськак токор.

418. Бути ломанентъ прясо ули чартъ,
Кудосонзо кармить улеме пешксе партъ.

419. Ёвтак, Эрямонь лей,
Монь полавтомо сы кодамо сёрмадей?
Пек знялдан, сазо
Эсь Мاستоронь вечкиця,
Аволь пизэнь шешкиця.

¹Мазя – глупый



- 420 Тонеть, чарксей¹,
Весе мерить: «Сак тей
Тевень тееме,
Васов нееме».

421. Кона ломаньсэнтъ ули чартъчи,
Се муи Чинтъ ёнов ки.

422. Ломанесь обуцянзо эзизе кадо,
Сон наксадськак тарномадо.

423. Ломанесь мамзуль²,
Эли судосонзо пуль, –
Истямотненень а макснить руль.

424. «Вардо,
Кие ёвты, ёмат зярдо?» –
Истяня арси ломанесь апаро шкасто
Ды уксты састо, кувакасто.

425. Перьканок, лыткайть,
Мезе мелеть рамак, сайть,
Бути ярмакт зепсэть,
Бути нарде кедьсэть.

426. Мезде арсят, ашо карго,
Превейде превей атярго³,
Таго ледсь, натъ, мельзэть
Се, кие превсэть, кельсэть.

¹Чарксей – догадливый

³Атярго – вajak

²Мамзуль – маленький



427. Те вечкевикс тевесь минек.
Тесэ эрва ломанесь оцинник¹.
Тесэ весе калонь кундыцят
Ды весе кувать а удыцят.

428. Зярдэ ломанесь камажа², —
А кадови апак яжа.

429. Тевесь вана мейсэ:
Зярдояк а эрить вейсэ
Жигардыцятне³,
Обуцянь кемекстыцятне.

430. Сюкпря, Инешкипаз,
Батюканок — чиняз⁴
Ды — менелень сельме.
Мастором зярдояк ней а кельми.

431. Косто карми те ломанесь пилюкш⁵,
Бути лангсонзо — сядо вейке лукш.

432. Покшось киреми,
Вишкинесь касы,
Лавшось чиреми,
Арсицянь прясь шканть сасы.

433. Ломаненть вансак мелензэ,
Сон седеяк нолдасы келензэ
Ды пупамо седееть карми.

¹Оцинник — охотник

⁴Чиняз — князь

²Камажа — плохой

⁵Пилюкш — бойкий

³Жигардыця — хвальбун



434. Ломаненть парсте важоди прязо,
Секс свал ули шказо
Васов неемс,
Паронь теемс.

435. Кие правттанзат,
Се а стявттанзат
Ды а сайтязат кедь лангс,
Сонзэ седеезэ аволь ванькс.

436. Бути ломаненть корозо кеме,
Сон а карми лия лангсо киякстнеме.

437. Учить пиземе
Ломантне, талныть,
Модась лазновсь, кармась сиземе.
Эйкакштнэ ведрасо эмежтнень валныть.
Сыргак, п и з е м е!

438. Зярдо ломанесь штапо, кепе,
Кургозо мари сэпе,
Сельмензэ неить ве.
Ялатеке те – аволь пе.

439. «Сэрезэ эзь сато
Теемс сэрей лато.
Улевельгак атинесь превей,
Латозояк улевель сэрей», –
Чоледсь оязось алкине латонтъ ало,
Нармушкась морась, сельведть эзь вало.



440. Бути потомдазь судоварят,
Кодамояк чине а марят.

441. Шкась аволь вейкетъстэ юты:
Кинень превть пугы,
Кинь лангсто кедь лугы.
Ш к а с ь зяро сая, зняро пугы.

442. Скалtnэ аволь реветь:
Сынъ кармавтсызь важоме преветь.

443. Ёвтадоа, эрямонь содыця аят,
Мекс превень асатоманть
Аволь сеске фатят?

444. Ломанень вечкемадонть моли зэртъ,
Сынсь, пиштяткатне, ялгаст туртов поныть тертть.

445. Кендялонть мельс пек туи,
Зярдю пекезэ куав.
Бути свал удат,
Сийтнень а сюдат.

446. «Вашинеть
Ашинеть,
Ёвтак, мазыйка эльде:
Сынъ Ашо Телень Варманть пельде?!» –
Толсо лакиця Айгорось цяхась.
Эльдесъ, прянь комавтнезь, якась.



447. Касыцянтъ терди Чись,
Бажицянтъ терди кись,
Свал эрицянтъ, алдо эли верде,
Кие-бути верев терди.

448. Мазыйкантъ лелювамо¹
Цёрат муевить ламо.

449. Бути ялганк эзинк мие, эзинк кадо,
Илядо пеле карытышмадо².

450. «Вармине, пиземе пувака,
Лембе ды аволь пек кувака», –
Энялды чачома паксясь.
Чатьмони, кунсолы пакшась.

451. Сыре ломанесь тевензэ яла пряды.
Зяро апак прядо тенек кады
Покш тевть
Ды апак панжо превть?..

452. Тундонъ леесь цяторды, гайги, –
Телень якшамонтъ седейстэнек айги.

453. Нусманя т у з³,
Кие-бути таго ваксстонок тусь,
Эли сась аволь се,
Кинь учинек яла...
Кинь-бути таго эзинек пала.

¹Лелювамс – ласкать

³Туз – влиятельное лицо

²Карытышма – ругань



454. «Бути кедеть-пильгеть куят,
Ламонь мельс а туят,
Иля ярса ламо,
Бажак кутморямо», –
Тонавсь мирденть нись.
Мизолдсь Чись.

- Минек седейсэ те мелявксось:
455. Кода чарькодемс валвелявксось?
Кода а правтомс валось?
Кода а почодомс салось?

- Кедеть, прок овтонь лапа,
456. Эрзянь цёра, Шаляпа.

- «Оязт, садо
457. Чоледеме тюнихадо!» –
Чикордсь Сезякась,
Зярдс карнось Варакась.

- Кодамо мазый лемсэ паспортот иля пештя,
458. Велесэ максыть тетя од продештя¹.

- Ули колгансот илык²,
459. Аволь стяко Моданть педес-пес ютык.

- Ломаненть превензэ эзть касо,
460. Сон эри «лия» шкасо,
Лия пурьгине гайги сонзэ прясо.

¹Продештя – прозвище

²Илык – мощь, сила



461. Тумо, тон парсте эрят,
Тонь ламо сэрят,
Тонь мазыйть лопат,
Тон уцяскават – сюпавчить а сёпат.

462. Ловсо марто – кошксе,
Поза марто – рошксе,
Пия марто – кал
Миненек эряви свал.

463. «Эзь ванстово плаштят,
Секс понкстомо аштят», –
Атякшось визькстэме морась,
Зярдю штапо якась цёрась.

464. Тон, азор, а содат,
Вачотнень арсемаст кодат?
Тон сынсткак идек
Ды ям тенст пидек.

465. Нумолось сельведть эзь валю,
Мекс сон улы ловонть ало,
Тельняк сонензэ – кизэ:
Сонзэ вакссо улы низэ!

466. «Сюкпря тетя, пекшень вирь,
Тон тень казить медь ды пенчкирь»¹, –
Жойнесь овтонь кирьгапаресь.
Ков прок, цитнесь овтонть вельксэ
Ленгень к а р е с ь.

¹Пенчкирь – короб из бересты



467. Кинь кисэ мелявтат,
Сенень онстоткак велявтат,
Сенень скалокс тейсак сеят,
С е н ь сельмень конязыгак н е я т.

468. Мезесь а кандови, сень кевердик,
Мезесь а правтови, сень певердик,
Весе теветь арсезь тейть,
Мезесь кекшезь, сеньгак нейть.

469. Ламодо арсиця прявт,
Вейкетьстэ ломантненень мель явт.

470. П и з е м е в т е м е:
Паксясь – тевтеме,
Ломанесь – вачо,
Конань эйдезьяк эзь чачо.

471. Иля аварде, менелень сельме, –
Содак, сельведьсэ седеесь кельми.

472. «Столем арась, улипаром – эзем.
А содангак арась мезем», –
Арси пиштяка атинесь течи,
Элесэнзэ цитни чаво кече.

473. Те пек паро тев:
Эрьва кудосо – Эрзянь книга,
Эрзянь ойме ды Эрзянь прев.



474. Пиштяка цёранть арась низэ,
Секс прязо, прок варакань пизэ:
Апак нара, апак судря;
Сонсь пек мазый, теке кумбря.

475. «Арасель мезенек?
Киненьгак лезенек
Эзь ульне», –
Ломанесь эсь прянзо свал мурни.

476. Зярдэ ломанесь штапо ды кепе,
Сестэ сонензэ медеськак сэпей.

477. Модась лиссь ловонть алдо, –
Таго эрямом валдо,
Таго лаказевсь верем,
Менельс венстязевсь сэрем.

478. Те паро мирде,
Нинзэ кедь лангсо кирди,
Улевельтькак кемень кедензэ,
Эрьва кеденть лангс озавольть эйдензэ.

479. Вант, дугай, кежеть илить савто,
Содак: кежеенть прянзо «кавто».

480. Уредевесь капши лукшонтъ керямо,
Сон а соды, кода кармить одтнэ эрямо,
Кодат коршт перькаст кармить велямо.



481. Чинек-венек
Пазось лезды тенек,
Минь лездатано кинень,
Бути коронок пинень?!

482. Книга, тонь ламо лопат,
Ялатеке мезе-бути свал сёпат.
Мезеяк, книга, иля сёпо,
Мерть: «Ашо кевесь – аволь топо».

483. Ломаненть корозо кеме,
Истямость а карми авардеме.

484. Весе учотано лембе вал,
Минсь кенгелетяно свал.

485. Весе ломантне пупорькшныть,
Секс сынь аволь весе зрямост шныть?

486. Ёвтавлистькак тенек, кузтемань чалгамо,
Кинь тон кепедьсак верев,
Кинь кармавтсак отьмас валгомо...

487. «Мон урвакстытинь, атя,
Тон те шкас эзить фатя,
Кинь седей алов понгить,
Кинь кавалалов кедеть тонгить!» –
Пижнесь полась,
Конань псиденть атясь солась.



488. Сыре покштям ульнесь валдо пря,
Кода ансяк минек сон эзь тря:
«Левкском, бути кармат кенгелеме,
Эрьва тевсэ улят аволь кеме».

489. Кинень тон – ят,
Сенень инжекс а сат.

490. Тундонь кондымо тейтерьксчи,
Тон сех нурькине мазый ки
Ды сех кувака ледстнемань шка.
Тейтерьксчи – медень кирдиця шта!

491. Сэрей кузтемат ломантне теить;
Сынь од уцяска куземстэ неить.

492. «Кандат ламо смусть, Вал-важо,
Тон кандат уцяска эли кажо?» –
Аволь васенцеде
Арсян яла теде.

493. «Вармамей,
Тон парусат ней», –
Морасть укшныцятне –
Васов тукшныцятне.

494. Варма,
Пряудемсэть а терттъ, а новтат,
Тонсь яла весенень превть ёвтнят.



495. Ськамот лейчирева иля яка,
Ожо кувине люляка¹.

496. А недясыть
Весе койметнень.
А редясыть
Ятонь ойметнень.

497. Эрямо, тердть
Тов, косо арасть тергть.

498. Венстезь кедь,
Тон тень – сэдъ.

499. Ливти морось, покштям кудо чапи,
Чувтонть прясо письмар тензэ «цяпи».
Эскели цецяв чама шкась
Тов, козонь ковось паксянть элес прась.

500. Ломань, истямокс ульть:
Кадовозо эйстэть певтеме сульть,
Менелень оймень валдо
Молезэ эрва теветь алдо.

501. «Арасть пилеварян,
Ялатеке марян,
Кода удат,
Кинь свал сюдат», –
Оймесь Ломанентень мерсь.

¹Люляка – утёнок, гусёнок



502. Эсь прят иля бажа невтеме,
Сестэ питнеть ули певтеме.

503. Эсестнэнь ютксо – тесэ,
Лиятнень вакссо – тосо, –
Парсте трызь ломантне неявить эрва косо.

504. Зярдо ломань юткшат,
Илязат маряво, бути укшат,
Зярдо арасят – фатыст весе:
«Ломанесь арась тесэ».

505. Азё тестэ, сельведть иля вало,
Зярдо толбандя пильгенек ало,
Зярдо перьканок ловт ды эйть
Ды чикордыця пейть.

506. «Зярдо лембенди чизэ,
Тонетькак вачкан пизэ», –
Сезякась Куконтень морась.
Кукошь мельспародонтъ солась.

507. Ламот сыть пряпезэть,
Бути ульнесь лезэть.

508. «Кинень пеняцят, пире,
Тонь азорават сыре?!» –
Морась цёковось велинентъ песэ.
Кияк эзь кунсоло сонзэ эйсэ.



509. Эсенек лисьмасто таргазь бадия,
Тонь ведьсэнть, прок медьсэ, кургом вадия.

510. Содавитькак, телефон,
Мекс а лиснян ушов мон,
Мон свал учан, зярдэ гайгсты се,
Кинь эйсэ учан аволь вейке ве.

511. Зярдэ ведранть лангсо ведьлаз,
Веденть а симсы ваз.

512. Ламоксть ульнесь мерезь:
Боцькась эрзякс – керезь.

513. Пазось цецят макссь,
Ломанесь тейсь каксь;
Неемстэст весе кецясть
Ды палсемест эцесь.

514. Бути тонь кинть лангсо писть¹,
Валдо килангс лить.

515. Кить а якить стядо,
Сетненень а мерить: «Прадо».

516. Иля вешне лия ялгат,
Лиятнень мартояк
Эсеть лангс а чалгат.

¹Писть – приспособление для ловли птиц



517. Ялгань покордамо тонадынек,
Секс бугорьксэв-латков кинек.

518. Тонадтадо цидярдомо,
Карматадо цивтёрдомо.

519. «Эрьва валсот тортат,
Киде истя кортат,
Бути эсеть чамас рудаз ёртат?» –
Кевкстизе ломаненть вармась,
Мейле пувсемензэ кармась.

520. Кинь ломанекс ловить,
Сеть теть инъекс совить.

521. Ломантне ламо коргыть киде?
Седе, кинь кизэ аволь виде.
Кие сэтьминестэ эри,
Седе кияк паро вал а мери.

522. Мезеяк ёвтадо од.
Весе содыть: порось – аволь сод,
Содось – аволь пор, –
Эрьвасонть – эсензэ кор.

523. Кувать эрямо бажат,
Сестэ мекс коеть яжат
П и ш т я к а,
Видькстака.



524. Нузяксчинть чавт,
Паксязот видек ксनावт
Ды, нама, модамартъ видек,
Мейле тантей кснав ям пидек.

525. Зярдю ванькст кедеть,
Ванькс карми аволь ансяк ведеть.
Содак теде,
Ломань – валдо седей.

526. Ней, превей ломань, ловт:
Иесэнтъ зяро ковт,
Зяро пельтеме чить,
Зяро нолажа кить
Ды тетъ, тень кис, сюконить кить?

527. Превей ломанесь зярдояк а ойми:
Сон – мелявтыця ойме.

528. Вечкевиксэкс улят,
Бути валот аволь пулят.

529. Свал норовжорчось моры тень,
Зярдю менелесь валдо-сэнь.

530. Бастрикесь – «гнёт».
Кие тень чарькодъсы,
Кие «поймёт»,
Бути иесь ней – «год»?



531. Зярдэ ломанесь аволь сий,
Сонензэ а эряви сиень вий.

532. Зярдэ ламо сырнеть ды сият, –
Весе кармить содамо кият.

533. Бути понксот мисыть,
Кияк а карми рангомо кисэть.

534. Инженк туртов панжозь ортадо
Апак визде ёвтнеде ды кортадо.

535. Бути рангомат сась,
Тесэ чумот шкась ды эсеть прясь.

536. Истятнэде аволь ламо,
Кить маштыть паро эйкакшонь прямо.

537. Бажадо седеень лембень кандомо
Ды, тевень содазь, симдеме-андомо.

538. Сывельтеме ямот –
Тень кис кие карми шнамот?

539. Бути тынь инжекс сыде,
Кортамс эряви киде?
Азортнэнь шнамс, те ули виде.



540. А новоли прят,
Бути превей эйкакшт трят.

541. Содавлитыкак, верьгедема кев,
Кодамо валдомтат прев,
Кодамо сыргавтат тев.

542. «Ёвтака, ульма пов,
Таго чопавтыть ков?!» –
Калонь кундыцясь чейтнесэ морась.
Чольнесь леесь, кецясь цёрась,
Кизэсь менеленть куншкава мольсь.

543. «Мекштнеяк ютавтневельтыкак промкст,
Сыненсткак тосо эряволь ёзамс понкст,
Сынсткак важомемс шкаст аволь уле,
Сыньгак вечкевельть комолянть пуре!» –
Чоледсть озязтнэ нармунень промкссо.
Кияк, те промкссонть, эзь ульне понкссо.

544. Свал сетнеде пеледе,
Кить тынк кисэ эзь сэреде.

545. Ломаненть эйстэ лезэ арась,
Стяко сон прявтокс арась.

546. Киде минь эзинец пеле,
Те – тондеть, чачома веле,
Тунь эзинец пеле.



547. «Чарькодема прясот арась», –
Азоронстэнь вачо вазось парась.

548. Мезезэ ломаненть ульнесь,
Тень кисэ шабранзо мурнесь.

549. «Соды мушко сурень киресь,
Сонзэ кепедизе минек пиресь!» –
Чоледить озякатне,
Тунь аволь чаво прятне.

550. «Овтонть кундатотсь келезэ,
Мекштнень алов понгсь пелезэ!» –
Сезякась
Виренть чиресэ ракась.

551. Максозь шкась прядови,
Мезе сондензэ мейле кадови?..
М е з е ?..
Ине кевкстемась седеем сези.

552. Тундо. Нармунтне нарвить.
Кодат сынст эйдест кармить?
Кода седейшкава чоледить, карныть!

553. «Гала – келей сёлмо,
Содавлистькак, прят тонь аволь колмо», –
Мезде кортась ривезь патясь,
Галась мейле фатясь.



554. Виде черезэ –
Вельть кичкере нерезэ.

555. Кежтне сезтядызь чачк,
Илядо яка кежень пачк.
Кежтнень сельмест свал начкт.

556. «Авакшось атякшонтъ эзизе кандо, –
Нармушкась чарькодсь: –
Сонзэ лангс прась «пандо».

557. Весе содыть, нама:
Ансяк ломанесь полавтни чама.

558. Бути цёрась кол,
Сон эрва косо, прок тол.

559. Се ломанесь эскели састо,
Кона сырги эсензэ шкасто.

560. Зярдо, дугинем, одат, –
Эсеть лангс штердят-кодат.

561. Бути тон – «варят»,
Бути тон – «карят»,
Сестэ превень вайгель а марят,
Сестэ валдо ойме а неят,
Сестэ лезэ ломанентень а теят.



562. Сыре ломанесь чарькоди, соды:
Аволь эстензэ штерди ды коды...

563. «Тантейть эмеженек,
Сынь мизолдыть тенек», –
Морыть шумбра седеенек.

564. Кортнесть тензэ:
«Кеченть кавто пензэ,
Вейке песэнтъ – пуре,
Омбоцесэнтъ – уре».

565. Ловнан превей стихеть, поэт.
Кевкстия эйкакшонть:
– Чарькодят?
Сон мерсь:
– Н е т!
Рангомам сась, Поэт!

566. Кинь апак нее,
Илядо ардо.
Кинь апак тее, –
Сти каршонк вардо.

567. Кие вечксамизь, сень несынек:
Сон эрва шкасто мельсэнек-превсэнек.

568. Тондеть, шумбра ракамо,
Карми верем лакамо.



569. Пазось неи, кие кода
Соки, види апак сода.
Цидярдт, тиринь мода!

570. Оякщинь, седеень эждиця кудо,
Морак, ломанень седеезэ илязо удо!

571. Лукштомо ал,
Ведтеме кал,
Смусттеме вал, –
Весе сынь нардевтеметь свал.

572. Зярдо сэрей рунгот,
Покш илязо уле кургот.

573. Кодамо седеень толонк,
Истямо панемань ёлонк¹.
Кодамо ломанень коронк,
Истямо эрямонь моронк.

574. «Арсян лембе чиде,
Монь свал рунгом виде», –
Ашо килеесь тумонтень морась.
Видемсь тейтерень икеле цёрась.

575. Цёранть лаки верезэ,
Менельс токи сэрезэ,
Ули цёранть мелезэ:
«Понгомс, тейтерь, элезэть».

¹Ёло – прут, хлыст



576. Зярдо ялгань пиравксот кеме, –
А кармат сявореме,
А сыргат кевереме.

577. Мезеньт свал ваднить медьсэ, –
Карми ломанень кедьсэ.

578. Сокоронтень ялатеке,
Кие эчке пеке,
Кие чова пильге,
Кинь конясо сильге.

579. А стяко перьканок чары,
Кеми: ваксозонок ары,
Секс ревинекс пары.

580. Эсеть раськенть эйстэ иля яво,
Лия раське марто иля човоряво,
Эсеть масторсо кепедить эйдеть, –
Эсеть масторсо цецятне пейдить.

581. Се а эскельди мельгат,
Кинь чамас сельгат,
Кинь седейс а кельгат.

582. Ведьгевенть снартнесть кармавтомо
Почтонь яжамо вармавтомо.
Мекс эзь сыргавтово тевесь,
А соды ведьгевесь.



583. Паро ломанесь аволь зярдо сави
Мель тенек сатышка яви.

584. Росаськак пры аволь зярдо лети,
Пры сестэ, зярдо умарь чувтось а цветы.

585. Васня паро тев тейць,
Мейле лиянь тевць нейць
Ды зяро мелеть пейдць.

586. Конянок а сэрейгады,
Зярдо кежтнеде веренек чады.

587. Зярдо паро валсо ялгам ледстясамам,
Валдомгадыць ойдем, седеем ды чамам.

588. Эзь бажа нельгеме,
Бажась ломань юткс кельгеме.

589. Лембе валонь ёвтамо тонавтнеде,
Илядо пеле теде,
Бути пси валонек солавты седей.

590. Нармунень ал,
Ульць нарвавицякс свал.
У л ь т ь
Аволь кода сульць, —
Морыця нармушкакс ульць!



591. Эсь прят вадрясто симдть ды андт,
Валдо бажамот седейс кандт.

592. Карго, аволь стяко тия яксят,
Тесэ ульнесть пиреть, паксят,
Каргонь киштемат ды морот,
Мекс тон, каргине, полавтык корот?

593. Иля вешне истямо сиве,
Кона стака, прок киве,
Конадонть кирьгат сиви.

594. Ялгат миеме
Иля капша чиеме.

595. Стувтомас а ёмат,
Бути паро ёнов лиякстомат.

596. Вечкемадо улезэ моронк,
Ды чевтеми калгодо коронк.

597. Неевельтькак седеень сельменек,
Минь аволинек лажно: «Кельминек!»
Аволинек пижне: «Ков ёминек?!»
Аволинек лайше: «Беряньстэ стоминек!»

598. Шекшатась сырги сеелень нарамо,
Мейле кунды макшов чувтонь карамо.



599. Судом пекстыя, потомдынь пилям,
Оймсить тейтерькат, эрванть кедьсэ – цилим.
Весе кортыть, весе таргить,
Сы шкань эйдест лангсо нарьгить.

600. Меревельгак тенек неень шкась:
Исень чись миненек таго сась!

601. Кедьсэнь тумонь цётмар,
Прям, прок чаво потмар,
Перькан кельме седейть ды толонь прят.
Эсь прям кевкстия:
«Кинь тон истяня ванстат ды трят?»

602. Пееди ковань,
Аварди ловось,
Сельведне прась.
Нусманя шкась
Таго, нать, сась.

603. «Сёпат берянь ёжот,
Кортат, эзить сизе,
Бути эзить сизе,
Мекс а вачкат пизэ?» –
Превей нармунесь ломаненть кевкстнесь.

604. «Якстерьгады кувака судот,
Бути уштсак олгонь кудот», –
Нумолкаесь оймавтьс ривезь патянтъ эйсэ.
Сынь эрясть ушосо вейсэ.



605. Бабинесь атянстэнь путсь «вете».
Ней прячерензэ пети,
Мекс тона прянзо лиякс вети.

606. Вачо шкатнестэ марясть судонок,
Мезе анокстась паникудонок.

607. «Атякшонть пильгензэ понавт,
Азё истямонть штапо якомо тонавтт», –
Сельведть пeverди авақшоь.
Моры понав кочкаря атяқшоь.

608. Аволь свал анок
Прев лангс стямс прянок.

609. Ломаненть покш сталмозо,
Секс вишкине калмозо.

610. «Сыргить вармат,
Тонгак кевереме кармат», –
Варма-крандазось оскантень тошкась.
Эзь кунсоло оскваь.

611. Ломанесь аштесь вере,
Сон эсь прыдонзо берянь вал эзь мере.

612. Ёвтак, ломань – превей пря,
Мекс эсеть кондыамо эйде эзить тры?



613. «Илядо пеле лавдо,
Пеледе сядво¹», –
Сыре чеересь одтнэнь мерсь,
Сон пупиця сядво пельсь.

614. «Вейке кеменек,
Сядо вейке леменек», –
Тикше ютксо пангинесь кецясь.
Чинтень мизолдсь цецясь.

615. Зярдо седеенек валовить пингень эйсэ, –
Истямо ёжосо стака улемс тенек вейсэ.

616. Тейтерькатне карсесь котат.
Цёра, арсек, ков ней потат?

617. «Шубась» – ор,
«Характерэсь» – кор,
Те шкатнес – «до сих пор».

618. «Кодат эрявить тетъ онкст,
Бути кодемдить² сленикань понкст?!» –
Кувака кель нись
Мирдензэ сёвномо лиссь.

619. Ансяк вечкиця седеенек
Ёвтыть, мезе эряви тенек
Васолдо неемс,
Вадрясто теемс.

¹Сяв – ость

²Кадемдемс – одеть наизнанку



620. Сэрей прялкс,
Ялав¹, каркс,
Вельтявкс, алкс,
Эрзянь сюпав В а л к с,
Тон Инешкинъ арсеманъ пакся!

621. Тонь лангс ваномсто, цивтёрдыця
С ю л г а м о,
Соласть цёрань эень седейть ламо.

622. Тейтерь, зярс ёлганят,
Зярс аволь эчкат,
Кандтнек конят лангсо
Цецянь кондямо чечкат².
Мейле элезэть озыть лия ц е ц ь к а т.

623. Зярд а лаки веренек,
Лиякстомить эчкенек ды сэренек.

624. Кие кшисускомот пурны,
Се эрямонть мурни,
Кие вачонть анды,
Се эрямонть канды.

625. Улезэ шканок
Ванстомс эсь прянок,
Арсезэ прянок, –
Тень мельга ванок,
Превсэ неиця пря.

¹Ялав – бант

²Чечка – налобная лента



626. Эсь прянь ветямонь лув,
Тонь а кекштянзат сув.

627. Ломанентень стака, аволь паро:
Сон а соды, коензэ-кирданзо зяро.

628. Зярдэ кирдят эсеть кедьсэ штердезь кесак,
Эрьва сурепензэ ветькак мусак, несак.

629. Васня шивечесь неди,
Мейле панксоь панксонтень педи.
Лиси оршамопель,
Кона вिति ломанень мель.

630. Эрьва эрицянтэ эсензэ лувозо
Ды эсензэ куро́зо,
Эрьва эрицянтэ эсензэ пансу́розо¹.

631. Кудонок ды кардазонок парт,
Сынст эйсэ неяви эрзянь арт.

632. Эрямонь нолажа пандо,
Кие ансяк тонь эзь кандо,
Кие ансяк тонь лангсто эзь пра,
Лангсот аштемстэ весе пижнесь: «Ура!»

633. Видькстамось стакадо́як стака,
Кинь верезэ истямо шкасто эзь лака?!

¹Пансу́ро – почерк



634. Тень сезинек,
Сень эзинек.
Сисемев сезезесь
Ульнесь сехте лезэвекс.

635. «Сёлмо лангс тенек эряви стямс
Ды а понгомс пачалгос ды ямс», –
Лайшить нармунтне паксятнесэ.
Ломанеськак аварди тесэ.

636. Ломанесь аволь Паз, нама;
Сон Пазонь кондямо чама,
Сонзэ седейсэ сырне ды эрексия,
Секс сон эрьва шкасто лия.

637. Ульнесь тейтеренть мелезэ
Пештемс эйкакшто элензэ.
Эрямонь перть эзь васто мирде,
Кона цёрань вал кирди.

638. Виевтядо, патят, сазорт,
Зярдо мирденк превей азорт.
Тесэ теvesь вана мейсэ:
Башка – берянь, паро – вейсэ.

639. Кинень-бути ялатеке,
Кие ченге чинь-чоп леки,
Кие канды вачопеке...
Зярдо, ломань, паро ёжос сат?
Мекс а ванстат, дугай, превей прят?



640. Ломанесь ливтямсто прась,
Раужкадсь певтеме шкась,
Певерди пиземеньт чись,
Цецясо меельце кись.
Турвам лангс кевери сал,
Тесэ а эряви вал.

641. Вечкевикс ломанть, истя илядо корта:
«Панжовсь тень लिया орта»,
«Нельгевсь тень ярмаков ки»,
«Сась тень लिया ни».

642. Иля пеле якшамодо, кежде,
Месявт вечкицядот: сон тонь ойменьт эжди.

643. Ломанесь молемстэ пупорди, пры, –
Истя сон обуця кемексты, три.

644. Те апарось юты,
Кинень-бути сон превть путы,
Виевеньт сон стявтсы,
Лавшонть – правтсы.

645. Паро ломань, иля пеле,
Тонь седейс а сови теле.

646. Вечкиця вановтсто ломанесь эжезэ,
Нурькине улезэ ломаненьт кежезэ,
Певтеме улезэ ломаненьт лезэзэ.



647. Садо, оинеть, садо
Ды свал кортнеде вечкемадо.

648. Содан мон, арась мезем:
Лавшоминь, арась од шкань лезэм.

649. Ломанесь свал лия:
Течи – сырне, ванды – сия.

650. «Бути ловонть солавтык,
Таркат полавтык», –
Модась Чипаентень мерсь.

651. Кодамо содамо
Карми коцтонь кодамо,
Сенень макссынек тейтеренек ниск,
Кадык васня коды ветямонь пикс», –
Низанясь макссь реклама.
Пек превей ульнесь, нама.

652. Сядо вейке ломань прась,
Вейке ломань таго стясь
Ды Масторонстэнь
Тёжат ванстыцят трясь.

653. Панжадо седейсэнк мелявксонк кандодо,
Тякиненк тантейстэ симдеде, андодо,
Вечкиця седейсэнк менеленть токадо,
Пазонтень пингенк перть чекадо-покадо.



654. «Те тевесь минек,
Ков пурдамс кинек,
Ков ардомс нурдсо,
Ков невтемс сурсо», –
Азорось урентень мерсь.

655. Модалангонь кинек аволь виде,
Те кинть лангсо мелявтано киде?

656. Ломанесь эзь оймсе, эзь удо,
Сон чапсь эстензэ кудо,
Лиякс меремс: вачкась пизэ.
Вечксь о д пизэть сырнень низэ!

657. «Кить-бути лиякс
Шлить киякс,
Минь, кода свал, – ведьсэ
Ды, нама, – эсенек кедьсэ...», –
Авам ёвтнесь, кода шлясь киякс.

658. «Вечктян» валось сёлмов,
Секс сон а явови колмов;
Сон свал –
К а в т о седеень вал.

659. Мазый чамине тундо,
Макст левкскень нарвамс ундо,
Вирень эрва нармушкентень,
Конат морыть т о н е т ь –
Сехте мазый шкентень.



660. Атясь прянзо чиремтизе,
Паламонзо эци низэ,
Учи чокшненть яла,
Майси апак пала.

661. Течи мазыят, одат,
Рисьметь цёратнень кирьгас содат,
Ванды мезе карми – а содат,
Тейтерь – тундонь цеця,
Кецяк, иля эря апак кеця!

662. Кедтне ды чамась шлявсть,
Пультне, рудазтнэ минек эйстэ явсть, –
Тень неемстэ седеенек баягат чавсть.

663. Вадрясто содась кшнась,
Мезень кисэ сонзэ ломанесь шнась.

664. Мик сень карминек стувтомо,
Мезесь ульнесь лембе ды сувтомо.

665. Кинь прязо валдо, обуцязо кеме,
Се тиринь масторсто
А карми оргодеме.

666. Аздан ломанть кадовсть зяро,
Кинень берянеськак – паро,
Алкинеськак – сэрей,
Теинеськак – келей.



667. Шождыне ярмакт вечкить сеть,
Кить бажить важодеме веть.

668. Кода мелеть, истя чарак,
Ансяк седе верев арак.

669. Ине Изнямонь чи,
Тонь валдостонть ушодови
Э р я м о н ь к и,
Конань ланга молемстэ
Вастовить мирде ды ни, —
Ды поладови од изницянь раштамо коесь!

670. Арседе эсенек ломанень прядо,
Эсенек тевень прядомадо.
Свал арседе.
Арсезь, мик карседе
Ды, вечкезь, палседе,
Киньгак а кунсолыця ломанть!

671. Тевень содыцянок ламо,
Курок карматано таго стямо.

672. Атякшось муи эрва саразонть вельтямс сёлмо,
Кадык саразтнэде кармить колоньгемень колмо.

673. Вана истят газетанок:
Эрва газетась чамас сельгеме анок, —
Сельгема чакшокс теинек прянок.



674. «Кудост перька аштить сырнень улавт,
Сынсь вачопекеть ды нулавт,
Ды яла лездыщят учить,
Кить тенст ней превть кучить?» –
Озязнэ кинь-бути сёвность,
Эли од газета ловность?

675. Седеень ормадо
Ламо пек иля сёрмадо,
Кувать пек иля мора,
Гайтень вечкиця цёра.

676. Сюлмазо леень чиретнень сэдесь,
Ванстозо рудаздонть минек кедтнень ведесь.

677. Рудазов чаманок шлявить, нардавить,
Бути вардонь обуцянок кардавить.

678. Васня лепштысызь сурот,
Мейле токасызь пилеюрот
Ды тон таргасак цёканьзюрот.

679. Бути аламо преветь,
Ламо кармить улеме теветь.

680. Кува ломанесь ютась –
Тосо кулов ды сод.
Иень трокс таго сон
Карми тееме эрямо «од».



681. «Стака, зярдо эрят ськамот,
Мик а кинень сядломс прякат, ямот», –
Арси ломанесь чаво кудосонть.
Сонзэ кунсолыть каткась ды нусманя чись,
Кона таго, сьукпря Пазонтень, л и с ь!

682. Вазтнэнь свал тевест секеть:
Сынь парыть, сынь свал вачопекеть.

683. Эйкакш – икельдиця ды касыця,
Вармань, ёндолонь сасыця,
Видек, ломанень пакша,
Превей эрямонь пакся.

684. «Прям свал чарась,
Секс меземгак арась.
А кшим,
А ним...», –
Ломанесь ушосонть кортась.
Стака ульнесь седейсэнзэ тортась.

685. «Садо инжекс тенек,
Эждинк седеенек,
Учотано эйсэнк, эйкакшт,
Чинек-венек», –
Сёрмась прядовсь,
Апак кучо кадовсь.

686. Вармась ламоксть нузякс цёранть шнась:
«Тодов ало уды превей прясь».



687. Ломань, Пазонь кучовт ялгат
К а л г а т –
Отъмас валгат.

688. «Кияк миненек рецептт эзь сёрмадо
Превень асатомань ормадо,
Нама, а сёрмадыяк
Зярдояк», –
Эсь прянзо атясь мурнесь.
Ломанесь превей ульнесь.

689. «Кодамо вайгельсэ парат,
Истямо ракша ваксс арат», –
Парась пиштяка скалось.
Сонгак содась, мезекс эряви
Превей валось.

690. А вечкиця седеесь кельми,
Вечкицясь – лов алояк вельми.

691. «Вейке ломанесь – «шта»,
Омбоцесь – «кшна»,
А тень, а тонань илинк шна», –
Тонавтсь одтнэнь Оря бабам.
Одтнэ усксть паксява сабан.

692. Ава, сядоксть чинь перть
«Мон сех мазыян, – мерть, –
Свал понан цёратненень терть».
М е р т ь, дугинем, мерть!



693. Содась мазый чамась,
Сонзэ сюпав атя рамась,
Секс, нать, пильгалов вансь
Ды, прок нармушка, рангсь.

694. Кие менельстэ тешттэ ловны,
Сень тештень вечкият а сёвнать.

695. Кепеди эсь прынзо патям:
«Теия превеекс атям,
Аволь сеске теия,
Теия, зярдо оймензэ неия».

696. Азё вешнек, кие анок
Сырнень покольть ёвкстнемс
К о м о р г а н о к.

697. Атя, вадрят тейтереть ды цёрат,
Секс важоместэяк морат.

698. Суксось мерсь: «Содадо,
Кияк, мондень башка,
А ярсы модадо».

699. Кодамо ульнесь кинек,
Те весе – минек.
Тон сонзэ лангс вант
Ды сталмонзо кандт,
Арсиця ломанень пря.



700. Лиянь мельга иля лово ярмакт,
Сестэ ламо чарькодеме кармат.

701. Улезт свал эсеть
Валтнэ кельбесэть,
Улезт сынъ свал лият,
Прок сырнеть ды сият.

702. Содавольгак удыця велесь:
Цярахманокс тееви пелесь.

703. Тонь эрвя ёнов
Кучнидизь, конёв.
Ламо тон сыргавтыть,
Лоткавтыть тевть,
Ансяк киненьгак эзить путо превть.

704. Пижнесь веньберть вармась:
«Ломанесь превейгадомо кармась,
Ней сон а раки,
Зярдэ комадо яки!»

705. Илядо капша срадомо,
Илядо бажа эсенк кудонть кадомо,
Снартнеде превейгадомо,
Уледе тетянк-аванк кондямо ломанекс.

706. Превтне а ёвтыть тенек,
Мезде кармить авардеме седеенек.



707. Войнась умок прядовсь,
Качамонь чинезэ кадовсь.
Кадовсь в о й н а валось
Ды ярасо¹ салось
К а д о в с ь...
Войнась прядовсь?

708. Весе превейгадынек,
Сестэ мекс веленек кадынек
Ды, прок реветь, срадынек?

709. Превей вал,
Тон цеця ды нал,
Тон эряват свал.

710. Таго од эрямов сынек,
Ялатеке верев кинек.
Те уцяскась минек?

711. А вечкевить тенек:
Те – седейсэ венек,
Те – нолажа кинек
Ды – чопода чинек
А вечкевить тенек.

712. Чипаень ава,
Мельзэнь ледить,
Мекс свал салава
Палсинь кедеть
Ды эзинь нардтне сельведеть.

¹Яра – рана



713. Атянтъ превензэ эзть касо:
Сынь ульнестъ поланзо прясо.

714. Превсэнек пельть,
Превенек пельть.
Ёвтака, Ков,
Мольтяно ков?

715. Ломанесь арси олячиде, изнямодо,
Секс ветямонь пикс кыргызонзо
Кияк эзь содо.

716. Сюкпря тетъ, Эрямонь пандо, –
Ванстымик нолажа яндо.

717. Ойменек свал анок
А ёмавомс прянок.

718. Бути вечкемат валдо ды кеме,
Кармат рангиця седейтнень чарькодеме.

719. «А топавттано закононок,
Секс аволь парт ононок», –
Кортась ононь неицясь –
Од законь теицясь.

720. Ломанентъ седейс совась вардо,
Ней те седеесь – ракшань кардо.



721. Кие эзь лезда тенек,
Се васенцекс чии,
Зярдо ямонок пии.

722. Превей седей, нек,
Кить минь кавонек,
Кить минь карматано колмонек.

723. Ине уцяскась, зярдо седеенть верде
Инешкись морамо терди.

724. Мелень молема,
Ёжонь колема,
Тынк сталмонк кевень,
Превенк – чарыця ревень.

725. Кить вечктядызь, сеть
Эжнеме сыть тетъ
Чинь куншкане ды ветъ.

726. Кинень сахартомо чай,
Кинень модалангонь рай.
Аволь эрьва кинень
Те эрямось пинень.

727. Кие мельзэнек а туи,
Се, нама, аволь тона ёнов уи,
Се, нама, –
Нумолонь чама.



728. Сёвномо тонавтнесь,
Шкаст ёмавтнесь,
Превей прят комавтнесь, –
Ломантне истяня эрясть –
Эсь кедьсэ эрямост керясть.

729. Штапо пекензэ перька – карькс,
Ливезьсэ конязо, ушосо тарькс, –
Те ломанесь а кельми,
Сон аволь сявадыця сельме.

730. Сехте вишкине лейденть пелема,
Бути а муят вадря келема¹.

731. «Эрьва вишкине лисьмапрясь
Покш лей чачтась ды трясь», –
Тонавтсь покш Ватракшонтъ Ботпрясь.

732. «Сэперьке²,
Лавсетъ томбака эрьке,
Налкшкетъ гога³», –
Корты калонь левксентъ марто Ёга.

733. «Сардов кутьмере, цапа⁴,
Кияк тонь кирдемстэ эзь цяпа», –
Сыре овтось пупиця калонтень мерсь.

734. Эзинек мендяво, эзинек ёма,
Сюкпря тетъ, ц и д я р д о м а.

¹Келема – брод

³Гога – жук

²Сэперьке – малёк

⁴Цапа – ёрш



735. Илядо апаргале эрзятнень лангс, калт,
Минек кельсэ ней арасть истят валт,
Конатнесэ ёвтакшынек мазый леменк.

736. Вадрясто апак андо,
Ломанесь а сая лавтовонзо лангс кандо.

737. Учинец сэтьме кизэ, –
Кандсь тенек уксань пизэ.

738. Артания – Арсания – АРТА!
Арась течи Моданть лангсо истямо
Масторонь карта,
Ашо Каргонь Мастор – Арта.

739. Шкадо икеле ойминек,
Васня ванстомальть ойменек,
Мейле ванстомальть превенек,
Кезэренъ коенек. Стакат ней тебенек.

740. Берянь ломанесь корты –
Кевть седейс ёрты.
Паро ломанесь соды лия тевть:
Тарги яразь седейсэ стака кевть.

741. Дугай, зярдэ эрямось лувтомо,
Кармат коет-кирдат стувтомо,
Лиякс арсеме кармат,
Зярдэ колгансот вармат.



742. «Эрьва чистэ ломанесь лия,
Течи – ченькс, ванды – пия, –
Вармась пижни: – Мон сонзэ трия!»

743. Цецине, турват ашот, кургинеть ожо.
Пейделька, тонь лангс ваномсто
Ломанентень валги паро ёжо.

744. Салыщятненень кияк эзь мере:
«Инжекс садо!»
Ялатеке сынь эзть покордаво
Ды эзть врадо.

745. Пекшеть, пойть, тумот, укшторт, сиртть...
Тякиненк лемест мазыйть, вирть!
Ломань, те мазычинть сельметь икеле кирдть.

746. Сестэ вием ламо,
Зярдэ бажан стямо.
Сестэ сэрем пек покш,
Зярдэ саян од тёкш.

747. Бути тонсь олгат,
А сыргавтгадызь оргат,
А кепедтядызь галат,
Бути тонсь чаво валат.

748. Карминек онгомо, эстенек цяпамо,
Сестэ минь сыргинек комадо якамо.



749. Мезе вечкиця седейсэнек,
Се неявозо тенек,
Се ванстовозо тенек.

750. Улезэ шумбра веренек,
Улезэ нардев сэренок,
Улэзт вечкицят седеенек,
Свал лездазо Инешкись тенек.

751. Зярдо ломаненть чаво седеезэ,
Сестэ сон киненьгак а канды лезэ.

752. «Кодамат илязат уле кеме,
Ялатеке кармат иредеме,
Бути бадият комаватат колмо.
Эрьва бадиянтень а педявтат сёлмо», –
Кортынь мон.
Эли неинь он?

753. Ломанть, улэзт пешксеть крандазонк, нурдонк,
Улэзт мизолдыцят превей сельменк
Ды мазый кургонк,
Кувать эрядо, кувать илядо удо,
Важодеде, киньгак илядо суюдо.

754. Ков а варштат – ве,
Кинь мельс туи те,
Зярдо арась пе
Каворьксэв кинтень,
Чопода чинтень?



755. «Таго чумот чопода пелесь
Ды якшамо телесь,
Мекс эрзякс а корты пиштыка велесь», –
Ранги седейсэнь тиринь келесь.

756. Мезеяк а теят,
Бути васов а неят.

757. Кие карми ледстнеме минек,
Бути коласынек эрямонь кинек?

758. Ялганк кисэ кенярдодо,
Зярдó сынь касыть,
Зярдó сынь икельдицяст сасыть, –
Свал ломанень кисэ мелявтодо.

759. Бути чаравтоват,
Лия таркас аравтоват.

760. «А содан, кие ков
Кшинь таркас сайнесь лов!» –
Пинесь ломанень чамас онгсь.
Ломанесь эсензэ кургс ловонть тонгсь.

761. Авам крёстасамам,
Шлия парсте чамам,
Рудазов пильгенгак шлинь –
Мон паксясто сынъ.
Сестэ велесэ эринек минъ.



762. Превей ломанентень а эряви ламо,
Сон соды: «Ламось – нолажа,
Нолажась кармавты прамо».

763. «Важоместэ ваят ливезь потс,
Молят баняв, парят, шлят, прок чачат одс», –
Атясь тошкась батюканзо пилес.
Морась банянтъ вельксэ пекшень виресь.

764. Зярдо кувать эрят съкамот,
Весе кармить тонавмот, трямот.
Берянь съкамот.

765. Инешки, превейтнененьгак а ёвтат,
Кинь пряс каят новтат.

766. «Ломанеськак кармась пешкедеме,
Пиштякась ялатеке салы
Ды киненьгак а кеми!» –
Р а к а с ь
Велентъ куншкасо сезякась.

767. «Косо чачинек минь,
Тей ней съкамон мон сын!» –
Пижнить тенек
Седеенек.

768. Инешкипаз, лездак тенек,
Макст тол эждемс седеенек.



769. Ломантнень эзь ульне мелест
Нурькалгавтомс келест,
Теемс кувакакс келест
Свал ули мелест.

770. «Морыця, мекс икелев а тердят?
Цяхат айгорокс, тонсь – эльдят.
Моросот – кавто нотат,
Мейс кунсолыцят чават?
Ков, чаво пря, потат?» –
Пижниця морыцянтъ Цёковось мурнесь.
Косо, каня, истяня ульнесь?

771. «Мекс арсеме эзинь тонадо,
Мекс превен эзь касо?» –
Истямо арсема палы
Аволь эрьва ломанень прясо.

772. «Киртизь канжат,
Секс тень кенкш а панжат,
Дугинем –
Пеев кургинем!» –
Бизнесь Мекшесь Овтонть кузтембесэ.

773. Эрьва чувтонть эсензэ марензэ,
Эрьва атянтъ эсензэ карензэ,
Ансяк нузяксонтъ чавот парензэ.

774. Гользер, тон сардоват свал,
Тонеть ней мертяно: роза, эрзянь вал.



775. Ломань, сокамо сак,
Паксясонок барлак,
Кона эряви сокамс,
Седейсэ токамс.

776. Каргонь Масторонь цёран,
Каргонь вайгельсэ моран,
Седеем кеми:
Морозо к е м е.

777. Ломань, иля шна ошот,
Шнык велень кошот,
Косо тон уцекшныть,
Медень кошт кундсекшныть.

778. Видьмекстнэнь песэ лазовкст-керявкст,
Курок эскельдить тосто нерявкст
Ды паксятне пижелгадыть,
Кочкодыктне пижакадыть.

779. Мастор Эле,
Тонь лангс эряви озавтомс од веле,
Од лисьмапря муемс
Ды тестэ ковгак а туемс.

780. Мелявтодо Россиядо,
Велявтодо кудов стядо,
Ласте эсь масторов садо,
А эсь масторсо эрицят –
Теледе пелицят.



781. Ловныця, дугинем, энялдан,
Те арсемантень мель явт:
Чачома Масторсо кастови
Эсеть раськенть кисэ мелявтыця Прявт.

782. Паро инжентень – кши ды медь,
Ды сонзэ ёнов венстязь кедь,
Ды лембе вал
Муеви свал.

783. Чумотано, тиринь Репештя,
Чекицядо-покицядо эзидизь пештя.

784. Кивтеме кадовинек –
Те чумось минек.
Таго аволь тей сынек.

785. Паксятнень вансты наргедесь¹,
Латкт а чуви тезэнь чадыведесь.
Кие вансты минек
К и н е к?

786. Валдось ламо тенек мери,
Зярдэ сон тевсэнек эри.

787. Кепедия правтозь кором,
Серьгедия стувтозь мором,
Вечкемам пувтыя,
Апаром стувтыя.

¹Наргедь – дёрн



788. Те моданть лангсо арасель мезенек,
Бути ансяк – лезэнек?..

789. Седеем – ванстыця пинень,
Те зряви кинень?

790. Тонсь невтик, тон ломанесь кият, –
Ламо валсот аламо сият.

791. Ёвтадо, зярдо килькшсэ прянок,
Кие ваксозонок арамо анок?

792. Тувот сыть тевенек сокарямо,
Кить сыть минек трямо?

793. «Калтнэнь арасть черест,
Секс чертемень нерест», –
Калнэтне рангсть
Ды овтонть чамас вансть.

794. Надобиянок – онгомадо
Ды цётмар алов понгомадо,
Ды варяс кувака судонь тонгомадо.

795. Школав якинек карьсэ,
Пеке пештинек модамарьсэ,
Сёрмадынек содсо артозь ведьсэ,
Кудонь тевтне ульнесть минек кедьсэ.



796. Мезе карми улеме ванды,
Сень ломанесь
Течи теи ды канды.

797. «Тонавтнеме озадо,
Тонавтнемстэ эсь прянк каванядо позадо,
Мезенк а цитни,
Сень цитнема видьс ёзадо», –
Весе вейсэ
Тонавтсть минек эйсэ.

798. Паро ломань, оймак, иля кежиявто,
Содак, эрямонок вейке, аволь кавто.

799. Кенерезесь карми пeverеме,
Мезесь пиже – карми кенереме.

800. Содавольгак толось:
Сонзэ теवंть поладсы тонолось.

801. «Улевельтькак превенек сэрейть,
Паксянокак улевельть келейть,
Улевельть видезь
Ды – идезь», –
Вармась вешксь
Ды паксятнень шешксь.

802. Чуросто, кие истя мери:
«Монь седеем тонь кисэ эри».



803. Сельменек неест,
Кеденек теест
Ансяк паро тевть.

804. Аволь тетякс-авакс туиде,
Бути идем ракшакс куиде
Ды лия од мастор муиде.

805. Иля мере ломанентень:
«Ознок тештевтеме вентень».

806. Ломань, арсек, менель, ванок,
Мекс кияк а яки паксяванок?

807. Тонеть вети кинек,
Секс тей сынек,
Чачома веле,
Тердиця эле.

808. Косо медь ды арво,
Тосот укса, карво.

809. Зярдояк а оймить седеенек,
Свал мезе-бути эряви тенек.

810. Арседе эсь превсэ улемадо,
Аволь тюремадо,
Ды карматадо якамо стядо.



811. Аванть мазычизэ эзь ола,
Сонзэ кутмори виев цёра.

812. Чольни лисьмапрясь:
«Кинь симемазо сась –
Монь мештес прась».

813. Эйкакшот превейстэ тряк,
Аволь к о д а я к.

814. Кеженек савтсынек,
Минсь пильгалов превенек правтсынек.

815. Од ломанентькак аволь пек васоло шказо,
Зярдо ашолгады сырнень кондямо прязо.

816. Мик сеяк, кие превей пря канды,
А соды, мезе тееви прянзо марто ванды.

817. Цёра, кеме лавтов,
Иля сиве кавтов,
Иля явов колмов, –
Цёра, ульть свал сёлмов.

818. Кодамо ёнксонок,
Истямо ёвксонок.
Кодамо коронок,
Истямо моронок.



819. Седеем сеедыстэ чави,
Сон таго кинень-бути мель яви, —
Таго паро ломань стяви.

820. Мекс, зярдо виенек ламо,
А капшатано лездамо само?

821. Зярдо ломанень кедензэ сановт,
Сонзэ лангс валги लिया вановт,
Коната невти,
Сон седе чевте.

822. Зярдо апак шля чамат,
Эсь прят лангскак а ванат.

823. Ломанесь сестэ раки,
Зярдо менельга яки.

824. «Весе пек нусмакадынек,
Покш вечкеманок тезэнь кадынек!» —
Каргонь левкскетне паксянть велькссэ морасть,
Мейле ёматотсть, прок соласть.

825. Кияк а карми эрямонь перть
Кутморямо ношка нерть.

826. Зярдояк а эряви тюремс,
Превеекс эряви улемс.



827. Урнэ, кувать эрицякс улят:
Ламо анокстыть сырнень шулят.

828. Ушосонть нумаланго,
Тикшесэнтъ ашолды панго.
Вармась кармась пилезэнь тошкамо:
«Нуеме сыргат эли – пангонь кочкамо?..»

829. «Удягадо¹ чевте
Тарка кие невти?!» –
Пижнесь люлякинесь,
Секс эзь онго пинесь.

830. Тонавтнек цётамо,
Иля тонавтне потамо,
Свал вант,
Кодат пильгалот сант.

831. Вакссон чикорды сезьган.
Яки учома эзган,
Кеми седеем – сат,
Цецякс икелен стят.

832. Зярдо ломанесь налксты,
Сон сонсь оймензэ валгсты.

833. Кинь чарькодемазо арась,
Се вейке таркасо чарась
Ды судоварянзо карась.

¹Удяга – пух



834. Туезт эйтне седейстэнек,
Велявтост цёковтне тенек,
Лисезэ пельтнестэ чись,
Коськезэ нолажа кись.

835. Шкась а маряви мизолдозь молемстэ,
Шкась кувака – ёжонь колемстэ.

836. Те пек паро: Пазонтень кемат,
Секс тон превеят, виеват ды к е м а т.

837. Сельведть иля вало,
Иля аште пильге ало.

838. Сеедем сеедьстэ токномо кармась,
Аволь тона ёндо пуви вармась.

839. Ломань, стувтомань вес а ёмат,
Бути лиянь кисэ эсь прят стомат.

840. Аволь кинень сави
Покш мель яви,
Кончты ансяк сенень,
Кинь миллиардонзо кемень.

841. Весе, раксезь, кортнить эчкеде ды човинеде,
Нать, ломантнень мельс
Лия мезеяк а леди.



842. Ломанесь васов неи;
Сон лезды, сон паро тев теи.

843. Седе сеедыстэ кирдезэ
Аванть кедь лангсо мирдезэ,
Цёрась аванень чиезэ
Ды свал улезэ виезэ.

844. Иля бажа прамо,
Снартнек кутморямо.

845. «Пельть а эсь сэрде», –
Кие-бути мерсь ломанентень верде.

846. «Кодамо ушось,
Истямо кошось», –
Кошосо эрицясь мерсь,
Сон ушов лисеме пельсь.

847. Сёрмадеень сэрей вал,
Тон толвалдонь кандыця нал,
Эждяк эрицятнень свал.

848. «Васов апак вано,
Онгомояк тонадтано
Ансяк эсь прянок лангс», –
Цийнесь
Пинесь,
Верьгизэсь вансь.



849. Паронь арсема,
Тон аволь оршамо-карсема,
Тон паро кинь муема
Ды апаро тевстэ туема.

850. Ламо ломанть тонадсть кенгелеме,
Максозь валось течи аволь кеме.

851. Кие кевть керясь,
Се аволь кувать эрясь.

852. Овтонть секс ламо виензэ,
Секс сон сэрей ды эчке,
Овтонть секс арасть сиензэ, –
Овтось экшелямо вечки!

853. Бабрись¹ ульнесь аволь катка,
Сонгак эзь кадово апак ватка.

854. «Превей овто, Моска-Маська,
Мук эсь прянь ванстома каська.
Ломантнеде кекшть,
Сынь прок кежей мекшть», –
Од овтонть тошкась сыресь.
Увнось а удыця виресь.

855. Истятнэде ней аламо,
Кить бажить моданть паламо.
А – с а л а м о?..

¹Бабри – тигр



856. Аволь вадрят теветь, прявт,
Тонь перька ламо кедьнимилявт
Чарыть-велить,
Валдонь неемадо пелить.

857. Атянтъ ули келей эземезэ,
Ней сон озадо канды лезэ.

858. Суксоськак эстензэ а мери зярдоак:
«Ардыцянь пыльге алов прак».

859. Зярдо эсетъ пыльге лангсо якат,
Сестэ седейшкава, дугай, ракат.

860. «Карминек неренек шлямо,
Карминек эсь прянок прямо», —
Псакась кудосонть мурнось.
Кискась ушосонть урнось:
«Монь чамам ванькстэяк ванькс,
Псакатне лутасть чамастон панкс!»

861. «П о л а в т о м о
Якинъ полань полавтомо!» —
Пижнесь атясь.
Сон ансяк ней фатясь.

862. Шабранок кадык истя эйкакшост трить:
Сынъ содаст, минъ сыненст кить, —
Сестэ тюреме а карматано а ветъ, а чить.



863. Иля бажа кельмеме,
Снартнек вельмеме,
Бажак свал
Чарькодеме вал.

864. Идем ракшась сеньсэ кеме:
Сон свал бажи оргодеме
Кирдиця тертьстэ
Ды онгиця нерьстэ.

865. Масторава, монь Масторава,
Тон ливтят монь седейга, прява,
Лията тюсос апак нава,
Ашо Карго, монь Масторава!

866. Ломанесь ве чис а полавтови,
Сон ведьстэ лиси, толс сови,
Мейле сови толсто – ведьс,
Таго туи кедьстэ-кедьс.

867. Бути вадрясто важоди прят,
Содак, кинень мельпаросо сат,
Кие тонеть арды ванды
Ды мезе тетъ таго канды.

868. Ломанесь кода весе –
Модалангонь пелькс.
Ялатеке сон сеери:
«Мон – В е л ь к с!»
Эрьвась певтемесэнтъ – п е л ь к с.



869. Эрьва ломанесь юты Моданть ланга
Ансяк эсензэ кива-янга.

870. Покштянок миненек анокстасть модат,
Минь а содатано, сынь ульнесть кодат.

871. Пазось чинть велькссэ – вейке,
Те ламонень а чарькодеви нейке.

872. Уледе уцяскавокс тесэ,
Аволь чопода весэ,
Эрямонь валдосо уледе.
Ансяк спортсо тюреде.

**

873. Цидярдцыятне а рангить,
Сынь, мезе мельзэст а туи, – янгить.

874. Илядо кевкстне: мон кинь,
Мереде: «Вечктядызь минь»
Ды мон эрямом максса тынк кисэ.
Куломс мик а стака вечкемань кисэ.

875. «Секс аволь парат,
Вишкине гаварат¹», –
Од цёрантень тейтересь мерсь.

876. Се ломанесь эзь сизе,
Кие сиземанть потавтызе.

¹Гавара – охапка



877. Кие-бути течи анок
Ёртомс пильге алов озноманок
Ды кие-бути
Тень вакска апак тално юты.

878. Кона ломантне эрьва косо артистт, –
Сынст нурькинетъ кист.

879. Мекс а кевкстнят, Ков,
Ломанесь эскели ков,
Зярдс сонензэ ульнесь стака,
Мекс тон лездемо, Ков, эзить яка?

880. Превтементень мезе иля мере,
Сон а ёвты, Чись мекс эри вере.

881. Э р я т а н о....
Весе превейтяно,
Мекс те весе –
Сельмес апак вано?

882. Тошки тень Шкась:
«Удомат сась,
Кие матедеви,
Се эсь шанзо сэви».

883. «Ванстови тиринь келесь,
Ды эжи тарьксэв телесь», –
Совазо минек верьс те мелесь.



884. Толось – пицькасто,
Ведесь – лисьмасто,
Арсемась – прясто
Саст эр'ва шкасто с а с т о.

885. «Бука, бути ормалгадат,
Шумбра вазт а кадат,
Ловсов скалт а кастат,
Вачо верьгизт вастат», –
Превей Скалось кежей Букантень парась,
Мейле сонзэ вакс арась.

886. Бути ломантне а стить, –
Ламо ёмить моданть лангсто кить.

887. Удомо мадян,
Эсень седеенть марто ладян,
Паро ёжос сован,
Таго мициян ломанекс лован.

888. Чипаень лисемстэ неинек:
Ашолгадсть раужо пеенек,
Якстерьгадсть сэняжа турванок,
Пекиясть мазыйка урьванок.

889. Ватам туртов весть
Меринь: «Вечктян, тесть.
Сон тень пшкадсь:
«Содамо-зять,
Чего с тебя взять?»



890. Ульнесь ёвтазь: мезе апак ёвта,
Каяк эрьва валот кирьгас новта.

891. Путсть тетъ превтъ,
Мекс эзть максо тевтъ, —
Те пек стака,
Т я к а.

892. Пелинек одсто
Шанжавонь коцтто,
Ней таго пельдяно —
Лов ланга кельдяно¹.

893. Аволь весе пиземетне «пангонь»,
Аволь весе китне модалангонь.

894. Од Каргоськак эстензэ а мери:
«Монь оймесь варака ютксо, теке Карго, эри».

895. Тошки салава шкась:
«Удок, бути удомат сась».

896. Апак тря,
Превееськак — чаво пря.

897. Молить сулейтне минек мельга
Алга ды верьга,
Теде содамс эряволь, Серьга.

¹Келемс — брести



898. Кодамо раськень верем,
 Истямо превень сэрем.

899. Сокак, виде́к, кодак,
 Мезе теят, содак,
 Содак, мезе теят,
 Бути васов неят.

900. Куловтомот бажицясь,
 Коень-кирдань яжицясь,
 Васня оймезэ́нк педи,
 Мейле седейзэ́нк леди.

901. Низаня¹, иля касто
 Паро цёранень берянь васта,
 Кона я́рсы прок таста².

902. Кить тенек парсте а травить,
 Рудаз марто човорявить.

903. Се пильге лангс стяви,
 Кие ялганзо марто а яви.

904. Неень прявтнэ сёрмадомо кармасть,
 Ёвтнить, мезе эря́мост перть нарвасть.

905. Эрсить истят нить,
 Конат теке маней чить.

¹Низаня – тёща

²Таста – саранча



906. Шумбра седеенек свал анок
Максомс тенек од танок¹.

907. Инешкись верде
Касомо терди.

908. Свал ломаненть удемсэ улезэ
Эсь прянь ветямо рулезэ.

909. Ушодови якамонок,
Марясынек ракамонок,
Кодамо сон гайгиця,
Алдо верев айгиця.

910. Киньгак рунгос эзить сова, пуля, —
Те сех паро модалангонь куля.
Кадык истя кувать, кувать ули.

911. Кемицятнень ламоксть пупавтызь
Ды олгонь сэдъ ланга ютавтызь;
Сынь ялатеке кемить,
А кевкстнить: «Кода леметь?»

912. «Чамсть эленек,
Чамсть веленек,
Минь эйдеветемь,
Минь аволь кеметь! —
Чикорды Сезякась кудыненць прясо. —
Тесэ мик эйкакш, тесэ мик цеця эзь касо!»

¹Танок — сила



913. Кутморямодот, пиземе,
Карми тикшесь лисеме,
Карми виресь чиеме,
Сон тонь ало виemi.

914. Ломантне пингест ютамс явныть,
Секс вейкест-вейкест чавныть.

915. Вейкесь сась лиянь лангсо ардтнеме,
Омбоцесь сась сельведень нардтнеме,
Колмоцесь тей а арды,
Сон тей сыщятнень карды.

916. Весе лиятано:
Кие мель эзь вано,
Кие мель свал вансь,
Кие карвот пансь,
Кие кеж свал пандсь,
Кие ломанть андсь, —
Истя эрвась лезэ кандсь.

917. Моровтомо раськесь сиви, коми,
Пильге алов пры ды ёми.

918. «Макшов чочко,
Тонь эйстэ а теян очко,
Вачкан лембе пизэ,
Косо тельня карми кизэ», —
Арсесь Урнэсь.
Сон вельть превей ульнесь.



919. «Виевеськак сизи,
Зярдэ ськамонзо соки, изы», –
Тошкась изамо пеесь.
Эли истя арсесь сёрмадеесь?

920. «Тейтеренек валмукшовт,
Оскань кондят – пукшовт», –
Сырькайтне батюкаст шнасть,
Конатнень мирденень максомс трясть.

921. Тиринь келень вал,
Эждяк седеенек свал.
Истя кувать тенек
Мораст седеенек.

922. Превсэ сзрееентень
А эряви сюконякшномс вентень,
Сонензэ ветькак – валдо,
Сон соды:
«Аволь эрьва калсо эрси сардо».

923. Комавтсь ведра прянзо лангс
Ды – тусь пангс.

924. Атиненть пеензэ прасть,
Ялатеке мари авань расть¹.

925. Содамс эряви, кить
Минек правтомо сыть.

¹Расть – вкус



926. Покштям каренть кодасы,
Кинень каземс содасы, –
Ласькенстэнь¹, нама:
Сон сех учиця чама.

927. Ломанесь, теке эйкакш, кеми:
Сонзэ седеенть а токасы сэме.

928. «Ламонет –
Аволь кода кавонет.
Ламо вожодицят вечкан пек», –
Истя кортнесь покштям.
Ледстнян валонзо ды коням токшан.

929. «Ламо очконок: вейкесь – сталень,
Омбоцесь – авардиця калень...», –
Сюпав айгортнэ эрямост шнасть.
Тесэ таго ракшань власть.

930. Се лишмесь эзь ардо,
Конань пильгсэ ульнесь сардо,
Се, кона ульнесь сыре,
Эзь кевере прок кире.

931. Сюкпря теть, вечкевикс с п о р т,
Ламо тон кемекстыть корт.

932. Илядо пеле стака эрямодо,
Бути прянк пиксэс эзинк содо.

¹Лаське – правнук



933. Мельзэнь паро: ламо иень,
Ойдем кеци, улить виень.
А содангак, косто содан:
Те шкас – о д а н.

934. Обуцянь коряс – эрек,
Пряказо аволь верек:
Ломанесь парсте эри,
Вели, прок штере.

935. «Цёрат сэрдят¹,
Секс, нать, ламо штердят,
Оршамс сынст одс
Эряви ламо коцт», –
Сэрей эйкакшонь аванень шабратне кортнестъ.
Сынь истя кежтеме раксемат ёртнестъ.

936. Паро ялгась ёвты тенек,
Мезде оймить седеенек.
Ансяк сонгак а ёвты, зярдс
Пезны ялганзо седейс сардо.

937. Оень пивтицятненень эрявкшность пивтембарть,
Васолга якицятненень – нардев карть.
Течи эряви – аламо:
Весе тонавтнить саламо.

938. Эрьванть эсензэ п е з э.
Кодамо, те «пентень» модемстэ,
Ломанесь кандсь лезэ?

¹Сэрдя – высокий



939. «Бути Моданть лангс ломанень прямо сат,
А карми улеме ютко шкат», –
Корты певтеме Шкась
Сенень, кие Моданть лангс сась.

940. Эрямось ёндолдо нурькине черькске,
Ломанесь чуваронь кондямо пелькске,
Превей ломанесь стувтызе, мезекс тей сась,
Сон а соды, мезе тензэ аноксты Шкась.

941. Эрямось сетнень, васняк, карми вачкодеме,
Кить а бажить чарькодемас пачкодеме.

942. Валонок сестэ кеме,
Зярдо эйсэнзэ ули зэме.

943. Нузяксоськак анок
Саемс ютко шканок.

944. Вейке парьсэнтъ – шуль,
Омбоцесэнтъ – пуль,
Колмоцесэнтъ – нуль.

945. Ломанентъ неяви, кодамо сэрэзэ,
Неяви, кодамо пси верезэ,
Маряви, кодамо седеень морозо.
Мекс аволь ломанень ломанентъ корозо?
Мекс ломанесь тюреме бажи?
Мекс ломанесь коень юронзо яжи?



946. А н е л и ц я¹ –
Каванямо сыця,
Тон инжень вастыця.

947. Вечкеви тенек, зярдо морыць састо
Ды – лийканясто².

948. Эйкакшонк чуросто сяддодо,
Илинк тонавто пелеме валдодо,
Эйкакшонк седе сеедытэ шнадо,
Ламо тевсэ мартост вемельс садо.

949. Кить модавтомот ды ськамоств,
Сетнень сыця ломанть кармить трымост.

950. Се прясь кеме,
Кона машты чарькодеме.

951. Мерсь ломанесь: «Кежень варман
Кеме коморсон кирдеместв карман».

952. Ломанесь соки, види, нуи,
Сон тунь а пели, Моданть лангсто туй,
Сонензэ моры ливтиця Шкась:
«Тонь видьмексэть Моданть седейс прасть».

953. Весе вешнить кудо,
Косо карвояк эзь удо.

¹Анелиця – угощающий

²Лийканясто – плавно



954. «Мон истямо виян,
Кона а канды зыян,
Кона вечки ды талны,
Зярдо ломанесь сельведьсэ мештензэ валны», –
Седеесь морась,
Зярдо кутморясь цёрась.

955. Бути чамат содов,
Шлямс эряви одов
Ды а эряви одс
Кеверемс содс.

956. Зярс а туи кинек вельксстэ чопода пулесь,
Машичанок лотказо ды вить ёнов пурдавозо рулесь.
Учомо тонавтнемс эряви тенек, –
Нать, зярдо як а оймить седеенек.

957. Каргонь ошконось¹ менельганть уи,
Каргонь Масторсто авардезь туи.
Зярдо мекев сон велявты тей,
Ёвтак тень, чачома лей?!

958. Тонсь содат: зярдо одат,
Ламо коцт ды карть кодат.

959. «Эрьва чаронк кеверезэ,
Эрямсто кандодо лезэ,
Вечкеманк илязо уле пезэ», –
Истя ломантне арсест,
Свал кутморяст ды палсест.

¹Ошкон – стоя, косяк



960. Сакшнынъ тей чияк,
Тесэ арасель кияк,
Сан таго ванды,
Паряк, тень кияк кече канды.

961. Стакадожк стака Чопода Вентень
Лисемс никс Ёндолонтень.

962. «Ильведицятнень лангс кежиявтындерян,
Сестэ мезе Инешкипазонтень мерян?» –
Оймесь Седеентень кортась,
Зярдэ сынст ютксо панжадожь ортась.

963. Эрзят, мокшот, те тевесь минек:
А ёмавомс эрямонь кинек
Ды ванстомс оймень шумбрачинец.

964. «Атям цётамо машты,
Ансяк ярмакт а ташты,
Сонзэ кыргапарьсэ варя», –
Лайшесь кудыкеле Даря.

965. Сюкпря тенк, Юртава ды Паксява,
Вадря видьмекст видиде минек седейга, прява.

966. Превей ломанть, ёвтадо,
Кода а пелемс обуцянь новтадо,
Кода чаво прякс а улемс,
Кода эсь прянтъ каршо тюремс?



967. Академик, мезе тон од панжить ды мерить?
Чарькодть, тень апак сода,
Ломантне аволь беряньстэ эрить.

968. Кие капши сэрей таркас арамо,
Сень кармить превензэ чарамо.

969. Ков а варштат – кевть ды вадовт.
Кие тесэ теть мери:
«Эрямо тезэнь кадовт»?

970. Кить а пенгедить, а яжить,
Сеть весе в е т я м о бажить.

971. Кепедить пулодо
Ды – понав улодо...
Мекс а кепедить превде,
Пелить истямо тевде?

972. Сех сюпавтнэяк учить,
Зярдю тенст ярмакт кучить.

973. Мезе Ине Пазось тенек эзь казе.
Сон эзь путо колганозонок пазе¹.

974. Эйкакшонь шкантень седейшкава меринек:
«Мазыйстэ тонь элесэ эринек,
Сех мазый шка, тон кастыть оймень сэренек!»

¹Пазе – по́сконь



975. Тейневлинекак тевенек
Эсенек вийсэ, эсенек кедьсэ,
Сестэ эрьва чистэ аволинек экшеля
«Палыця ведьсэ».

976. Пеень прамонк илинк сёпо,
Ды тенк максыть ярсамс топо.

977. Илядо вешне истямо ялга,
Кона карми кандтнеменк менеленть алга.

978. Бути кинк ульнесь налдо виде,
Мерить тенк: «Курок сыде».

979. Чекан-покан шумбрачить кисэ седейшкава:
«Иля пухаде, эйкакшонь кандтница ава».

980. Аволь свал содатано, кить
Тенек лездамо сыть.

981. Ушо ёндо минек кисэ мелявты,
Потмова эйсэнек эсензэ ёнов велявты.

982. Батюкам тейтерне –
Умарень кептерне,
Килеень рунгине,
Инзеень кургине,
Ульть тетякс-авакс, превейне.



983. А эрсить ламо превть,
Эрсить певтеме тевть.
А таштат ламо ярмакт,
Бути пултамоост кармат.

984. Ёвтак, ашо конёв,
Мекс суронок мендявить эсенек ёнов?

985. Тумонть селеекс лемдясак,
Ансяк чирькекс а мендясак.

986. Вейсэ эрямсто эрявить: вейсэнъ тевть
Ды вейсэнъ, васов неиця превть,
Ды – ялгаксчи, нама,
Ды – раськенъ ванькс чама.

987. Улезэ вельксэть покш Эрямонь киланго,
Ине Пазонь ды тетянь-авань п а з ч а н г о т¹.

988. Овтось зярдю куи,
Мадема тарка муи.
Ломанесь зярдю уды,
Онстонзояк кинь-бути сюды.

989. «Тумо атя, аволь стяко ламо ульнестъ сэрят,
Ней сынъ – тумот,
Тон сынст сэрятнесэ эрят», –
Атясь кортась, кудонть кувалт якась,
Батюказо, теке цёков, ракась.

¹Пазчанго – благословление



990. «Се, кие ансяк эсензэ кисэ эри,
Мезе Инешкипазонть мері,
Зярдэ С о н е н з э велявты сон?» –
Теде арсян аволь ансяк мон.

991. Сестэяк, зярдэ ломанесь превтеме,
Карми вечкеманзо невтеме
Валсо ды тевсэ, –
Вечкемась свал эсензэ п р е в с э.

992. Аволь коleme –
Ломантне бажить икелев моleme.

993. Паксяв ветиця ян,
Лангат Эрзянь морокс мон сан:
Сокицятненень,
Видицятненень,
Нуицятненень,
В е ч к и ц я т н е н е н ь!

994. Улевельтькак ломаненть седеензэ кавто,
Сон истя ламо сельведть аволь правто.

995. Атянтъ иензэ – сядо колмо,
Ялатеке сонзэ кандыть цянавань сёлмот.

996. А вечкиця ломаненть арась мезезэ?
Седеесь серьгедсь:
«А вечкицянтъ арась л е з э з э!»



997. А ледстнить симицядо,
Мекс мезеяк эзь кадо
П а р о.
Истятнэде течи зяро?

998. Эрва даволось анок
Модас комавомс прянок.

999. «Тейнят» эждемат ды кельмевтемат,
Тонсь, муниця, сыненст кемат?

1000. Дюния – апак учонь тев,
Теке пилеюрс кев.

1001. Поэтэсь кенгелеме а машты,
Сон панжадо седейть рашты.

1002. Свал икелев мольть,
Тосо аволь весе нольть.

1003. Аволь весе ярсыть сырнень калдо,
Аволь весе таргить ярмакт пыльге алдо.

1004. Стака прявтонь тевесь
Ды яжамо кевесь,
Ялатеке сынст эряви кандомс
Ды, сынст кандомсто, каявкст покшт пандомс,
«Кендялтнэяк» эрявить андомс.



1005. Пулты седеем вечкемань орма,
Зярдю, дугинем, кучат тень сёрма?

1006. Пурнавольтькак весе тевенек ды превенек вейс,
Минь аволинек кевкстне: «Эрятано мейс?»

1007. Раськень ветиця прявт,
Сех покш мель эйкакштнэнень явт,
Сынст эсеть перька стявтт.

1008. «Эзинь кевкстне: «Ярмаконк зяро?»
Секс, ялгат, ёжом паро.

1009. Сеть эрямост перть кецить,
Кить лиянь тевс а эцить,
К и т ь
Важодеме бажить чить.

1010. Ормаменьксэкс улезат свал,
Ломанень вал.

1011. «Бути вачат, ков кекшат
Тынк эйстэ, лекшат?» –
Ледсь мельзэнь эйкакшпингень шкась.
Таго рангомам сась.

1012. Уцяскав се,
Кие реди ушодкс ды пе.



1013. Теде виздемаль тенек,
Эрзякс а кортыть тиринь ломаненек,
Мекс истяттано?
Мекс истя эрятано?

1014. Мезесь аволь минек,
Сень минь лакавтынек
Ды аволь икельце ужос аравтынек.

1015. Ломанесь содавольгак, зяро
Эряви тензэ улипаро,
Сестэ сон улевель валдо
Ды Эрямонтъ аволь сялдо.

1016. Эсь прянк, васняк, сялдодо,
Бути тодовонк калгодо.

1017. Келес панжозь, ванькс ойме,
Лангозот ёртомс рудаз
Муеви койме.

1018. Максоть тетъ покш питне,
Бажак а вельть «цитнемс».
Содак: пек цитницясь а вечкеви,
Сон чамас эшкеви.

1019. Иля пандо кежть,
Лия ёжо Пазонтъ кедьстэ вешть,
Ды тонь велькссэ кармить валдо тешть.



1020. «Авардиця Вармась
Пизэнек тапамо кармась!» –
Ожопулось кальтнесэ рангсь,
Ожо Ковось лия ёнов вансь.

1021. Ансяк седеенек
А ёвтыть берянь вал тенек.
Паро ялганок свал
Муить тенек пси вал.

1022. Войнань ян,
Тон отьмас ветиця сан.

- 1023 Чипаем секс кувать эзь валго,
Мон кенеринь мельганзо ялго
Молеме, чиеме, уме,
Ломанень уцяскань муеме.

1024. Сетнеде седеенек налкстыть,
Кить сынст менельстэ валгстыть.

1025. Зярдо тонадтано прявтонь прямо, кастомо
Ды сынст кунсолото, ванстомо,
Сестэ минек эрямось а ули пайстомо.

1026. Мезенек ламоль,
Эйстэнзэ кодамаль
Торсеень коцт
Ды совамс тешттнень потс.



1027. Ломанень эрямозо паро,
Сон а соды, истя эрямо карми зяро,
Сонензэ – течи п а р о.

1028. Аволь правтомо – бажак кепедеме,
Бути ломанень вечкиця седееть кеме.

1029. Ялгат зыянс илить кадо,
Сестэ сынь кармить аштеме стядо,
Свал мелявтт парсте арсиця прядо.

1030. Салава – апаро эйстэдеть арси,
Неемга – кутмори эйсэть, палси.

1031. Буканть сюрозо вейке,
Ялатеке кеме.
Секскак нейке
Анок тёстяеме.

1032. Васня ордадыть,
Мейле сёвнолгадыть,
Мейле явить, –
Оймest истяня ломантне чавить.

1033. Ламо кортыцясь кургонзо стызе,
Кинетицясь кутьмерензэ изызе,
Нузьялдыцясь учи, зярдó валги Чизэ, –
Весé эрятанó вейсэ,
Эрьвась – тевсэ.



1034. Кеци куяв суксось,
Кишти штапо пукшось,
Моры вайгельтемесь, –
А сэмеди сэмесь.

1035. Ков а варштат – уцордыцят,
Арасть тесэ вajoдицят.

1036. Ёвтыть тенек карвонок,
Кодат течи арвонок,
Кодамо ваньксчинец,
Мекс рудазось минек.

1037. Аволь стака иредемс,
Стака паро ломанень мельс ледемс.

1038. Ялгань кисэ китордомась
Седейстэнек тусь ды ёмась.

1039. «Те паксясь минек,
Тей минь васолдо сынек!» –
Гайги норовжорчонь морось,
Эжди седеем вечкемань толось.

1040. Мон тенк, ловныцят, се,
Кие седейзэнк а нолды ве,
Кие а макссы кельмеме веренк,
Мон тынк В А Л, мон тынк
Менелень сэрэнк!



1041. «Ломантнень нурькалгасть келест,
Валост а содасызь пелест!» –
Попугаеь минек лангсо раки,
Сонсь ВАЛКСОНОК ланга яки.

1042. Кежей ломань ваксс эзить ара,
Секс тонь седейсэ арась яра.

1043. «Кие комадо эзь яка,
Сень лангсо кияк эзь рака», –
Иредьстэнтъ вельксэ ракась
С е з я к а с ь.

1044. Таго «од» вармат састъ,
Нетнененьгак эряви Власть.

1045. Се тетъ сех паро ялга,
Кие тонь лангс эзь чалга,
Зярдэ тон пильгало ульнить.
Пшкадтъ ялгат кисэ, сонзэ стяконъ кис мурнить.

1046. Шумбра улезэ ломанентъ верезэ,
Менельс токазо арсемань сэрезэ,
Тиринь Масторсо эряст покш тевензэ,
Васов неицякс улезт од превензэ.

1047. Содадо, ялгат, эрва шкась
Эсензэ кондят эйкакшт трясъ,
Эсензэ коряс оршамопельть стасъ.



1048. Ломань, улезэ лембе кудот
Ды а эсь тевс илязо эцне судот.

1049. А ёзавить яжамо кевенк,
А прядовить эржавикс тевенк,
Бути сыремить седеень толонк, —
Тынь одс поладсынк кезэрень моронк.

1050. Эсенк кудосо, эсенк кельсэ,
Ялгат, кортадо паро мельсэ.

1051. Свал эсь прянзо шнась
Аволь левшесь — кшнась.

1052. Зярдю перькат арась кашт,
Сестэяк паронь учомо маштт.

1053. Парсте кекшть даволдо,
Седеяк васов оргодть ёндождо.

1054. Тесэяк ды тосоак
Нузяксонтень мерить: «Стяк».

1055. Зярдю ломанесь лавшо,
Весе стить сонзэ каршо:
Вачотнеяк сыть,
Пешксетнеяк стить.
Пижни Пурьгинень вайгельсэ Валось.



1056. Бути чине марят,
Пекстыть судоварят,
Панжить келес вальмат
Ды ванькс кошт марямо кармат.

1057. Моры ломанень вайгельсэ Киззэс:
«Ялгат, ванстови нармунень пизэс,
Бути пизэнтень вадовт а сыть,
Бути пизэнт лангс тонолт а прыть».

1058. Кона ломанесь киненьгак а кеми,
Се – седейтеме.

1059. Течи парсеят, ванды сэмат,
Секс киненьгак а кемат.

1060. Од вармась
Кутморямонок кармась.

1061. «Таго садо,
Бути, кить минь, а содатадо», –
Кенгелицянтень мерсь кенгелицясь.
Ды кепедизе прянзо кунст прыцясь.

1062. Кинень эряви ведь,
Кинень эряви сэдь,
Кинень-бути эряви «понав» кедь, –
Ломанентень эряви мезе-бути лия,
Улевельгак ломанесь сонсь сырне ды сия.



1063. «Ламо содат,
Секс тон аволь одат», –
Сыре ломанесь одонтень мерсь.
Одось сыречиде пельсь.

1064. Эрва ломаненть пекезэ свал вачи
Натой сестэяк, зярдэ сюрось а чачи.

1065. Чипаесь вечкезь ваны минек лангс,
Кие минек эйстэ сонзэ кондямо ванькс?

1066. Илядо капша цяпамо,
Зярдэ тенк пижнить:
«Ч а п а м о»!

1067. Урвакстомась сыргавты ламо тевть,
Лыкавтовты седеяк ламо превть.

1068. Ривезесь кулось,
Эзь куло сонзэ пулось.

1069. Бути маштат – ловт,
Зяро сезить повт,
Аволь эсеть сивестэ.
Повт секс теят кивестэ?

1070. Тунь а ризны чаво прясь,
Кие сонзэ кепедемстэ прась.



1071. Превей ломанень арась шказо
Рудазсо ваднемс прязо.

1072. Зярдо ломантне ялгаст туртов мель а явить,
Сынсь кармить сёвномо ды мейле явить.

1073. Мезеяк эрявикс а теят,
Бути превсэ а неят.

1074. Крандазоськак васов а моли,
Бути чарозо коли,
Бути ажиязо сиви,
Бути уски киве.

1075. Тонавтомом снартнить,
Сынсь судост а нардтнить.

1076. Ламолгадыть канонк —
Кикс теевить янонк.
Вишкалгадыть канонк —
Коськить пильге санонк.

1077. Мезе лиянень мерят,
Бути тонсь аволь истя эрят?

1078. Ёжов авась парсте мирдензэ ярмактнэнь цётась,
Теде «коргась» аванть пильгсэ
Сырнесэ оложазь котась.



1079. «Улить ломанть, конат вечкить рокамо
Ды свал анокт нерьсэ модань сокамо», –
Сезьганось яволявтомат теи,
Сон верде ламо асатыкст неи.

1080. Пакшанть ваньксчинзэ шнызь,
Мейле чаманзо шлизь, –
Седе, нать, аварди,
Сельведнеть певерди.

1081. Ломанесь бажи сталмонь а кандомо
Ды – питнень а пандомо,
Секс оймезэ чаводо чаво.
Те ломанесь тенек эзь траво.

1082. Кие яки чаронь перька, –
А кадови апак мерька.

1083. Эрва ломанесь кемезэ:
Сонзэ сехте мазый лемезэ,
Сонзэ аволь варяв кемезэ,
Сонзэ ули зэмеэ.

1084. Кие ташты,
Сень кшизэ а машты.

1085. Паро ломань, важодезэ прят
Ды улезэ ютко шкат
Варштамс менеленть чамас.



1086. Валдо менелень сэръ
Велькссэнек улезэ,
Шумбра ломанень верь
Санганок чудеэ,
Вечкевикс Эрзят,
Кельгома Мокшот!

1087. Сех стака те темась:
«Кода кекшемс авечкемась?»

1088. Вачось арси секеде,
Кода весе – пешксе пекеде.

1089. Нудей пильге, кенде пеке,
Бути сюпав – мазый ялатеке.

1090. Бути юрось аволь кеме,
Кудось ушоды сявореме.
Бути обуцянок лавшо,
А мезть сыргсемс даволонь каршо.

1091. Кить сыть ломанень кургонь «стамо»,
Сеть а кармить эрямо ламо.

1092. «Судозо сэнь,
Истямо мирде а эряви тень, –
Тейтересь ульнесь наян,
Чокшнень перть пижнесь: –
Якстере нерь мирде саян!»



1093. «Дугай, мекс штапо почот,
Мекс суманет а чочат?» –
Даволось ушосонть лайши,
Ломанесь картанзо кайси.

1094. Кие бажи коень-кирдань стувтомо,
Се карми пайстомо, лувтомо.

1095. Кинь кодамо низэ –
Истямо эрямонь кизэ.

1096. Нинть мирдезэ
Кедь лангсо кирдезэ,
Мирдентень низэ
Казезэ эрямонь перть кизэ.

1097. Се миненек а серьгеди,
Кие, минутань ютазь, мельзэнек леди.

1098. Аволь эрьва ломанесь бажи содамо,
Нурька валонзо кувалмозо кодамо.

1099. Кие вечки рамамо, миеме,
Се карми найманов ливтязь чиеме.

1100. Сезякатне пижнить веленть келес:
«Пурнавинек весе вейке велес»!
Кунсолостост ойдем эшкевсь телес.



1101. Пильге алов апак вано,
Сюпавсто эрямо капшатано.

1102. А капшатано важоме,
Теке кочкарясонок сэме.

1103. Одсто, вельть одсто урвакстсь алясь,
Сон сонсь а соды, зяро эйкакшт балясь,
Сон а соды, батюканзо зяро,
Ломанесь арси: сонензэ – паро!

1104. Тунь аволь съкамост ривезтне саразтнэнь «невтнить»,
Ялатеке ломантне сынст лангс сурсо невтнить.

1105. «Телень якшамодонтэ эзинеке пало,
Ульнинек лембе ловонтэ ало», –
Морасть цецятнень элесэ мекштне.

1106. Кинень мель эзинеке яво,
Сень оймезэ чаво, –
Секс сон минек ваксс эзь стяво.

1107. Ламоксть эстенек мерькшнинек:
«Ульнесь валдо шка,
Зярдэ парсте эрсинек».

1108. Снартнетяно паронтэ беряненць марто човорямо, –
Те эскельксэсь аволь паро ломанень трямо.



1109. Иля пеле сэрейде,
Пельть превстэ лисезде.

1110. Ломань, тонсь кулат,
Кадовить нулат,
Ярмакот кадовить,
Теветь а прядовить.

1111. Ломанесь аволь сеине,
Сонензэ берянь, зярдэ янось теине.

1112. Пек стака стявтомась,
Седеяк стака с а в т о м а с ь.

1113. Паксяв чоподава сынек,
Секс уцяскав кинек.

1114. Ломанть, арседе уцяскав киде,
Ломанть, улезэ Эрямонь кинк виде,
Арседе, мейс те Моданть лангс сыде!

1115. Тонсь, дугинем, ванок,
Кие тонь кисэ куломо анок.

1116. «Мазый прянок чарыть цецятнеде,
Мейле – нардев рунго цёратнеде,
Мейле – седе, кие моры, седи», –
Тейтерькатне видькстасть васенцеде.



1117. Таго аволь тей сынек,
Таго кшись аволь минек,
Таго кольсь шумбрачинек.

1118. Аволь эрва ломанесь неи,
Кинень апаро теи.

1119. «Кивчкади Шкась ды содокс тееви одось», –
Превей Ломанентень тошки Содось.

1120. Ломанесь аволь псака,
Сонзэ корозо стака,
Ломанесь кельми тевсэ апак лака.

1121. Соды натой ботопрясь,
Кие сонзэ квакаиця ватракшокс трясь.

1122. Ломаненть превень сэрезз эзь сато,
Секс сон, ламонь неемс, тейсь лато, –
Латонтъ прясоjak сонензэ таго-мезе эзь сато.

1123. Кармат алтыманы¹ кодамо,
Содак, сон карми кодамо
К е л е й,
Кувака ды сэрей.

1124. Содак, дугинем, зярдо ярмактомо эрят,
«Киштть монь икеле» киненьгак а мерят.

¹Алтыма – рыболовная сеть



1125. Шождынесь бажи улеме вере.
Шождыненть истямо лувозо:
Сон – истя э р и.

1126. Умок превей ломанесь содась,
Мезе тензэ эряви – макссы Модась.

1127. Сехте мазый катконтеньгак
Чеересь а мери: «Инжекс тень сак».

1128. Реклама,
Тон сех полавтневиця чама?
Рекламась серьгедсь: «Нама»!

1129. Ломаненть ламо превензэ,
Седеяк ламо тевензэ.

1130. Яки-паки,
Раки,
Чаво улав уски,
Вечкицянзо суски, –
Пайстомо ломанесь, нать. •

1131. Кинень ойме путат,
Сень марто Пазонтень ютат.

1132. Минек кастомо ды прямо,
Ансяк эсенектне кармить само.



1133. Бути паро эйкакшт трят,
А новоли превей прят,
Тон верев кепедят.

1134. Дугай, одсто
Эсь прят таргик содсто
Ды иля пра одс
С о д с,
Рудаз потс.

Панькова Надянь, чавозь цециненть ледстнемга

1135. Цецянть аломантне сезизь.
Ойметь тошки: «Эзизь...
Эрямонть эзизь сесе,
Эрямонть арась пезэ».

1136. «Монь а вечксамизь сеть,
Кить а содыть, мезть тейнемс чить,
Мезть тейнемс веть!» –
Пижнесь Коршось веньберть.

1137. Вешицянь кеденть лангс путодо кши, аволь кев.
Вачонть кисэ янксемась – аволь стака тев.

1138. Андозесь а арси седе,
Зяроксть чинь перть кхись вачонть мельс леди.

1139. Ломанентень пек стака,
Сон паро тевень тееме эзь яка.



1140. Урнэ, мезе тетъ эряви, вешть,
Иля салсе пешттъ,
Салава иля керсе панго,
Асалсицякс якак Модантъ ланга.

1141. Бути ёвтазь валонть ёнксонзо ниле,
Эрьва ёнксонть кунсоломс вешнек пиле.

1142. Пазонь виесь верде
Касомо эйсэнек терди.
Модась бажи тертямонок,
Сэтьме таркас ветямонок.

1143. Эрямонть лангс пеняцинек,
Мейле ёмавтынек кинек, –
Обуцясь те – минек.

1144. «Эрьвась чарькодезъ:
Ломантнень пельде арась лезъ,
Вирест пултыть,
Максозь валост стувтыть...», –
Нармушкатне урнить,
Ракшинетне урныть,
Ванды Инекужо пурныть.

1145. Кувать човоненэк ёзынек,
Мейле рудазс озынек,
Зярдо лисевинек т о с т о –
Серьгединек:
«Рудазонть мукшнынек косто!?»



1146. Аволь тапамо, аволь лепштямо,
Бажадо моросо седеенк пештямо.

1147. Бути нолдтнят шабрат ёнов пулят,
Кувать эрицякс а улят.

1148. Кувака промксонок юты,
Кинень сон сех «кувака» превть путы?
Кинь лангсто «колмо» кедть луты?

1149. Содавлитькак, покш прявт,
Мекс тонь прячерьсэть ламо лавт,
Мекс тонь удемсэ байтяк сявт?
Прявт, эсь прят ды ломанеть стявт!

1150. Кода тенек ванстомс валдо оймесь?
Кадык аволь ансяк калмот чуви коймесь,
Кадык чуви эмеж алов мода минек коймесь.
Кадык азоравакс тенек сови валдо оймесь.

1151. Атянтъ ёжозо паро,
Сон а лови иензэ зяро,
Сон истяня л о в и:
«Монень мазый ава сови».

1152. «Ней учок ды ванок,
Кие кутморямот анок», –
Шержей Сеелентень однэсь тошкась.
А мариця ульнесь «Сардов Оскась».



1153. Пиштяка седеесь тарди,
Сонзэ эйсэ арась нарде,
Седейсэнтъ вечкема ули;
Сон а кельми, ней а кулы!

1154. «Ойменк ванстасы тиринь келесь», –
Весэнтъ лайши пиштяка велесь.
Уды ломанень мелесь.

1155. Нусманя кизэ,
Нармушкань пултазь пизэ,
Маштозь левкске-тякине,
Мадстезь толнэ-сяткине,
Кизэнь чись, теке ве.
Седей, кемть:
Чоподантеньгак сы пе.

1156. Мезенек эзь пало,
Сеяк аволь эсенек кедь ало,
Мекс минь свал истяттано?
Мекс эрятано икелев апак вано?

1157. «Ломанть, ванстасынек
Паксянь кинек, –
Пазось мерсь: – Сынь – минек».

1158. Бути пинесь чаво пря,
Сонзэ зяро иля тря, –
Истямось а кастови инекс,
Сон кадови стяко онгиця пинекс.



1159. Аволь весе маштыть каванямо,
Валдо седейть вастат аволь ламо.
Ламот тонадсть пильгес суюконямо, —
Тонадынек лезэнь мельга само.

1160. Эрямосонть эрсить эрва мезть,
Ансяк Эрямось максови весть.

1161. Кенереме,
Певереме,
Сыредеме,
Киремеме
Кармавты чачозеньт Шкась, —
Теде а арси ломанень прясь.

1162. Превень виесь эсенек прясо,
Кона те шкас эзь касо.
Касовольтькак превенек,
Авольть пупорькшне тебенек.

1163. Ломань, чарькодиця прят,
Эсь обуцят эрямонь перть трят,
Секс а колят,
Секс — икелев молят.

1164. Од ломаненть уцяскав шказо:
Вечкемасо экшели прязо,
Менельга ливтни седеезэ, —
Вечкицясь кеми:
«Од шканть арась пезэ».



1165. Эзизь вадне медьсэ лапшат,
Секс, натъ, авардеме капшат.
Тонсь ульть медекс
Ды – м а к с ы ц я кедекс,
Аволь ёмань
Л о м а н ь!

1166. Ашонтъ раужонтъ марто човорямось –
Аволь эсенек койсэ эрицянь тпрямо.

1167. Ломанентъ мелензэ озязтнэяк ванстсть,
Зярдо сон видесь суро ды кансть.

1168. Кодамояк атякш морамсто зярс эзь мере,
Мекс пуярмозо аволь прыдонзо вере.

1169. «Содавольгак Маря,
Мекс эрьва ломанентъ кургсо варя», –
Ченьксэнтъ копордамсто арсесь Ларя.

1170. Келей кива, теине янга
Якадо эсенк моданть ланга,
Укшнодо эсенк ведьга,
Ождянк явшеде эсь ломанень кедьга.

1171. Кияк од шкасто эзь сода,
Эрямось ушодомс кода,
Кода а пупордямс, а прамс
Ды кода вемельс самс.



1172. Кинень ойменк панжинк васенцеде,
Се паро шкасто, стака шкасто
Васенцекс мельзэнк леди.

1173. Се аволь минек ялга,
Кона яки пильгенек алга.

1174. Свал моданть сокить, свал сонзэ изыть,
Зярдояк видицятне а сизить.

1175. «Зярдэ ломанесь чары,
Сэрей таркас а ары», –
Сеясь латконть чиресэ пары.

1176. Бути тевенк а молить,
Илядо вешне лия тевть,
Вешнеде л и я к с арсиця превть.

1177. А вечктянзат кие, –
Се лездемо тетя а чии.

1178. Эрямосто тенк эзть лезда кить,
Сеть калмамонк васенцекс сыть.

1179. «Дугинем, весе преветь тесэть,
Сестэ мекс арась превей вал кельбесэть?!» –
Пижнесь «райсэ эриця» Попугаесь.
Эзь кунсоло нармуненть модалангонь раесь.



1180. Ков пурдасак руленть,
Тона ёнов чаротне кепедьсызъ пуленть,
Кона пры васня ветицянтъ лангс
Ды сези сонзэ седейстэ панкс,
Кона таго вельтяви чопода пульсэ, –
Ветямаль Эрямось превсэ, аволь рульсэ.

1181. Мелявкст эзь кандо,
Киньгак эзь андо,
Эсь прянзо симдсь ды андсь, –
Пиштякась сталмо кандсь.

1182. Чачома Масторонь Покш Чи,
Арсян тетъ уцяскав кувака ки!

1183. Ванстодо эсь прянк, велеть!
Таго перьканк кренчть велить,
Таго кидеяк а пелить.

1184. Тиринь Масторот кадсак –
Шкадо икеле морот прядсак.
Дугинем, к а н д т
Эсеть Масторонь тевень канстт,
Сынъ аволь стакат,
Зярдэ эсеть Масторга якат.

1185. «Кутмордытинь мелят,
Те шкас перькан велят», –
Мерсь Мекшентень Цецясь.
Ломанесь кунсолось, кецясь.



1186. Ёжовось васня кемицянь кургонзо стызе,
Мейле суронзо перька чаравтызе,
Мейле – шукшпрянь ичицякс аравтызе.

1187. Илядо терде
Лездыцят верде,
Тердеде – алдо,
Сынь а пезнавтыть седеезэнк сардо.

1188. Зярдэ эрявкшнынек – сакшныде,
Теке умарть, элезэнек пракшныде.
Ней тынь сюпавтадо,
Ялатеке – с а д о!

1189. Тундонь цёковонь нерь,
Менелень моросот певтеме сэрь
Ды вечкицянь лакиця верь.

1190. «Видьктадо, ёвты тень кие,
Мекс ямом таго эзь пие?!» –
Пижнесь авинесь куринокань келес,
Мейле прась превей мирдензэ элес.

1191. Несыть, кодат ялгат,
Бути сынст ваксс валгат
Ды пулост лангс чалгат.

1192. Эсенк кудосо штердеде, кодадо,
Карми эрямонк уцяскав, содадо.



1193. Кудонть вельксэ Чись,
Столень лангсо кшись
Вадрясто неить,
Кить паксянь тевтнень теить.

1194. Лавшось сиви, мендеви,
Лия лемсэ лемдеви,
Нардень кандыцясь кадови,
Берянь эрямось прядови.

1195. Аламось эряви тенк ламолгавтомс,
Правтозесь эряви пильге лангс стявтомс.
Арседь секеде:
Эри се, кие ломанть кепеди.

1196. Васняк эсеть раськеденть мелявт
Ды лия раськененьгак эрявт, —
Свал Чипаенть ёнов чамат велявт.

1197. Кодамо якшамо илязо уле телесь, —
А кельми лакштордыця келесь,
Сонензэ свал лембе ды экше,
Сон тарькстэнтъ турванок удалов кекши.

1198. Авинесь янксеме карми ванды,
Мекс течи седеензэ ало тяка а канды.

1199. Раськенть арась ветицязо —
Раськенть арась п р я з о.



1200. Кие понгсь ды зярдо лети,
Масторонть прявтомо вети.

1201. Нузяксоськак а куи,
Бути оев пряка а муи
Ды вачодо удомо туи.

1202. Сэредицяськак стяви,
Зярдо мель эстензэ яви.

1203. Ломанесь, теке сырне, цитни,
Зярдо тевензэ кисэ максыть покш питне.

1204. Энялдан, садо,
Арсеманк илязт прыдовт,
Кода превеекс чачомс?
Кода арсиякс касомс?
Модемс эряви кода,
Зярдо пильгалот мода?

1205. Таго ледстяса сень,
Кие апаро арсесь тень,
Мерян: «Кадык ломанесь вадрясто эри
Ды киненьгак берянь вал а мери.

1206. Бути седейсэнк арась валдо,
Кортадо кшиде-салдо,
Сестэ а туи модась пильгенк алдо
Ды таго карми валдо-валдо!



1207. Тетянь-авань кудонть перька якан,
Ней сон чаво, ульнесь
П е ш к е «вакан»:
Тесэ сисем эйкакшкетъ кассть.
Течи тей аволь весе састъ.

1208. Эсеть кондыт кармить тякат,
Бути авардиця ломань лангсо ракат.

1209. Сех парсте соды сиесь,
Кода вишкалгавтомс ломанень виентъ.

1210. «Иля тапаря мезть понгсь», –
Пинесь ломанентень онгсь,
Мейле кургозонзо туло тонгсь.

1211. «Энялдан, штердицят, кемедь:
Канстесь а чевтеми сэмедь», –
Лекторось аватнень пилес мемеди.

1212. Бути валот, дугай, лият,
Сеске кевкстядызь: «Ёвтыка, кият?
Мезе тесэ рамят, микшнят?»

1213. «Содан аволь ансяк мон:
Ломаненть эрямозо аволь свал ён,
Сон а топавты кодамояк закон! –
Пижни Сезякась кардазонть песэ, –
Арась уцяскав эриця тесэ!»



1214. Тунда атинесь лиси видеми,
Кеми: рунгозо таго видеми,
Кельме верезэ лаказеви одс,
Кизна нуеме сови суронть потс.

1215. Ютась кизэсь.
Чатьмони нармунень пизэсь.
Од ломанесь морамо снартни.
Сыречись ливезев чаманзо нардтни.

1216. Прявт, тенк сукпря а мерить
Сеть, кить свал кепе-штапо эрить.
Ломань-прявт, ванстак оймень сэреть.

1217. «Сёвонень чакшонть иляк правто,
Сонззяк эрямонзо аволь кавто», –
Кортась Ломанентень Псакась,
Кона пек чиремкшнезь якась.

1218. Ломанесь аварди, сельмензэ нардтни:
Лепштить покш пильгензэ вишкине картне.

1219. Кить чилисеманть вастыть,
Сеть вajoдиця эйкакшт кастыть.

1220. Ломаненть прязо вейке,
Эрямозяк вейке, –
Энялдан: чарькодинк тень весе
Н е й к е.



1221. Кияк Моданть лангсо а соды,
Кие кинень сюрю види,
Кие кинень коцт коды.

1222. Ломанесь свал кеми:
Сон а карми сэредеме.

1223. Ломаненть мелензэ ламо,
Свал сон бажи вере́в ливтямо.

1224. Кие кармавтсамизь прамо,
Кие тонавтсамизь стямо, –
Ёвтак тенек, Превень максыця!

1225. Кода ялганок а ёмавтнемс, –
Тененьгак эряви тонавтнемс.

1226. Кие машты чарькодеме,
Сень корозо кеме
Ды валозо – с э м е.

1227. Эрямось лиякстоми:
Мезесь аштесь стядо, се – коми,
Мезесь комадоль – ёми.

1228. Шкась эсензэнтъ луты,
Одс педявты, путы, –
Истя пингесь а юты.



1229. Мелем аволь вейке:
Кода ломаненть трямс,
Кода вемельс самс,
Мейле – пильге лангс стямс...

1230. Верь потсот кеденек,
Секс арасть ялгаксчинь сэденек.

1231. Бути оймесь неи,
Ломанесь ламо паро тевть теи.

1232. Чуросто сёвнок,
Седьстэ ловнок.
Бажак свал содамо,
Эрямось кодамо.

1233. Эрямонок истямо тинге,
Сонзэ тенсемс эряви пинге.

1234. Моданть лангсо ламо келей кить,
Содавольшькак, кить
Теялгавтомост сыть.

1235. «Шулясь карми кенереме,
Мейле карми пeverеме
Пондакш пуло Уронть пильге алов.
Шулясь тантей, аволь салов», –
Пижнить сезякатне,
Аволь чаво прятне.



1236. Мучкиця ломань, мерян теть:
Иля вешне тешттеме веть,
Вешнек чить
Валдо кить.

1237. Свал бажи ломанесь содамо,
Сон к о д а м о?
Ломанень илядо сядло,
Сон бажи нееме в а л д о!

1238. Бути виеват – молеме кармат
Сестэяк, зярдо ушосонть вармат.

1239. Гуеньть – Гигерь прянь
Лия гуекс илядо тря.

1240. Ломань, стяко кецят,
Зярдо пильгеть ало цецят.
Ков таго цецятнень ланга эцят?!

1241. Превеесь карми содамо,
Шанжавось карми коцтонь кодамо,
Ломанесь, чинь трокс карми, кодамо.

1242. Цёковнеть, ливтядо морамо,
Аволь покш ёжонь коламо,
Цёковнеть, морадо:
Мазый авадо,
Виев цёрадо.



1243. «Чапаксонок кепети оргадо,
Тодовонок чевтеми толгадо», –
Мерсь карень кодыцясь,
Чатьмонсь «Эрямонь содыцясь».

1244. Трямонь тевесь сехте стака,
Вечкиця седейтеме сонзэ перька илядо яка.

1245. Ёмить сех валаня китне,
Конатнень лангсо ливезь а цитни.

1246. Ойменек сестэ эри,
Зярдо сон менельсэ, вере.

1247. Вейсэндявксонок срады –
Виенк вишкалгады.
Ансяк превтемесь ялганзо кады.

1248. Валгодо нолажа пандо прясто
Апак капша, састо.

1249. Куркась толганзо витни,
Учи од питне,
Соды, путыть покш питне тензэ,
Секс истя кепеди пулопензэ.

1250. П а р с т е сёрмадыця, киньгак иля сёвно,
Мекс тонь книгат кадовсть апак ловно.



1251. Ломанень седеесь ванькс,
Ванодо сонзэ лангс
Ды карматадо содамо,
Мазый седеесь кодамо!

1252. Эрямот перть
Эсь прят икелев тердть,
Ялгадот мелявт,
Празтнень пильге лангс стявт.

1253. Зярд Матрянь оргодсь чапаксозо,
Кияк эзь кешне, кияк эзь козо,
Кияк киньгак тунь эзь сюдо, –
Тесэ Матрядо башка кияк эзь удо.

1254. Сех кувака янось нурькалгады,
Сех покш вейсэндявксоськак срады,
Бути ломантнень седеест теевить кевекс,
Бути карматано эрямо ревекс.

1255. Ломанесь сюпав, эрва мезезэ ули,
Мезезэ карми улеме, зярд кулы?
Теде арсевельгак ломанесь течи,
Муевель кажовонтень кши ды ведь марто кече.

1256. «Мезенек ульнесь – тенек сатоволь,
Улевельгак прясонок аволь ноль», –
Истя превей Айгорось кортась.
Весе чатьмонсть.
Чикордсь чаво кардазсо ортась.



1257. Киньгак кисэ эзь мелявто,
Вестькак сельведть эзь правто,
Пря лангсто пильге лангс эзь велявто,
Ломаненть прянзояк ульнестъ аволь кавто.

1258. Зярдо азорокс эрсить превтне,
Сестэ валанясто молить минек тевтне.

1259. Нурькинель нармушканть кизэ,
Эзь кенере мик вачкамо пизэ.

1260. «Сат кежень савтомо,
Кадоват прявтомо!» –
Овтось мекштнеде ранги,
Чии вирьганть, чувттнэнь а янги.

1261. Куловонок ды содонок
Кармить ёвтнеме неень
Э р я м о д о н о к.

1262. Валонок корты валдо чиде,
Зярдо сон в и д е
Ды зярдо сон валдо арсемат види.

1263. Улевельгак анок
Седе превейстэ арсеме прянок,
Аволинек нельге лия масторонь модат,
Содавлинек, нельгезь Масторонть
Эмежензэ сэпейть кодат.



1264. Тонь лемесь свал вере,
Сон вечкиця седейсэ эри.

1265. Ломанесь арсизе чаронть,
Кияк а стувтсы те паронть
Ды кияк тень кисэ сюзпря а мери, –
Ломанесь свал кинь-бути вийсэ эри.

1266. Ломанесь превень сэртеме
Кадови вертеме.
Неезэ Превень Сэресь,
Ломанентень мезекс эряви вересь.

1267. Превей ломанесь а пижни,
Кинь сон стявты, изни.

1268. Поэтэнь валось вечкиця седейс кадови:
Вечкеманть виезэ зярдояк а прыдови.

1269. Превей прявтонок ламо,
Мекс кияк а бажи эсь прынзо прямо?

1270. «Кие ульнесь пильге ало,
Сень кисэ сельведть эзть вало, –
Ламольть пиштяканть ризксэнзэ.
Сех малавиксэнзэ
Салызь карксамонь пиксэнзэ», –
Ёвтнемась ульнесь стака,
Кияк эзь рака.



1271. «Чинть ды Ковонть ёнов молинек,
Ялатеке кинек колынек,
Веть минь эзинеке сода,
Виде кись муемс кода!» –
Каргинетне пельтнесэ рангсть,
Сынь истя пельтнень менельстэнтъ пансть.

1272. «Сюкпря менелентень ёвтан, –
Арасть новтан!» –
Пижнесь кирдевтеме Вармась.
Сонгак превиямо кармась.

1273. Варакась бажи сельмень карамо,
Мекс а снартни варманть каршо арамо?

1274. Ломанентень Пазось илязо максо:
Лия седей ды лия максо.
Сынь минек эйсэ
Важодест вейсэ.

1275. Эрьва сэрясь
Тумонть прясо эрясь,
Зярдо тердизе Чись,
Сеске тарад пес лиссь.

1276. Моданть лангсо минь кить:
Чокшнеть, веть эли чить,
Эли сеть, кинь седеест аволь псить?!
Минь – Од Чилисемат!
Сюкпря тетъ, Седей, тон кемат.



1277. Ёжов ломанень прясь свал
Вешни манчемань вал.

1278. Кежеть киртить,
Оймень виеть сыртить
Ды лездамо ялгат туртов сак.
Ломань, свал эсь прят тряк.

1279. Ламонень лездыть, мель явить, превть путыть,
Аволь пайстомокс Моданть ланга ютыть, –
Ульть шумбра, мельвановикс Ломань!

1280. Алкинентень – сэръ,
Вертементень – веръ
Пазось максозо,
Ломанесь свал касозо.

1281. Бути превенек ды обуцянок кеметь,
А сялгить минек пряс сэметь.

1282. Нумолось эсензэ паксянь ловга кели,
Ялатеке эрьва киде пели.
Ялгат, илядо уле пелицякс,
Уледе оякс, эрицякс!

1283. Кие рудазкады,
Се а шумбралгады,
Се а сэрейгады,
Се а превейгады.



1284. Ломань, тонсь вант,
Мекс чаво прят,
Мекс ламот а анокт
Превде пряст пештямо?!

1285. Истятнэде ней ламо,
Кить эцить шукишпрянь сокарямо.

1286. «Овтонть ливезензэ илядо нардтне,
Сон тынк лангсо ардтнеме снартни», –
Сезьгантнэ пижнесь лишметнень велькссэ,
Конат экшелесь томбака¹ эрьксэ.

1287. Сеть, кить сась, –
Тейсть од Власть.
Кравтозь Властенть чавизь,
Мейле – явизь.

1288. Ломанесь зярдояк а арси седе,
Кинь мештьсэ токны
С о н з э кисэ сэредиця седей.

1289. Ломанень вечкемась а изняви секс, –
Сон – Чи!
Сон киненьгак а тееви векс.

1290. Футболонь вечкицятне кортыть
Ф у т б о л д о,
Теке седейсэ палыця толдо.

¹Томбака – глубокий



*Мордовия Республикань Прявтонть
Николай Иванович Меркушкиннэнь*

1291. «Раськень кисэ мелявтыця Прявт,
Эстетькак мель явт,
Т о н с т е м е т ь
Миньгак а карматано кеметь», –
Арсидеесь сёрмадсь Прявтонть сёрма.
Сон содась: эсь прянь аванстомась –
Сехте стака орма.

1292. Илядо уктне кувакасто,
Саеде арсематнень эсенк прясто,
Капшазь илядо эскеля,
М о л е д е с а с т о .

1293. Бути Пазось тетъ эзь мере, –
Иля аште в е р е .

1294. Неень Шканть кургсо истямо к е л е ,
Козонь ёми аволь вейке веле,
Козонь ёмить ошт, –
Максодо тень кошт!

1295. Ажиятнень юткс
Аравтат сукс.
Лишме ды бука
Азёка мука.

1296. Ванан Ломанень чамас: сон прок цеця!
Кие те цецянтъ палсемстэ эзь кеця?!



1297. «Чеертнеяк кецить,
Зярдэ эсест варяс эцить», –
Эськанзо арсесь Каткась –
Мельспаросо чеерень кеденть ваткась.

1298. П е к с т а з е с ь туи,
Зярдэ лисема тарка муи.

1299. Эрьва ломанесь эсь прянзо ванстасы,
Бути набой коронзо панстасы.

1300. Таго ранган, даволт чарыть прявам,
Учан – марясамам авам,
Сон менельстэ валги монь ваксс
Ды чольнезевеи Валонь лисьмапрыхс.

1301. Авардемась прядови,
Сельведенек коськить, –
Салось лазозь седейзэнек кадови.

1302. Иля каштордо, иля сорно, пой,
Модастонтькак ней таргить ой,
Паро койстэньтькак теить –
Амаштовикс к о й.

1303. Минсь а содатано, зяро иеть
Асатыксэнэк мельганок чиить
Ды зяро пингеть кармить ардомо.
Кие сы ломантнень сяддомо?



1304. Нееде, кинень эряви мезе,
Вансто до Эрямонть, кандодо лезэ, –
Свал кецязо ломаненть седеезэ.

1305. Киненьгак иля савто,
Тень кисэ кияк теть а путы «кавто».

1306. Бути ули меленк,
Нурькалгавтынк келенк,
Эстенк лезэ тееде,
Асатыксэнк неееде,
Ледстинк, косо в е л е н к...
Бути ули меленк.

1307. «Содавлитыкак, сярдо,
Оймат зярдо
Ды теть путыть кардо», –
Увнось сыре виресь,
Удось нешкепиресь.

1308. «Ломанентень мазычись
Вечкицянь валдо седейстэ лиссь», –
Мерсь Ковонтень Чись.

1309. «Зярс иля эря,
Цитница Сэря,
Неян: сехте вере кирдят прят,
Ялатеке рокиця тувонь пильгалов прат», –
Чикордсь Сезякась тумонть прясо.
Тумось Сезякань превтнень сэрьс эзь касо!



1310. Мезе теят,
Мезе неят,
Мезе марят,
Бути медьсэ-ойсэ вадьсызь пилеварят?

1311. Ёмавтынек келенек,
Секс якшамот теленек,
Секс нурькинетъ кизэнек,
Секс чатьмонить пизэнек.

1312. Салыцянок илядо сюдо,
Тынсь илядо удо, –
Теде ванстыцянь кудо.

1313. Педявтсь Инешкись Моданть лангс
Эждиця ашо панкс!
Кеци седеем –
Масторонок таго ванькс!

1314. Кодат коронок,
Истят моронок.
Кодат превенек,
Истят тебенек.

1315. Валсо анды,
Арси – лезэ канды.

1316. Кить ансяк эсь раськест сехте превейкс ловить,
Сетнень седейс кельме вармат совить.



1317. Превей ломанесь сененьгак
«Дугай» мери,
Кие марто аволь ялгакчисэ эри.

1318. Аволь левшстэ, парсейстэ пикст понавт
Ды те тевентень эйкакшот тонавт,
Бути сынст кургинест аволь понавт.

1319. Бути пштить валот,
Улест пштить налот,
Нармунь-айгор улезэ алот.

1320. Стяко иля тално,
Сельведть иля вално,
Турват ваднек медьсэ,
Панст кирдть эсеть кедьсэ.

1321. Кие вечкезь корты, моры кендялtnэде,
Ломантне а арсить теде,
Сыньгак морыть, кортыть,
Эрямост толс ёртыть.

1322. Таштось а карми одокс,
Таштось тееви содокс,
Содоськак модакс велявты, —
Теде Сонсь Пазось мелявты.

1323. Зярдо велькссэнк чополгадсь чись,
Варштадо, вакссонк кить?



1324. А кемиця, иля сёрмадо
А ютыця ормадо,
Содак: ломанесь Пазонтень кеми,
Секс сон шумбра – седеезэ к е м е.

1325. Кода промкстомо,
Истя понкстомо
Ломанесь невьсынзе превензэ,
Сыргавтсынзе паро тебензэ, –
Нама, свал эрявить превей промкст
Ды – а новолиця понкст.

1326. Бути пелят ламбамодо,
Баяга кирьгазот иля содо,
Пильгезэть иля сюлма терть,
«Вечктян!» – Авантень мерть.

1327. Чаволась бажи весень тонавтомо,
Лиятась муи ялгат сядо колмо
Ды кече, косо ули «с ё л м о»,
Конатань вейсэ покш мельсэ кармить
К о м а в т о м о,
М о р а в т о м о.

1328. Ломанесь тонадсь ломанень кильдеме
Ды пильге ало пиштяканть кирдеме.

1329. Меельце превенк прась,
Бути сёвноманк сась.
Превть тенк максозо Шкась.



1330. Сехте валдо се,
Кинь обуцясо арась ве.

1331. Превейгадат ловномсто,
Аволь сёвномсто.
Чуросто сёвнодо,
Сеедьстэ ловнодо.

1332. Илядо учне паро кулят,
Зярдю перьканок вешкить пулят.

1333. «Паксяв молян мон,
Мекс а молят тон,
Пиянь чемпион?» –
Вансь нузяксось он.

1334. Минек масторсо ламо цитница лемть,
Тонгак, паро ломань, седейшкава кемть:
Цитница пряськак кандтни каладо кемть.

1335. «Илядо кирвазте сень,
Мезесь а мадстевнень, –
Ломанесь прамо кармась!» –
Пижнесь паксясо Вармась.

1336. Чачома веле, Т о л к а н,
Тонь вечкеметь а лоткан,
Косомяк –
Т о с о я к!..



1337. Вешнек лембе валдо
Вечкиця седеенть алдо.

1338. Мезе тон содат?
Содак: тон – о д а т!

1339. «Пингень перть прят чары,
Зярдо сон эсензэ таркас ары?» –
Вармась
Ломаненть кевкстнеме кармась.

1340. Тякинем, вант,
Кодат пильгалот янт,
Кодат икелеть пандт.

1341. Теинек Покш Чи,
Эзинец паневте кши,
Эзинец пиде пуре...
Уресь – свал уре.

1342. Пазось макссь тенек менелень мазы,
Мекс сон кельмевти, сяворды, лазы?

1343. «Васня чувтомат,
Мейле кевензат.
Ванстык течи прят,
Ванды таго стят!» –
Пижни Седеесь
Шумбра Ломаньсэнтъ.



1344. Зярдояк иля мере,
Киненьгак иля мере:
«Чаво прясь ашти вере».

1345. Киштеме-морамо сакшнынек,
Аволь сиземадо пракшнынек,
Валске марто цецякс стякшнынек.
Тон монь седейсэ, Вечкема Латко, —
А мадиця с я т к о!

1346. Тедеяк, од ломань, а содат:
Ансяк течи тон одат.
Содак: Шкась тетъ ванды
Лия ёжо канды.

1347. Аволь эрьва ломанентень мерят:
«Мезде арсят, кода эрят?»

1348. Скалось пулосонзо карвот чави, —
Истя бизныцятненень мель яви.

1349. Весе бажатано вереv,
Теке а содатано:
Вере аштиця таркась
Эрси – в е р е в!

1350. Кукось бажи кукордомо вере,
Секс алце тарадтнэнь кери.
Аволь эрьва нармунесь истя эри.



1351. Арси пингень перть нузяксонь прясь:
«Тодов, сака тей – удомам сась».

1352. А пужиця ава, шержеят, ловдо ашат,
Тон те шкас вечкиця мирдеть туртов –
Пейделька – М а ш а т!

1353. Паронь теицят, свал тынк:
Эзидизь «нее», эзидизь «сода»...
Содадо: а ёмить валдо кинк,
Сынст юртнэсэ – калгодо мода!

1354. Нузякс ломанесь сельмензэ конясь:
Чумо ульнесь тея конясь.

1355. Каргине, кие марясы валот,
Бути нарвамстот аволь каргонь ульнесь алот?

1356. «Нолажа ки ланга ардтнинец састо,
Секс куломанть эзинец васто», –
Атятне кортнесь.
Одтнэ пильгалост видьме лукшост
Салавинька ёртнесь.

1357. Ялганок улезт аволь вейке,
Конат чарькодьсамизь нейке.
Ялганок улезт ламо,
Конат бажавольть
Стака шкасто тенек само.



1358. Иля тонавтне алтамо
Ды кевень салтамо, –
Те тевесь – стяконь тев,
Тесэ а эряви покш прев.

1359. Трятано пинеть,
Андтано псакат, –
Уроз пакшатне – «с т а к а т».

1360. Кие сы масторонок тапамо,
Се а сы минек кисэ цяпамо.

1361. Пинесь киненьгак а ёвты,
Киненьгак а мери,
Мекс салыцясь парсте эри.
Сон онги, секс – эри.

1362. Кие чатьмонеме а машты,
Улипаро а ташты.

1363. Мон туян, тынь – кадовтадо.
Энялдан: якадо стядо!
Ды мартон кортнеме садо,
Зярдю шка мутадо.

1364. «Се ней удемсэнек,
Мезесь а саеви тенек», –
Апаргалесь атясь.
Ней сон ансяк фатясь.



1365. Ломанесь мелявтыця мирде,
Сон нинзэ ды эйдензэ
Седейсэнзэ кирди.

1366. Мирденень лисить,
Мекс авардить кисэть?
Содак: истяня авардить,
Зярдо вельть кенярдить.
Одирьва, арсян уцяска тетъ,
Валдо ёжо чить ды ветъ!

1367. Ялганок эзинец кадо,
Ней сынъ тердить:
«Инжекс тенек садо!»

1368. Зярдо парсте арсить прянок,
Сестэяк а саты шканок.
Зярдо «а саты» шкась –
Аволь свал чумо п р я с ь.

1369. Эрвантъ эсензэ Эрямонь кизэ:
Вейке кинть велькссэ свал лембе кизэ,
Омбоце кинть кельмевти певтеме теле, –
Уцяскавт сеть, кить молить нетъ
Китнень ланга – апак п е л е.

1370. «Сестэ, тякинем, эсь прят уцяскавокс ловт,
Зярдо пильгеть ало сэнь эйть ды ашо ловт», –
Ашо овтось Ашо левксэнзэ превс путнесь.
Тона, кода свал, аванзо валтнэнь стувтнесь.



1371. Ломанесь пек ламо соды,
Ялатеке эсь прянзо кундамс
Алтымат коды.

1372. Бути прявтонок аволь превей, аволь кеме, –
Прянок кармить сэредеме
Ды берянь арсемат прызенок чачить.
Пек берянь, зярдо рангицятнень пекест вачить.

1373. «Те ёнксось минек,
Минь тей морамо ды нарвамо сынек!» –
Цёкордсть цёковтнэ чевгельтнень ало,
Уцяскав нармунтне сельведть эзьт вало.

1374. Паро тевтнеяк, берянтнеяк прыдовить,
Ансяк кодат ледстнемат сынdest кадовить?
Паро тевенек туезт кедьстэ-кедьс,
Совазт седей санс, аволь бутрав ведьс.

1375. Морыть нармунтне тень:
«Сельмсэть менелень сэнь,
Сансост лакиця верь,
Превсэть – п е в т е м е сэрь!»
Теде мейле мон леднемест карман!!!
Пазось макссь монень менелень дарман.

1376. «А карматано прамо,
Бути ялганок ламо!» –
Вирьсэньт пижнесь эрьва чувтось.
Вечкевь тень те увтось.



1377. Кить таштамо маштыть,
Сеть ламо превть таштыть,
Зярдояк сынъ тевтеме а аштитъ.

1378. Эйкакшоськак фати, мелявтгадо киде,
Бути аволь сонензэ лездамо сыде.

1379. Ломанесь а эрси лия:
Сонензэ свал эряви сырне ды сия.

1380. «Кие пупи ды суски,
Се тетъ пенчке медъ а уски!» –
Пек сеедыстэ истя лайшить тесэ, –
Нешке пиретнесэ.

1381. Арседе: мельсэнк ней кить? –
Сеть тенк течи сыть:
Аволь трямонк, –
К у т м о р я м о н к...

1382. Цирнесь пиштяка тувось,
Зярдо морась цёковонь кувось¹,
Тувоськак а кеци,
Зярдо морозонзо лия куво эци.

1383. Иредезь ломанень кедь,
Тон а венстят ялгат ёнов сэдъ,
Тон а неят,
Мезе теят.

¹Куво – клюв



1384. Ломаненть кенярды валдо седеезэ:
Сон кинень-бути таго тейсь лезэ.

1385. Инжекс эзинь саво,
Тень кисэ илямизь чаво,
Седейстэнк илямизь яво,
Мельвановикс ялгинеть,
Содан – ойменк аволь алकिनеть!

1386. Тумось шумбра, сэрей, эчке,
Сон кувать эрицят вечки.

1387. Од ломанесь а соды, кить
Сонзэ беряньстэ трить,
Сон мейле карми содамо,
Трицязо ульнесь кодамо.

1388. Мелявтодо чинек-венек
Сетнеде, кить кармить эрявомо тенек.

1389. Ломань, ков тонсь капшат,
Тов кармить чиеме пакшат.

1390. «Виев обуця ломань, – корты чамась, –
Эзить миеве сенень, кие арсесь тонь рамамс».

1391. Тесэ киненьгак а мерят:
«Умаринанть лангсо касыть сэрят».



1392. «Содадо, явицят,
Тынь эсь прянь чавицят!» –
Чаво прясонок Вармась
Лайшеме кармась.

1393. Илядо капша пеняцямо,
Мекс иенк ламо, –
Седейшкава к е ц я д о:
Те шкас арсетядо цецядо!

1394. Седеем сэмеди сэме,
Ялатеке сон вечки ды кеми.

1395. Таго тей сынек,
Косто сыргась Эрямонь кинек,
Тонеть сынек, чачома веле, –
Тесэ ней якшамо т е л е...

1396. Киде вечкезь кортат,
Сенень панжсыть ортат,
Панжсак седееть келес,
Озы Ковось тонь элес.

1397. «Атякшось саразтнэнь карязост витни,
Тень кисэ а саи мик питне!» –
Пижакадсь Сезякась.

1398. Зярдэ седейтне кевсэть, –
Ломантне аволь вейсэть.



1399. «Штапо ломанть якить икельганок,
Бути визьксэть арась – ванок,
Ломанть, зярдю превейгадыть прянок?!» –
Лайшить покштянок-бабанок.

1400. Зярдю эрить Моданть лангсо тетят-ават,
Сестэ, ломань, сэрей таркас стяват
Ды кувать эйкакшонь уцяскат марто а яват.

1401. Превей ломанеськак аволь свал
Эстензэ мери сялдомань вал,
Натой сонгак эстензэ а мери:
«Эсь прят тряк».

1402. Кинь рунгозо кеме,
Се а бажи валонь чарькодеме.

1403. Эрьва ломанесь эрязо эсензэ превсэ
Ды лакаволь вечкевикс тевсэ,
Экшелязо уцяскань лейсэ
Паро ломань марто вейсэ.

1404. Кияк а ёвты тенек,
Кие апак оймсе важдось чинек-венек,
Кие зяро весебезэ кандсь лиянень лезэ.

1405. Отьмас прыть сеть,
Кить карадо-каршо а теить сэдть,
А венстить кедть.



1406. «Овтолевкс, бути ловомо маштат, ловт,
Тельня лов ало удомо кармат зяро ковт,
Ёвтака, кие
Уды пельые?!» –
Чикордсь ашо пеке Сезякась.
Тень марямсто весе виресь ракась.

1407. «Сялдса эсь прям:
А маштан узерьстэ пидеме ям.
Мезень тееме маштан –
Эйкакшт эрьва иестэ раштан», –
Кортась авинесь,
Мизолдсь атинесь.

1408. Куконтъ морозо – Ку,
Цянавонтъ – Ця,
Пичекивгень¹ – Гу,
Ожопулонтъ² – Мя.
Нармунть, ванстынк моронк,
Ванстынк оймень толонк!

1409. «Таго кортатадо эсенк понадо,
Кона саламо эзь тонадо! –
Чикордсь Сезякась а эсь пизэнтъ велькссэ, –
Кие те визькстэментъ сельгенесы?»

1410. «Тень мезеяк мерть,
Мекс вакссот эзинь удо веньберть.
Васенцеде эзимик сюдо,
Мекс эзинь удо...», –
Менелесь кунсолось, ломантне кортасть.

¹Пичекивге – удов

²Ожопуло – иволга



1411. Эйкакшоськак аволь стяко лажи,
Сонгак эсензэ покш меленть топавтомо бажи.

1412. «Иля тонавто ававтот. Сон а весть, а кавксть
Эрямонзо перть нурсесь лавсть», –
Бабинесь урьванстэнь кортнекшнесь.
Мекс ней чатьмони те кудынесь?

1413. Илинк стувтне тень:
Яводо мель сэредицянтень
Ды пильге лангс стицянтень.

1414. Дугинем, тонь марто якинек тия,
А эряви тень мазый тарка лия!
Чачома Масторонь теине ян,
Тонь ланга тиринь велев сан!

1415. Мезеяк а карми улеми минек койсэ,
Кияк а лиси шлямонок медьсэ ды ойсэ.

1416. Зярдэ ломанесь эри лувтомо, –
Эрямонь кинзэ карми стувтомо,
Сон а карми содамо,
Масторозо карми кодамо.

1417. Кезэрень ломанесь содась:
Сонзэ авазо – Модась,
Тиринь тетязо – Чись,
Кона Пазонтъ седейстэ лиссь.



1418. «Катка, кенжеть човат,
Тон сынст ялатеке човат,
Кинь кундамо снартнят,
Мекс монь перька ардтнят?» –
Кемиця чеернесь циледсь,
Цильцеень мородонть псакась иредсь.

1419. Истятнэде нейгак аволь ламо,
Кить кармить паро эрямост шнамо.

1420. Эрямонть иля сяддо,
Тон тонсь тейть чоподастонть валдо,
Таргик малавиксэть пильге алдо.

1421. «Дугинем, сестэ а сизят,
Зярдо эсеть пакся сокат-изат»,
Зярдо нить пилес тошкат:
«Тон – пси кизат», –
Одонтень кортась сыресь.
Кунсолость леесь, паксясь, виресь...

1422. Нулавоськак штаподонть мери:
«Аволь сюпавсто эри».
Сонгак пели –
Ярмаконь вешеме сонензэ сыть,
Сонськак а соды кить.

1423. Ломанесь шумбрачи ташты,
Сон ракамо машты,
Сон од морот рашты.



1424. Бути ломанесь в а ж о,
Сонзэ вакссо свал кажо.

1425. Кадык свал ломанесь кеми,
Сон а карми сэредеме.

1426. Атякшось моры, авакшось котны:
«Весе ожокургот одтнэ!»
Куркась раки
Ды сёлмонь келемтезь яки.
Кардазонь концертэсь моли,
Киньгак ёжозо а коли!

1427. «Валовт атякшонок,
Аловт авакшонок,
Понавт кочкарянок,
Сёлмо алот прянок!» –
Морыть палсиця нертне,
Сансо лакиця вертне.

1428. Бути сыть кеженек, –
Тапавить неженек,
Содави, нежевтеме
Ломанесь аволь кеме.

1429. «Тумокс теевсь сэрясь,
Аволь стяко путыцязо эрясь», –
Увнось, морась виресь.
Моронть марясь
Ломанень седеень пилесь.



1430. Сёрмань сёрмадомась
Ней ков-бути ёмась.
Т е л е ф о н,
Теньсэ чумось тон!

1431. Содак, нузякс псака:
Апак чийне, апак яка,
Вейке пильге чеереськак кундамс стака.

1432. Бути превейстэ арсят, бути вадрясто цётат, –
Удалов апак варшта, а потат.

1433. Ятонок свал анок
Теемс лавшокс обуцянок.

1434. Косо удомась певтеме,
Тосо ломанесь тевтеме.

1435. Кувать илядо удо,
Шабранк илядо сюдо,
Мекс сынъ
Аволь вень – ч и н ь ломанть.

1436. Бути ундоксот лавшот,
Эрьва даволось сырги каршот.

1437. Зярдю якшамо тенек,
Кадык сестэ кирвазить седеенек.



1438. Мелезт эсенек ёнов кинек, янонок,
Шумбра верь кандост рунгонь санонок,
Келейгадозо тиринь канонок.

1439. Саразось алыась –
К о т н ы,
Седеесь-в а л ы я с ь –
Т о к н ы,
Пешксесэть Модась ды Ведесь,
Аванть кутмори Ванстыцянь кедесь.

1440. Те мелявксось минек,
Кода кепедемс Эрямонь кинек.

1441. Менелень куншка, верькс ды алкс,
Тынк кортамонть чарькодемс эряви
Седеень В а л к с.

1442. Содавлинекак минь:
А эжи седеесь, зярдосон – кшнинь.

1443. Эрзянь тейтерь – мисс,
Валгить менельстэ аволь эсетъ кис,
Мон чекан тонь кис:
Совак оймень шумбрачис,
Ливтяк эрзянь мазычис!

1444. Зярдосон ламолгады канось,
Ине кикс тееви янось.



1445. Бути паро ломанят, кедеть венстить
Ды апарос понгозтнень менстить.

1446. «Тантейть эмеженек,
Одонь ёжот састь тенек!» –
Морыть сезякатне, варакатне,
Сынст мельс тукшныть кизэнь шкатне.

1447. Парось валдокс велявты тенек,
Берянесь – кувалгавтсы венек.

1448. Авардить: ломантне явсть,
Аволь вейкетъстэ седеест чавсть,
Аволь седейшкава палсестъ,
Нать, аволь вейкеде арсестъ.

1449. Сестэяк аштеде стядо,
Зярдо стядо аштемс тенк
Т а р к а эзть кадо.

1450. Сех превей валонтькак
Васня новтык¹,
Мейле марявиксстэ ёвтык.

1451. Зярдо неяви Эрямонть пезэ,
Сестэяк кандт лезэ,
Сестэяк кемть:
Покш уцясканок а прыдови,
Сон эрицятненень кадови.

¹Новтамс – взнуздать



1452. Бути прясто-пильгс нолят,
Иля пеле – а колят.

1453. Нузяксось кснавонзо куштасынзе,
Важодицясь – пуштасынзе.

1454. Инжень с а м о,
Тонь вечкицят ламо,
Ялгань туема –
Певтеме сельведьга уема.

1455. Аванок – шумбра эйденъ раштыцят,
Цёранок – улипаронъ таштыцят, –
Весе паро тевень тееме маштыцят.

1456. Покш чумом, тяка,
Тон монъ кедь вельде эзить яка,
Касыть съкамот,
Эрямом перть учан самот.

1457. Кинь лиякстоми лувозо,
Сень лиякстоми кувозо,
Кие лиякстоми,
Сень чачозо ёми.

1458. «Кодат содамонок, урванок, –
Истят кечказонок, ульманок», –
Кортась киде-бути авась,
Зярдю удомазо явась.



1459. Кульцянь вельмевтеме
Илядо вешне надобия кеме, –
Те удомась – певтеме.

1460. Мелявтодо седе:
Кинь мельс тевенк леди,
Кинь кельс валонк педи.

1461. Кие а машты авардеме,
Се авардицянь а кеми.

1462. Одсто эрямоськак – певтеме,
Вечкемаськак – превтеме,
Од шкасто кияк а ашти тевтеме.

1463. Сестэ вадрят тевенек,
Зярдо пукшодонок вереть превенек,
Зярдо аволь верьгизэнь пей алот ревенек.

1464. Бути а чарькодъсы ломанень прясь,
Сон аволь с а е м е Моданть лангс сась, –
Те пряньт нардасы Шкась.

1465. Кие тонавтни паро эйкакшонь трямо,
Се а карми почтонзо сод марто човорямо.

1466. Стакадоак стака те темась:
«Косто сакшны тенек прянь сэредемась?»



1467. Седееenek улeзт Чинть пеле,
Седейсэнек илязо уле теле,
Седееenek эждяк, чачома веле.

1468. Таго тей сынек,
Косо чачсь шумбрачинек,
Косо вечксамизь минек,
Косо валдоми кинек, –
Тонеть, чачома веле, сынек!

1469. «Прядовсь, ялгинеть, кшинек,
Тыненк вешеме сынек,
Свал, чинек-венек,
Якшамо тенек!» –
Вачо озязтнэ чоледить вальманок ало.

1470. Кодамо арсема ломанень прясо,
Сон кшикочом вешни шукшпрясо.

1471. Мезе ульнесь васенцеде,
Се сех сеedyстэ мельзэнек леди.

1472. Кияк зярдояк а ёвты тенек,
Кинь вечкеме кармить седееenek.

1473. Зярдo менелесь валдо-сэнь,
Эрьва нармунесь моры тень,
Эрьва ломанесь – малавикс ялга,
Кона ломанекс моли Чинть алга.



1474. Чоподава ськамот иля яка,
Превей т я к а.

1475. Яла тонавтынек ды кардынек,
Минсь а тона ёнов ардынек.

- 1476 «Сюкпря а мерян сенень,
Кинь нерьстэ менинь!» –
Пижнесь Оязось каткатненень.

1477. Содамот, низанянк вечкеде –
Сестэ кудонк седеень валдодо пешкеди.

1478. Сюкпря Пазонтень, вадрят урьванок,
Теке цецинеть, пейдить турванок,
Кочкасть шумбра нить превей цёранок.

1479. Превей ломанесь эйдензэ совавты превс,
Мейле сынъ сынсь совить эрявикс тевс.

1480. Аволь эрьва совицянтъ вастасызь
Ды Масторонъ ветицякс кастасызь.

1481. Улезт верень эждицят санонок,
Улезт вейсэ эрицят канонок,
Чипаесь велькссэнек пейдезэ,
Эрьва ломанентъ эсензэ кондымо превей
Улезэ эйдезэ.



1482. Тундось – эйкакш марто ни,
Кизэсь – цецянь медьсэ кши,
Сёксесь – шумбра сыречи,
Телесь – цецявтомо ки.

1483. Эсеть эрямонтень ломанть иля сюлма,
Панжозь седейс иля кая ульма.

1484. Свал пси улезэ ямонок,
Содадо: кияк а сы трямонок.

1485. Отьма икеленек,
Ялатеке тенек,
Косот седеенек?!

1486. Сюкпря тетъ, Седей,
Свал содат седе,
Кинь рунго симдят, андат, –
Тон моро эрзятненень кандат!

1487. Се, кие лаки –
Ванды кельми,
Кие раки –
Сти ды вельми.

1488. Мекс арась меленек
Кепедемс веленек?
Мекс истямо обуцянок,
Кона прамо анок?



1489. Тошки нусманя виресь:
«Киненьгак а эряви сыресь».

1490. Дугай, васняк, чумондовить сеть,
Кить седейшкава лездасть тетъ.

1491. Пильге алов апак вано,
Э р я т а н о, а нетяно:
Икеленек покш латко
Ды олго лангсо сятко.

1492. Ломанесь теке пиче видеми,
Зярдó сонсь лиси сюронь видеме.

1493. «Содамокс куро́к сови,
Сон эсь пря́нзо це́ракс лови», –
Атинесь эйденэ́ шнась.
Мельспарозо покшоль:
Л о м а н ь трясь.

1494. «Варяв кургстот пееть кармасть пeverеме,
Ялатеке бажат тейтерь мельга кенереме», –
Превей бабинесь атиненть мурнесь.
Мирдезе́ «мучкиця» ульнесь.

1495. «Зярдó машты газось,
Мезе банянь уштомс максы Пазось?» –
Кевкстнесь сиевесь.
Чатьмонсь виевесь.



1496. Улэзт нурькинеть локшонь неденек,
Улэзт кувакат превень кеденек.

1497. Турванок пици сельведень салось,
Нать, пек вачкодиця ульнесь валось,
Кона ёртозель седеенек лангс.
Вальманть ало ломанесь рангсь.

1498. Вейке кедьсэнтъ эрьге,
Омбоцесэнтъ шкерьге,
Лавтовонзо лангсо э й д е,
Теке цеця, пейди, –
Те истя од тетясь эри,
Кецязь, кода Пазось мери.

1499. Бажадо седейс кельгеме,
Илядо снартне оймень нельгеме.

1500. Моры атясь: «Иень сядо вете,
Оймем вечкемась менелев вети...»

1501. Илядо учо ломаненть пельде превень вий,
Бути обуцясонзо лаки сый².

1502. «Содавлитъкак, кече,
Кинень кармат эрявомо течи,
Аволить пра сельведем лангс», –
Кортась ломаньсэнтъ ченьксэсь –
Седеень ормаменьксэсь.

¹Сый – гной



1503. Бути ловажань келят,
Тонь кисэ а карми кортамо лелят.

1504. «Веренек эзь лака,
Секс минек эрямось ульнесь стака», –
Ватракшось Ломанентень квакась,
Кона комадо якась.

1505. «Зярдо перькат сеськть ды маравт,
Ансяк сынст морамо таркас аравтт», –
Тонавтсь Овтось дирижёронтъ,
Кона эзь вечке сынст моронтъ.

1506. Овтось тайгасо
Седясь кайгасо,
Паксясо эзь седя,
Тосо седясь Федя.

1507. Аволь эрва пиштяка ломанентень ванды
Мелявтыця почтальонось пенсия канды,
Зярдо сон сы, пекстазь кенкшесь сонензэ мери:
«Вечкевикс азором Моданть лангсо а эри».

1508. Цидярдомо тонадындерят,
Берянь вал киненьгак а мерят.

1509. Берянь валонь каршо улить паро тертть:
Ломань, ломанентень
«Паро ломань» мерть.



1510. Кияк а карми тетъ сукпрянь ёвтамо,
Бути сыргат шабрань новтамо.

1511. Эсь прянок сыргавтынек,
Ней а прядови кинек.

1512. Ломаненть полавтневи сталмозояк,
Мик – калмозояк
П о л а в т н е в и, –
Ломаненть свал кие-бути сэви.

1513. Сестэяк мик чумотадо,
Зярдо ялганк эзинк кадо
П а л о м с т о
Ды – сельведень валомсто,
Ванькс ойме ломанть.

1514. Моданть удомазо сась,
Секс, натъ, ловось прась.
Сэредиця Моданть лангс
Пазось педявтсь ашо панкс.

1515. Ломаненть седеезэ эжезэ
Ды ютазо лакиця кежезэ.

1516. Кавтолдомань сукс,
Иля эце паро ломань юткс,
А кемемань ёжо иля уско,
Сэтьме седейть иля суско.



1517. Ванстасынек келенек, коронок, коенек, –
Эсенекть кармить кшинек, меденек, оенек.

1518. Весе бажатано само
Кургонь потомдамо.

1519. Бути свал потат,
Кияк тетя а кази од котат.

1520. Ломанень трявтозо аволь кеме,
Секс сон бажи кенгелеме.

1521. Сеске чарькодтядызь, кият,
Бути эрва чистэ валот лият.

1522. Ломанесь эци Моданть сокарямо,
Модась снартни ломанень прямо.

1523. Шекшатастькак аволь сеске карми чувтонть карамо, –
Васня ушоды макшов таркатнень перька чарамо.

1524. Седеень тунь апак керя,
Моданть лангсо вейкеяк ломань эзь эря.

1525. Кинень лездат укстамосо?
Кинень мерят: «Ойметь косо?»
Ней сынъ удыть весе т о с о.



1526. Лия ёнов пурдась кинек,
 Паряк, тосо учить минек.

1527. Весе бажить вирень керямо
 Ды – экше таркасо эрямо.

1528. Берянтъ тевенек:
 Ёмасть превенек.

1529. Ломанесь зярдояк эзь сода
 Эсензэ Масторонь модадо паро мода.

1530. Валонок аволь кеме,
 Бути сон видьмевтеме.

1531. Иля кирде пряколгансот комолят,
 Сестэ верде алов а новолят.

1532. Содавитькак, парыя,
 Кинь мон течи нарыя.

1533. Кортакш ава,
 Тон свал кортат седейшкава.

1534. Эрва эмеженть эсензэ кенерема шказо, –
 Теньгак зярдояк чарькодъсы ломанесь,
 Бути важоди прязо.



1535. «Ёвтака, эльде,
Вашот кинь пельде?» –
Сыре лишменть те арсемась чавсь,
Аволь эсензэ нурсесь сон лавсь.

1536. Кияк а ёвты, зяроксть весемезэ
Сезевкшни эйкакшонзо кисэ аванть седеезэ.
Весе содыть:
«Те ризксэнтъ арась пезэ».

1537. Кортыцясь кол,
Сонзэ седейсэ тол.

1538. Ломанесь эзь превейгадо ламонь неемадо, –
Превейгадсь эрявикс тевень теемадо.

1539. «Паксянок перька паро азоркс эзинек чаравто,
Секс, нать, кадовинек сэрей таркас апак аравто», –
Рангиця каленть кунсолось вармась
Ды сонгак авардеме кармась.

1540. «Аволь эрьва овтонть кармить сюдомо,
Бути мади сон чувто алов удомо», –
Овтось ломаненть тонавтсь,
Кона удоманть марто сюлмавсь-понавсь.

1541. Илядо пеле апаро ондо,
Пеледе вармадо,
Кона пуви ятонк ёндо.



1542. Тонавтыця, ульть шумбра свал,
Тонь пельде весе учить вал.

1543. Сёрмадей, тень ёвтак, кинень лездасть
Превей книгань томот?
Валот ловнан:
«Паксям арась, эйден кудовтомот...»

1544. Чертемеськак,
Нертемеськак
Масторонть ланга якить,
Ансяк аволь вейкетьстэ ракий.

1545. Тиринь моронь гайть,
Ломаненть ливтямо сайть.

1546. Энялдомань апак кучо,
Ярмакт иля учо,
Сонськак ярмаконь кучицясь учи,
Кие тензэ ярмакт кучи.

1547. Сененьгак превть путынек,
Кинь конясто верьгизэнь черть лутынек.

1548. Ломаненть иензэ – с я д о, –
Весе стувтызь, весе кадызь,
Ансяк В е ч к е м а с ь
Эзизе кадо:
Сон ломанть вечксь.



1549. Сюрó марто карми вазось,
Касы зярдо, –
Истя вансты Ине Пазось
Тякат, сярдот.

1550. Кить касыть кедьбесэть,
Сеть, мерть, – э с е т ь,
Сынь вакссот, сынь – тесэть.

1551. Эйкакшонок кастынек, тринек,
Ней седеяк кассть мелявтомань кинек.

1552. Истямоль лакиця вечкеманок,
Те шкас сзредить эйстэнзэ прянок.
Эзь кадово янксемс шанок.

1553. Ломаненть ёжозо кодамо,
Бути сонгак – с о д а м о,
Бути сонгак «аволь тиринь», –
Сон идем нармушка вирень!

1554. Арась вирьсэнтъ увт,
Перькан тарадтомо чувтт,
Пильгалон празь пизэ...
Кизэ, мекс якшамо чизэ?

1555. «Омбоцеде а сат тей,
Эряк ней!» –
Чольнят тень, чачома лей.



1556. Карвонтькак арась мелезэ прамс
Кельме ямс,
Соненззяк эряви лембе
Ды – чевте кенде.

1557. Ушо ёндо – сырнень пире,
Потмо ёндо – алшка кире.

1558. «Пек беряньстэ арсинь, секс эзинь касо», –
Те арсемась аволь эрьва эрицянтъ прясо.

1559. Мезенк ули – илинк ёмавто,
Эскелядо икелев прянь апак комавто.

1560. Аволь эрьва сзредицясь
Кешни ды козы,
Аволь эрьва сыредицясь
Оймсеме озы.

1561. Чинек-венек
Эскеляст ялганок тенек
Ды свал вечкест седеенек.

1562. «Вармась
Кармась
Апак лотксе вешкеме,
Чачома паксянок шешкеме!» –
Кочкодыкесь сюротнесэ рангсь,
Росанть ланга Ковось тешттнень кандсь.



1563. Течи ломанесь мазый, виев, кеме, –
Ванды те казньє карми певереме.

1564. Баягась свал верде
Ломантнень изнямо терди, –
Т е р д и ц я с ь свал вере
Э р и.

1565. Энялдан, течи
Венстеде кече
Т е н ь,
Пештезь склень.

1566. Зярдо шумбрат ды одат,
Кие теть мери: «Пееть кодат?»
Сеяк а мери,
Кие пейтеме эри.

1567. Эрзянь велинень томбака сёлтт,
Теицянк ульнестъ превейть ды колт,
Ведьгевенк пенгедсть ды яжасть,
Тынк чирева покштянок эрямо бажасть.

1568. Сеедьстэ илядо сюконякшно,
Инешкипазонь максовт сэрьстэнк
Илядо пракшно.

1569. Вечкиця седей, тон свал кецят,
Тонеть весе ломантне – цецят.



1570. Топавтык алтазенть,
Иляк шна салтозенть,
Сетнень шныть,
Кить важодить чить.

1571. Тейтерь, седейсэть эзимик кирде, –
Те шкас учан ни...
Тон вешнят мирде.

1572. Киде мелявтат, седе кортат,
Сень ёнов вановтоткак ёртат.

1573. Эрьва ломаньсэнтэ цитни талант,
Бути превень сельметь улить, вант:
Пазонь казненть несак,
Сон теке сырнестэ штердезь сурень кесак!

1574. Чатьмонсь каргось, пижнесь сенксесь:
«Чеядавксонть ормаменьксесь!»
Эрькенть ланга морось уи:
«Кие шумбра, се а куи...»

1575. Кизэсь Модантень мерсь: «Сан
Ды тетя цецятнестэ паля стан!»

1576. Кие лисеви чоподасто,
Се а карми молеме састо,
Сон одс а карми учомо валдо
М о д а н т ь алдо.



1577. Аволь свал ломаненть кодат превензэ –
Истят тебензэ,
Мекевлангкак эрсекшны:
Эрямось превейтненьгак керсекшны.

1578. Лездамо само
Ломанть муевить аволь ламо,
Вешемаяк сыть
Тунь а содат кить.

1579. Кинь эрявикс ломанекс ловат,
Сенень казневтеме а соват.
Превей ломанентень казневтемяк соват.

1580. «Ёвтака, реклама,
Кинь тон эзик рама?» –
Ярмаконь Вармась
Тенек морамо кармась.

1581. Зярдо ломанесь – с и й, –
Сон бажи невтеме ракшань вий.

1582. Корозо ломаненть кеме,
Сон машты прянь кепедеме.
Соды ломанень корось,
Мезекс эряви морось,

1583. Илядо пеле апаро шкадо,
Эйкакшт, паро эрямонь тееме садо!



1584. А тейсак ломаненть лиякс –
А сырнекс, а сиякс,
Сон истякак цитни.
Ломаньсэнтъ –
Певтеме п и т н е.

1585. Лукштомо алось –
К е н д я л,
Лувтомо валось –
Превс а совиця вал.

1586. Зярдо скалонь ваныцясь нудейсэ седи,
Мельзэнь эйкакшонь шкам свал ледни.
Тесэ ульнинек покштям ды мон.
Сельмень икеле – менелень он!

1588. Бути кеженек сыть,
Ракамо кармить кить?
Васняк, кецямо кармить сеть,
Кить апаро арсить тетъ.

1589. Ёвтадо, арсиде киде,
Зярдо законт сёрмадыде,
Миевиця-рамавиця депутатт,
Беряньстэ арсиця прят?

1590. Мирдесь нейсь апаро он:
Поланзо кутморясь аволь сон.
Тона пижнесь:
«Тон, ансяк тон – сехте ён!»



1591. Кие вастомстонк каршонк эзь чие,
А содасынк, сон к и е?

1592. Эйкакшось мизолды тенек –
Тундонь цецякс панжовсть седеенек.

1593. Менельстэнтъ тештине прась –
Кивчкадсь эйкакшпингень шкась,
Таго рангомам сась.

1594. Кармасть яттнэ шнамонок, –
Неизь пильге лангсто прамонок.

1595. «Тарадонть, конань песэ нурьгат, иляк керя,
Товтомо цивтёрдыця сэря!» –
Варманть ало увнось
Сыре Тумось.

1596. Иля яка сулей мельга, Серьга,
Тонавтнек ливтнеме верьга.

1597. Стамбарнэ эскелиця,
Тон сех васенцекус сыця.

1598. Мory лисьмапрянь веденек:
«Ванькст важодиця кеденек,
Ломантнень седеест ванькст,
Морось – сех шождыне канст!»



1599. Содак, уцяскав тяка,
 Сенень сех стака,
 Кие аванзо кедыпеде эзь яка.

1600. Азоронть обуцязо истямо:
 Сон бажи важодицянтъ свистямо,
 А капши пандомо
 Ды парсте андомо.

1601. Содак, дугай, бути тон к а р я т, –
 Эйсэть кармить улеме варят.

1602. «Таштотнень-макшовтнень эйстэ явт,
 Тон эсеть перька чувтынеть стявт,
 Кадык сынъ касыть
 Ды сэрей виренть сасыть», –
 Сыре Тумось одонтень мерсь.
 Тона макшовдо пельсь.

1603. «Рисьмесь – калгодо пикс,
 Сон монь саимим никс!
 А эряви тень истямо мирде,
 Сон монь кирьгадо кирди!» –
 Пиштяка Пинесь урни,
 Эсь прянзо мурни.

1604. «Обуцянь коряс тунь аволь вейкетяно,
 Секс аволь вейсэ тебенек кепедтяно», –
 Овтось Мекшеньт шнась.
 Лиядо арсесь Мишань прясь.



1605. Ломанесь сыредема шкас – п а к ш а,
Секс сонензэ стака якамс апак капша.

1606. Ломанесь эсензэ парьстэ зяро саи,
Зняро мейле тозонь каи.
А эсь парьстэнтъ – ансяк саи...

1607. «Иля вешне паморькст,
Эряк аволь коданя сульть,
Покш тевень кепедицякс ульть,
Кирнявтница монь дугинем,
Панжадо кургинем», –
Сезякась Оязонть превензэ кастась,
Чикордыцясь кецясь:
«Кемиця вастась».

1608. Тиринь кельсэнтъ лия раськень валт, –
Те аволь к о р т а м о – шалт.

1609. Дугинем, весе минь вейкеттяно,
Весе эрятано васов апак вано.

1610. Инешкипазось свал
Важодицянтень максы киши ды сал.

1611. Мель тенек явиде, ойме пугыде,
Аволь шождынестэ Моданть ланга ютыде,
Т о н а в т ы ц я т,
Оймев пакшань трицят.



1612. «Эень седей полозо
Седе куроқ солазо,
Урьвась кельмевтизе эйдем» –
Ааватось мерсь апак пейде.

1613. Дугинем, косо сакшны тетъ тюк,
Тосто седе куроқ тук.

1614. Масторонок киремсь,
Секс, натъ, кудом чиремсь,
Седеем менельстэ прась,
Лоткась прок ливтиця шкась.
Мекс истяня важоди ломанень прясь?

1615. «Иля кевкстне, эрятано кода,
Нейгак салатано тевень апак сода,
Теяк юты!» –
Серьгедсь кие-бути.

1616. Ёвтак тенек, бомба,
Кинь тон кадсак апак томба?
«Киньгак а кадса,
Эсь тевем прядса!» –
Рангстась бомбась эсензэ теицянтень,
Превсэ васов а неицянтень.

1617. Вармантькак шукшпрасо
Виезэ эзь касо,
Шукшпрась ломанентеньгак
А серьгеди: «С т я к!»



1618. Кие пря марто,
Се мазый апак арто,
Се чарькоди нейке:
Прязо – вейке
Ды масторозяк – вейке.

1619. «Ковось лиси, Чись валги,
Ней кие кинь лангс чалги?» –
Арсесь ломанесь менелень ало,
Сон мизолдсь, сельведть эзь вало.

1620. Мелявтомань пандо,
Кие тонь сталмонть эзь кандо,
Се эзь вечке сетнень,
Кить валдомгавтсть ветнень.

1621. Нармунькс ливтицят икельдить, сасыть,
Тонсь превей ветицякс касыть,
Тонеть ней ломантне кемить,
Сеедьстэ ледстневи леметь.

1622. Ледстясынек
Ютазь кинек,
Конатне коське пуворьксэкс кадовсть.
Седеенек а кемить: уцяскав кинек прядовсть,
С ы р е ч и с ь
Виде килангс лиссь.

1623. А новоли прят,
Бути превей эйкакшт трят.



1624. Шабранк инжекс тердеде,
Казнекс сырне штердеде
Эсенк седейтнестэ, –
Ялгакс ультядо сестэ.

1625. «Кепедьса сень,
Мезесь эряви тень,
Лиятнеяк сень сайть,
Мезес пряст вайть», –
Кортась арсидеесь.
Сонзэ кунсолось Эрямонь Леесь.

1626. Кияк а ютасы кинек,
Кона минек.

1627. «Те чарькодемась стака,
Мекс пинесь аволь псака,
Мекс псакась аволь пине,
Мекс цецясь тантей чине?» –
Кевкстнесь пакшась.
Сон ламонь содамо капшась.

1628. Покштянок-бабанок кортнекшнесть тенек:
Вечкицят улезт седеенек,
Эждицят улезт валонек,
Свал улезт кшинец-салонек.

1629. Поэтэнь седей,
Тонеть свал тиринь Валось
Моры, седи.



1630. Пинеськак а карми чалгавксонь вешнеме,
Бути сонзэ кармавтсызь кешнеме.

1631. Чачинек, касынек тесэ,
Седеень эждиця кудынесэ,
Эрзянь велинесэ.

1632. Дугай, иля пеле, зярдо вельксэть чопода пельть, –
Сынст потсо ёндолонь налт, сынdest пельть!

1633. Илядо капша туеме
Менеленть алдо,
Бажадо уеме
Тов, косо валдо.

1634. Кие бажи кармавтомом,
Се кадови ялгавтомом, –
Ломанесь а вечки,
Зярдо сонзэ кие-бути шешки.

1635. Монь седейс совась Пазонь кучовт нарде,
Сон чинек-венек палы, моры, тарди,
Ней седеем неи,
Мезе кедем калавты ды теи.

1636. Аламонь-аламонь карминек соламо:
Ятонок эзть сакшно меленек коламо,
Совакшность миненек вечкевикс ялганок,
Эйденек эскелить лембе кедь алганок.



1637. Вейкетъ улевельтъкак превенек,
Сестэяк мик авольтъ уле вейкетъ тевенек.

1638. Эсеть коряс вешнек пингень ялгакс ни,
Сестэ, цёра, теят эйдеть туртов валдо ки.

1639. Пакшантень эряви чийнемс ды якамс,
Сонензэ вечкеви гайтевстэ ракамс.
Эйкакшось икелев туицянтъ сасы,
Зярдó сон кенярды – изницякс касы.

1640. Превень сэренек п о к ш т,
Ансяк седейсэнек арасть эждиця тёкшт.

1641. Мелявкстóмо
Иля аште, г о м о.

1642. Варштак, сехте виев варма,
Тонетькак кияк сюконямо эзь карма,
Весе стядо аштицятне
Удало ёндо велявтсть тетъ, –
Ней содат, кодамо аволь покш питнепеть.

1643. Ломантнень улезт кардазост-латост,
Сынст сэръс превень кедест сатост.

1644. Бути парсте эйкакшонок тринек,
Сестэ кинь икелев кумажа лангс прынек?



1645. «Киде свал пелинек,
Сень перька велинек,
Сень ламоксть пупинек,
Арсетяно: превс путынек!» –
Морасть Овтонть мекштне.

1646. Аволь превеентькак палсить,
Бути те ломанень превсэ арсить.

1647. Ломанесь, кода лишмесь, эрямонзо перть
Сезни азоронь ождят ды превтемень тертть.

1648. Маней пиземнесь несъ,
Карми опаня весь,
Ковонть элестэ тештине валги,
Несь сон – Моданть лангс пильгеть а чалги.
Седеем учи, сон кеми:
Сы тень тешттень ваксто Жемми.

1649. Карминдерят пелеме, –
Менелень келес ойметь а келеми.

1650. Арсетяно мезде, киде, –
Сетнень ёнов кинек виде.

1651. Илядо бажа правтомо,
Снарттнеде стявтомо,
Пупордицятнень,
Тыненк сыцятнень.



1652. «Ойсэ ваднизь кочкарянок,
Медьсэ валызь превей прянок,
Кие тень цидярдомо анок?!» –
Овтонь промксось мольсь...
Ёжом таго кольсь.

1653. Ушосонть верень чине,
Седеем пори пине,
Валгстак тень цидярдома, Ине!

1654. Кадыцянк седеезэнк илинк нолда мекев,
Содадо: сон берянь сэредемасо пекев.

1655. Илядо нулгоде ярмаконь вешицядо,
Мереде тенст:
«Важодемадо мейле садо».

1656. Чарькодть течи, аволь ванды,
Мезе тетъ ушодозь тевесь канды.

1657. Ломанесь аволь эрва ёндо кеме,
Ялатеке а бажи тонавтнеме,
Нать, тонавтнемась – пек стака тев,
Косо эряви аволь ансяк покш прев.

1658. «Чинь-чоп лов ды пиземе моли,
Кода тесэ мелеть а коли!» –
Чоледи Оязось Ломаненть вакссо.
Ломанесь арты покш кенжензэ лаксо.



1659. Ломаненть седеезэ кельми,
Зярдо сонзэ лангс ваны сјавадыця сельме.

1660. Вадрясто неевельтькак превенек,
Авольть пупорькшне тевенек.

1661. Толбандянок сыремезэ
Ды кандозо лезэ.

1662. Кить сјавадыця сельмсэ ваныть мельгат,
Сетнень седейтнес а кельгат.

1663. Зярдо, дугинем, одат, —
Канстенъ сурестэ парсеень коцт кодат.

1664. Ломанъ, мекс а содат, кият, —
Те шкас сывель мельга чият.
Тон Ломанят, аволь сият!

1665. А сёрмадат мазый ёвтнема паро ондо,
Бути эрямонть неик берянь ёндо.

1666. Ломанъ, вийсэ улемстэяк киньгак иля мерька,
Содак: Чись яки аволь ансяк виевтнень перька.

1667. Седеесь Ломанентень апак учне мери:
«Кие монъ вансты, се кувать эри».



1668. Бути течи тенк стака,
Илядо рака,
Рангомояк илядо яка, –
Рамадо пряка.

1669. «Кие ялганзо а кады,
Се седеяк превейгады, –
Ломанесь вечкемстэ мазылгады», –
Оймесь Ломанентень мерсь,
Ломаненть касомо тердсь.

1670. «А содан, кить
Эвтить веть, удыть чить!» –
Нерьгазонтень¹ од Коршось сеересь.
Кить а удыть веть – содась Сеелесь.

1671. «Иля вешне лия лато,
Бути удеметь эзь сато
Теемс седе сзрей лато!» –
Кинень-бути чоледсть озякатне.
Атянтъ перька ракасть сезякатне.

1672. Бути корот кеме,
Лавшотненьгак кармат кепедеме,
Виевтнень ёновгак кармат
Пурдамо ванькс вармат.

1673. Верде
Киньгак иля терде,
Верцесь тетъ суре а штерди.

¹Нерьгаз – барсук



1674. Кежесь седейстэнк туюзэ,
Верьганк Вечкема уезэ.

1675. Ломаненть маласо улезэ
Вечкицязо, аволь урезэ.

1676. Кие саезенть а велявты,
Се эсь прядонзо а мелявты.

1677. Кияк а ёвты тенек,
Кинь кисэ рангить седеенек.
Мекс седейтне аволь свал
Учить чарькодевикс вал?

1678. Прявт, зярдо менельстэнтъ валгат,
Улезт модантъ лангсо ялгат.

1679. Кие ламо корты,
Се эсь прянзо ёрты
Седейстэ ды превстэ,
Ансяк аволь тевстэ.

1680. Аволь стака эсь прянь шнамось,
Стака превей эйденъ трямось.

1681. «Атясь эсь прянзо лангсо ракась,
Кувать эсензэ пильге лангсо якась», —
Шнась азоронзо псакась.



1682. Ульть тень седеень эждиця Чикс,
Ульть тень никс,
Ульть монь седейсэ эрицякс,
Морыця валонь мерицякс!
Мон тетъ
Карман ливтямо чить ды ветъ,
Од дугинем,
Инзеень кургинем.

1683. Кие удыщанть верде
Карми валгстамо сельмекерде
Паксянь видеде,
Ялгань идеде,
Бути удыщась, п р я в т?..
С е д е й, пряттнэньгак стявт!

1684. Зярд аволь вейке сокат,
Ламо паксят с о к а т,
Ламоксть менельть токат,
Ливтиця,
Паксянь вечкиця
Ломанень седей!

1685. Ламо кить
Ютасть кить?
Ютасть сеть,
Кить эзть удо ламо ветъ,
Кить эзть оймсе чить.

1686. Тонавтнек прамо ды стямо,
Мейле сак ломанень трямо.



1687. Правты панокошь¹,
Стявты танокошь.

1688. Чавот од прянок,
Пештемест кие анок?

1689. Кинь лангсо, дугай, ракат,
Бути сёвоньстэ тейнят прякат?

1690. Илядо аште тевтеме,
Лиседе превенк невтеме.

1691. Зярдэ сталь пидят, –
Тиринь Маторонть идят.

1692. Ялганстэнь ламо эзь кая,
Эстензэ сех ламо каясь,
Ялгась ченьксэнтень эзь вая;
Сонсь явшицясь ваясь.

1693. Тон, а симиця, а содат,
Симицятне ордакшт кодат,
Ней а чарькодсамак – о д а т.

1694. Чинь стямодо икеле стядо,
Илядо пеле чоподадо,
Содадо: васня несынк Чинть,
Мейле сайсынк кшинть.

¹Панок – слабость



1695. А пидят тантей прякат,
 Бути тевтеме якат
 Ды, прок ардтница айгор, цяхат.

1696. «Ава Прявтокс аравтынек,
 Сеске прянок наравтынек,
 Одокс теевинек сеске,
 Эрьва атясь ней – Од Эске!» –
 Моли велень промксось,
 А прядови ёвксось.

1697. «Кие симемадо
 А якави стядо,
 Кие чаво прядо
 Вейке тев эзь прядо,
 Ваномонок садо!» –
 Ракить сезякатне,
 Новольсть минек прятне.

1698. Илязт сода ятонк,
 Косо аштить латонк.

1699. Эрямостонтъ илядо сае ламо, –
 Ды карматадо а салыця эйденъ трямо.

1700. «Кадья симемам –
 Кортамом сась,
 Прядья чиемам –
 Сасымым Шкась», –
 Нузялдозь важоди ломанень прясь.



1701. Тонавтнек казнень тееме, тяка,
Мейле эрямось тетъ карми аволь стака.

1702. «Аволь весенень вечкеви ламбамо валось!» –
Пары вачодо аштиця скалось.

1703. Бути ялгастот пикст понат, –
Лиякстоми п о н а т:
Чамат чиреми,
Сэреть киреми.

1704. Пиштяка пинесь сизесь онгомадо:
«Салыцятне эзть сизе тюрьмас понгомадо, –
Эрьва кода моданть лангсо эрить.
Ине Паз, Тон истя тенек мерить?!»

1705. Ломантне а неить,
Кодамо покш зыян теить
Модань рунгонть керямсто,
Моданть лангсо эрямсто.

1706. Од ломанесь капши свал,
Сон сасы сырнень кал;
Сон а соды –
Эрямось ёндолонь нал.

1707. Лепштинк венстезь кеденть,
Теинк аволь прыдозь сэденть,
Сон ванстасы ванькс веденть.



1708. Моры превей Каргось:
«Пешкеди се паргось,
Конань а чамдыть,
Конань эйкакштнэнь туртов кандыть!»

1709. Зярдэ сонензэ эрявсь, перьканок чарась,
Зярдэ миненек эряви, сон – арась.

1710. «Лездыцянок ульнесть сакалов сеят,
Ней тесэ умарь чувто вейкеяк а неят!» –
Сёксень вармась
Авардеме кармась.

1711. Тейтересь эзь сода,
Мирде марто эрямс кода,
Вешнесь истямо школа,
Косо тонавтыть,
Кода вешнемс пола.

1712. Мирденть седейсэ певтеме кизэ,
Сонензэ ламо мазый цецят казсь низэ.

1713. «Кие тесэ сурсо невтни?!» –
Пижнить ломанентень превтне.

1714. Бути музыкантат,
Бути сёрмадыцят,
Бути покш талантат –
Муят чарькодицят.



1715. Зярдэ валось аволь виде,
Сон а соки ды а види.

1716. «Свал истяня эрси тесэ,
Эйдень кудынесэ:
Вай-вай,
А в а й!
Чинь-чоп –
Топ-топ», –
Попугаесь корты истя,
Виде валсо, апак свистя.

1717. Ловномо ды арсеме тонадындерят,
«Аволь ламо содан», – мерят.
Содак, зярс эри тиринь Валось,
Тон, раське, э р я т.

1718. Иля мере: «Кельман»,
Мерть: «Эждиця сельман», –
Ды эжи рунгот,
Панжови кургот.

1719. Ялгакчись,
Кода Чись, –
Важодеме лиссь.

1720. «Кить чачсть, сеть касыть,
Кить тусть, сеть мекев а сыть
Истямокс, кодамокс ульнесь!» –
Карготне менельсэнтъ урнесь.



1721. Иля снартне корстот оргодеме,
Аволь эрванть обуцязо кеме,
Ялатеке седеенек кинень-бути кеми.

1722. Зярс иля ранго,
Сельведень таркас а лиси элезэть панго.

1723. Те пек паро,
Эзинь лово, инжень ульнестъ зяро,
Седейсэнь алкуксонь мельспаро!

1724. Ломанесь сыреди, рунгозо киреми,
Оймезэ кивчкади, корозо сыреми,
Мик арсеме карми тунь лиякс;
Сон тееви ванстыця сиякс.

1725. Седейшкава чекадо-покадо,
Паро тевсэнк ломанень седейть токадо,
Ловдо икеле паксянк сокадо.

1726. Кие бажи ламо нееме,
Се а карми ламо тееме.

1727. «Зярдэ губорьксэнтъ сэрезэ покш,
Стака ютамс сонзэ трокс,
Якак чаво прянзо перька,
Муят варине – кадоват апак мерька», –
Тонавтсь чеернентъ чеересь,
Зярдэ тештесэль менелесь.



1728. Ялгакщинь теиця –
Седейсэ неиця,
Шумбрачи арсян тетъ,
Тон неят ветъ!

Масторавань ванстыцятненень

1729. Покш Мастор – келей лавтов,
Иля явово кавтов,
Менеленть ало ульть
Вельть кувать, аволь кода сульть.

1730. Весе аштетяно стядо –
Стака шкасто ялганок эзинек кадо.

1731. «Илядо пеле вармадо,
Апелицякс эрямо кармадо!» –
Вармазеесь нармушкатнень трясь,
Верде алов, теке ёндол, Моданть седейс прась!

1732. Поэтт, эрядо, илядо куло!
Тынстеменк ломаньстэнтъ теить туло
Ды кияксонь тенсиця пуло!

1733. Улест цидярдомань нежить,
Илязт уле кежить, –
Кежень кирдемась покш пеже.

1734. Ривезенть паро прязо
Ды берянь обуцязо.



1735. «Новольсть прязо, судозо, улозо,
Нать, пек кувать кепедезь аштесь пулозо? –
Арсесь Клукась,
Зярдс авардсь Букась.

1736. Бути нулат,
Бути пулат,
Кияк а ледстянзат, зярдс кулат.

1737. Важдсь Кедесь,
Кортась Ведесь:
«Рудазов киякс, мондень башка тонь кияк
А тейтянзат лиякс, цитница сиякс».

1738. «Кортат, арась медеть,
Тонсь шлят медев кедеть», –
Овтось мекшень кирдиенть покорясь,
Зярдс тона нешкесэнть сокарьсь.

1739. Паро ёжо иля учо,
Бути ярмакт эзить кучо
Сетненень васня,
Кить сёрмадсть тондеть басня.

1740. Пиштяка артистэсь нарьги, аволь седи,
Учи: Пазось сонзэ зепс сырнесэ леди.

1741. Ялгат иляк сядо,
Сон тонь велькссэ оймень валдо.



1742. Кие корты ламо,
Карми эсь прянзо шнамо,
Мейле ялганзо лангс стямо
К а р м и...
Истямось кинь калми?

1743. Ушонтъ арась пезэ,
Ули седеезэ,
Ушонтъ оймезэ ули,
Ушось а кулы.

1744. Сизесь рунгом, эзь сизе оймем,
Свал чуви пире коймем,
Сон од лисьмат чуви,
Пазонь варма, натъ, оймем лангс пуви.

1745. Пуре нуртинь, каинь ям,
Корштынь, ярсынъ – валдомсь прям.

1746. Ветясь ломанентъ уцяскань киресь,
Ней сон а вети – ломанесь сыредсь.
Тошки-кашторды нусманя виресь,
Ранги седеем, таго, натъ, иредсь.

1747. Васов нееде,
Эсенк койсэ весе тевенк тееде.

1748. Уцяскав ломань, эрямот перть
«Мон вечкядызь!» – ломантненень мерть.



1749. Зярдо ойменек сизи ды сэреди,
«Оймсек, дугинем!» –
Сонензэ мереди.

1750. Ревесь верьгизэнтэ кургонзо стызе,
Истя ярсамодо лоткавтызе,
Ней верьгизэкс теевсь ревесь.
Зярдо лотки «кургонь стамо» тевесь?

1751. Ломанентень алтасть покш кудо
Ды седеяк покш судо,
Ней те ломаненть ули пек покш судозо
Ды онстонзо а тукшныця кудозо.

1752. Кинь шнынек,
Сень омбоцеде шлинек.
Кинь сялдынек,
Сень седейстэнек нардынек.

1753. «Ломантне саламодо
Превейгадсть аламодо!» –
Мекштне кецить нешкетнесэ,
Овтось эзь кенярдо тесэ.

1754. Панжизе ломанесь вечкиця седеензэ,
Ней «чавола пря» мерить тензэ.

1755. Дугай, зярдояк иля сода
Сюпавтне чачить кода.



1756. «Содатадо, нама,
Эсеть левксэсь сехте мазый чама!» –
Чикордсь Сезякинесь,
Зярдо Псаканть лангс онгсь Пинесь.

1757. Эрямонь кинк улезэ виде,
Улезэ тенк мелявтомс киде,
Уледе свал эрявиксэкс,
Илядо пра менчевиця пиксэкс.

1758. «Весе содыть: якшамо шкасто
Кияк а яки састо!» –
Нумолось кеверсь пандонть прясто,
Верьгизэсь кутмордызе вечкезь, састо.

1759. Эри Моданть лангсо Ларя,
Киньгак апак нее,
Киньгак апак маря,
Арси: покш тев теи.

1760. Шкась чуди,
Ломанесь уды,
Зярдо сыргози сон, –
Неи лията он.
Кона аволь пек ён.

1761. «Превенек эзь сато
Теемс менельденть покш лато», –
Пеняцясь Коткудавось,
Пеедсь Коткудавонтень Равось.



1762. Те – кшни, тона – шта,
Эрвантень максови нурькине шка, –
К е н е р е д е
Арсезевеме теде.

1763. Ломанесь коцт эзь кода,
Те теवंть апак сода.
Сон свал содась:
Сонензэ эряви мода!

1764. Весе карми улеме истя,
Ансяк кежейстэ киньгак иля свистя,
Бути истя эрямо кармат,
А эшкевить эйзэть стака вармат.

1765. «Ванодо, ялганок зяро!
Инешкинтень сюкпря,
Эрямонок паро», –
Мекштне цецятнесэ морасть,
Кунсолостост седеенек соласть.

1766. Кие паро ёнов лиякстоми,
Се а ёми.

1767. Эждядо ней,
Зярдэ седейсэнк арась эй.

1768. Зярдэ ушосонть даволков,
Иля вешне а чикордыця лов.



1769. Нарвицькась ципакат ливти,
Кавалось саламо ливти.
Ливти ципакань саламо –
Аволь нарвицькань паламо.

1770. Кона ломанесь гайтевстэ кешни,
Мик тень коряскак эсензэ кондят вешни.

1771. Ялганок ваксканок юты,
Верьгизэсь кеденек луты,
Секс, нать, вармась
Авардеме кармась.

1772. Илядо бажа Прявтукс арамо –
Превтеме ревекс чарамо,
Бути истямо тевс эзидизь кучо
Сонсь П а з о с ь.

1773. Сэредиця ломанесь тевензэ эзизе прядо,
Шумбра ломанть, лездамо тензэ садо!
Ломанть, свал вейкенк-вейкенк трядо.

1774. Кие лавшо ломанентень ойме путы,
Се ведень трокс сэдтеме юты.

1775. Тейтерь, иля вешне истямо васта,
Кона прок таста,
Сайть истямо мирде,
Кона авань обуцяк кирди.



1776. Цёранть сэтьме обуцязо,
Парсте важодиця прязо,
Низэяк, теке цеця,
Сынст неемстэ мекс эзить кеця,
Вечкемавтомо ц е ц я?

1777. Ломаненьт кежензэ састь,
Сонензэ кежтне ней Власть.

1778. Бути аштят стядо,
Иля пеле куломадо.

1779. Уцяскав ломанят, зярдо одат, –
Карязонь сэредема а содат.

1780. Кие-бути чинек-венек анок
Саемс пильге алов уцясканок.
Паз! Улезэ седейсэнек танок.

1781. Кармить пувамо ламо вармат,
Зярдо Прявтонь тевень ветямо кармат.

1782. Тенк вийть эрывать ламо, –
Ялатеке бажадо стямо,
Сестэ тенк лавшотнеяк кармить само.

1783. Бути ломаненьт седеезэ кеме,
Сон ламо покш тевс карми кенереме.



1784. «Прянк улелельтькак, арсевлиде
Модалангонь кувака киде
Ды шабра марто ялгаксчиде», –
Тонавтыть эйсэнек сеть,
Кить ней менельсэть.

1785. «Бути кардазсот сеят,
Сынст эйстэ скалт а тят!» –
Авардсь Букась,
Ракась Клукась.

1786. «Монь низанянтэ иензэ сядо,
Яки аволь комадо – с т я д о!» –
Содамось низанянзо шнась.
Неть ломантнень вансты сонсь Шкась.

1787. «Пижнят: мон ине!
Сестэ мекс эйстэть моли чине?» –
Атянтэ кевкстнесь Мекшесь,
Увнось цецяв Пекшесь.

1788. Вечкевикс мирдят,
Вечкиця тетят,
Эйкакшот ветят,
Прят вере кирдят, –
Цёрат, истямокс уледе свал,
Мештьсэнк улезэ эждиця вал.

1789. Идем тикшесь тапардасы
Весе сень, мезесь беряньстэ касы.



1790. Улезэ меленек
Кепедемс правтозь веленек,
Одс кармавтомс морамо келенек.
Улезэ меленек...

1791. Бути чачить пешксе ковокс,
А кармат улеме понксонь повокс.

1792. Нетне мерить «марто»,
Нонат кортыть «маро», –
Кортатано эрзякс:
Те – п о к ш улипаро.

1793. Свал правты,
Свал стявты
Эсь прянзо ломанесь сонсь,
Теде мейле кие понгсь...
Тень т е и, –
Ломанесь свал «тевть теи».

1794. Бабиненть кедьсэ нардамо,
Арси карвотнень кардамо.
Карми течи,
Мекс омбоце кедьсэнтъ кече?!

1795. «Эзь касо тумокс сэрясь,
Сон, кода Чудесь, Водесь, Мерясь,
Аволь кувать пек эрясь», –
Увны тумонь виресь.
Отъмас кевери Эрямонь Киресь.



1796. Якась атаясь кепе, ялго,
Свал пшти ульнесь, теке сялго,
Моданть ланга кецязь якась,
Сонзэ неемстэ Чись ракась.
Сыре покштям, Прока атя,
Кулоськак мик апак фатя.

1797. «Авась од моронзо эзизе прядо,
Мазыйканть мирдезэ эзизе кадо.
Мирдть ды нить,
Моданть лангс вечкеме садо!» –
Морыть цёковнетне,
Гайгить тештев ветне.

1798. Тевест прядовсть,
Ялгавтомо кадовсть,
Ней янгить пряст ды кедест,
Мекс арась ведест?

1799. Азоронтень се сех паро,
Кие а кевкстни:
«Пандомо кармат зяро?»

1800. «Ламо паро ёнксонзо,
Ансяк арасть понксонзо», –
Чиявтыцясь урвакстыцянтъ шнась.
Кармась потамо удалов шкась.

1801. Ломантне эзть удо, –
Маласост чапсть аволь кудо.



1802. Апак судря прязо,
 Арась судрямс шказо.
 Те истя кие
 Ков-бути чии?

1803. Вай, вай,
 Панжиковось – май! –
 Жойни чадыковось,
 Солы ловось.

1804. «Эсенок пирень эмеженек!
 Ансяк сынъ лезз кандыть тенек», –
 Сыре ломанесь кортась одтнэнь,
 Конат чиремкшнезь якасть,
 Атинень лангсо ракасть.

1805. Зярдо лисьмапрясь уды,
 Леесь а чуди,
 Зярдо ломанесь уды,
 Сонзэ вакска Эрямось чуди.

1806. «Бабам кастась истямо капста,
 Капстанть эрва лопазо, теке цёрань пракста!» –
 Эйкакшось сырькаензэ шнызе.
 Авась тяканть паронь неицьякс тризе.

1807. «Крандазост ломантнень чаровтомот,
 Секс сынъ весе улипаровтомот», –
 Лишмесь арсесь улавонть ускомсто,
 Лиядо арсесь сахаронь сускомсто.



1808. Ирeдить аволь нуртницятне,
Ирeдить симицятне, –
Содавoльтькак тeдe прeвeй прятнe.

1809. Покш мeльсэ чeкинeк-пoкинeк,
Мeнeлeнь пувoрьксэв кeдьсэ тoкинeк,
Варштась чaмaзoнoк Чись,
Oзась стoлeнeк лaнгс чинть кoндямo кшись.

1810. Зярдo лaмo тeвeнeк,
Сeстэ сeдeяк вaжoдить прeвeнeк:
«Кoдa вишкинe тeвeсь пoкшoкс кaстoмс,
Кoдa сeдe пaрстe инжeтнeнь вaстoмс?...»

1811. Лoмaнeнь aрaсь чoвoнeзэ,
Ули рaужo сёвoнeзэ,
Мeкс сон удeмeкс тeизe сёвoнeнь,
Мeкс чaмaкс тeизe чoвoнeнь?

1812. «Тaрaдтнэнь, кoнaтнeнь лaнгсo эридe,
Пиштьякa нaрмунть, тынсь кeридe
Эсeнк нeртнeсэ дь мeйсэ пoнгсь!» –
Пинeсь «прeвeйтнeнь» лaнгс oнгсь.

1813. Пoлaвтнeк кeмeть,
Илa пoлaвтнe лeмeть.

1814. Илaдo кeвкстнe пaндoмс зярдo,
Зярдo тeнк тeить пaрo.



1815. Кодамо корот,
 Истят кунсолат морот,
 Истят вечкат ёвкст,
 Истят вешнят ёнкст.

1816. Эстетъ мель явт,
 Кендялtnэнь чавт,
 Ялгат пильге лангс стявт.

1817. Ульнесъ мезенек,
 Сеньгак ламов сезинек.
 Чаволакx явинек,
 Эсь прянок чавинек.

1818. «Ломанеськак вечки онгомо,
 Мекс а вечки ярмактомонть зепс трёшникень тонгомо?
 Арсевельгак ломанесь истя», –
 Арсесь сыре Пинесь.

1819. «Илядо полавтне обуцянь ёнксонк,
 Ванстодо рудазов панаронк, понксонк!» –
 Ламо иеть чинек-венек
 Пижнить сезякатне тенек.

1820. Неень эрицятнеде мелявтодо,
 Аволь ютазь шканть велявтодо.

1821. Кинь мелезэ а коли,
 Се васов моли.



1822. Бути сизить ды кельмить,
Сестэ седеяк неезт оймень сельметь.

1823. Кие учи инжекс самот,
Бути эрят съкамот?
Учи се, кие сонсь эри съкамонзо
Ды эжди инженерень ямонзо.

1824. Мекс минь свал бажатано тов,
Косо улемстэ кутымерьстэнек валсь ливезь ды чов?

1825. Те ульнесь тунда –
Васенце вечкемань секунда!
Эрямостькак – минута.
Мекс те ёжось те шкас эзь юта?

1826. Мартонк кенярдомо сыть,
Вакссонк авардеме сыть
Тынсь содасынк кить.

1827. «Содамонок лезды тенек ды пейди,
Ялатеке сон аволь минек эйде», –
Кортась ёжовдоак ёжов низанясь.
Ламбамо валсонзо седе ламоль ризанясь.

1828. Иля мора, Петя,
Ватась – аволь тетя,
Низанясь – аволь тиринь ава,
Сон вечки содамонзо ланга-прява.



1829. «Мельзэнь паро,
Сёпинь, иень зяро», –
Видькстась эстензэ авась.
Секундань ютазь удомазо явась.

1830. Ломанесь сонсь эсензэ седейсэ канды
Се эрямонть, кона карми ванды.

1831. Вадрясто темень апак сода,
Апак машто,
Одоськак курок тееви таштокс,
Айгороськак а панстави,
Мазычиськак а ванстови.

1832. «Бути алкуксонь Вадоват,
Сывельтеме а кадоват», –
Сыре Вадовось одонть мурнесь,
Тона пелиця ульнесь.

1833. Чаволась а машты чатьмонеме,
Сон а соды – прязо аволь кеме.

1834. Кияк а бажи простямо,
Весе эцить седеень костямо,
Эрямонь нельгеме,
Панжадо седейс сельгеме.

1835. Тонеть стака, ялатеке мольть,
Мольть тона ёнов, косо арасть нольть.



1836. «Лов а ёрты кизэнь пелесь!» –
Цяторды якшамо телесь.

1837. «Киньгак эзинь шна,
Тондеть башка, кшна», –
Кортась левшень понкс атясь,
Зярдэ кшнань котат карсесь мазый патясь.

1838. Ялганок шнынек,
Ятонок эзинец сядло
Ды сынек таго тов,
Кува чуди ялгакщинь валдось.

1839. «Питней кевне карат,
Сявадыця ломанть трят,
Мекс тонь истямо прят?» –
Аволь сюпавось сюпавонть кевкстнесь,
Сонсь теке шкасто плаштянзо юкснесь.

1840. Пароськак, кона ульнесь ломантнесэ,
Кувать а карми цивтёрдомо тосо,
Косо сынь кувать эрясть,
Свал вейкест-вейкест керясть.

1841. Васняк, тенек
Лездамо сыть раськенек.

1842. Аволь весень каркост ленгень,
Аволь весень прялкост пенгень.



1843. Валдо тевенек сяддыть,
Превей ломантнень калгить.
Чумондомс тесэ кинь,
А содатано минь.

1844. «Те паро тевесь минек,
Карвонь кундсицят сивединек,
Сынст марто пиядо симеме сынек!» –
Прявтось «од» тевензэ шнась,
Важодицят истя трясь.

1845. Превей ломань, тонгак а содат,
Превтемень валтнэ эрсить кодат.

1846. «Кардазонь якшамодонть илядо пеле –
Седейсэнк илязо уле теле!» –
Чоледсть ломантненень озьякатне,
Васенцеде чатьмонсть сезьякатне.

1847. Илядо пеле ченгемадо,
Сеедем лангс эжнеме садо,
Ловсо копачазь седейть.

1848. Кияк а ёвты, кить
Удыцятнень кияксост шлить.

1849. Эрсить истят пинеть-Моськат,
Аволь сускомадост,
Онгомадост коськат.



1850. Вармась зыянов тевсэ эрси кол,
Сон вишкине толсто тейни покш тол.

1851. Бути сэредьксэсь седейстэть панкст луты,
Содак: сэредьксэсь зярдо а зярдо юты.
Ансяк лия седей кияк тенек а путы.

1852. «Кить а удыть веть,
Покш пря коршт сеть!» –
Виренть чиресэ сезякась лайшесь,
Ашо килеесь палянзо кайсесь.

1853. Эрямось латконзо трокс
Вети эйсэнек лия урокс,
Косо кенгелема ды б о к с,
Эрямонок – нурькине ёвкс.

1854. Пси кизэсь туеме кармась,
Ранги ушосонтъ якшамо вармась,
Моньгак течи седеем ранги,
Сонззяк вармась янги.

1855. Тевенек якавтынек –
Салазесь таго минек.

1856. Нузякстнэнь мелест молить
С е с к е,
Чавить эске
Ды мелест колить.



1857. Чинть сельменк икельде илинк ёмавто,
Эрядо прянь апак комавто,
Важодицят, ванькс ойме ломанть!

1858. Ломанесь ялганзо эзинзе стувто,
Сон – аволь ч у в т о!

1859. «Келенк лия таркасо човседе,
Монень кортнеме совседе», –
Бабам истя яла кортнекшнесь,
Сон варма мельга валт эзь ёртнекшне.

1860. Полавтнетяно коенек, кинек, –
Беряньстэ покштянок валтнэнь тонавтнинек.

1861. Ванстак шумбрачить ды модат,
Зярд одат.

1862. Озякась кирнявтнезь яки,
Ансяк лангсонзо кияк а раки.
Киньгак лангсо илядо рака,
Кие кода илязо яка.

1863. Те чарькодеманть смустезэ ташто:
«Мезеяк а теят апак машто».

1864. Стувтгадызь сеть,
Кить сукпря эзть ёвтнекшне теть.



1865. Ломанесь од –
Арась лангсонзо сод,
Арасть сиензэ,
Улить виензэ.
Шумбра ломанесь – од.

1866. Содавлинекак, кить
Мезень кисэ кинь шныть,
Мезень кисэ сяддыть
Ды ков ардыть...

1867. «Кортыцятнень валост эсест,
Мекс покш превест пулопесэст?!»
Сёвныцятнень вельксэ Сезякась
Чокшнень перть ракась.

1868. Якшамо теленть самонзо
Ломанесь учи ськамонзо,
Содавлитькак, тяка,
Кодамо те ёжось стака!

1869. «Кияк а сы пряпезэть,
Бути арасель лезэть», –
Дугай, эстетъ ды ялгатень мерть.

1870. «Ярсадо чикордыця капстадо,
Нурькине пулонк кастодо,
Кувака пиленк ванстодо!» –
Тонавтсь сырькаесь,
Кунсолось нумолкаесь.



1871. Мезе сась тенек эйкакшпингень шкасто,
Се зярдояк а туи минек прясто.

1872. А ёвтыть тенек а одось, а сыресь,
Мекс суревтеме а эрси киресь,
Мекс эмежтеме а эрси пиресь.

1873. «Кувать аштить комолясо,
Секс преветь эзь касо!» –
Азоронзо мурнесь Пинесь,
Сонзэ мельс эзь тукшно ченьксэнь чинесь.

1874. Ломанть сакшныть аволь ламо
А урвакстыцяньт шнамо,
Седе ламотне сонзэ сялдыть,
Сынст эйсэ кик а карды.

1875. Кить бажить коенек човорямо,
Сеть а кармить минек тонавтомо, прямо,
Эсенек лувсо эрямо.

1876. Ломанесь содавольгак седе,
Кинь икеле аварди,
Кинень моры, седи.

1877. «Эрьва ломаненть прязо важдездэ,
Сестэ весенень карми лездэ!» –
Жойнесь нармунень хорось,
Седейть солавты морось.



1878. Ревесь чарась, чарась
Ды покш прявтокс арась.

1879. Кие канды ункст¹,
Се а пракшны кунст.

1880. Киненьгак превть а путат ды а ёвтат,
Бути арась эсеть превтнень ветиця новтат.

1881. Бути озыть рудаз лангс,
Кецяк, бути чамат ванькс.

1882. «Зярдо менелесь чопода-сэнь,
Коштось маряви корсяня тень», –
Пеняцясь атясь,
Ёжозо берянь, фатясь.

1883. Арсиця эйкакшт трядо,
Конат кармить якамо стядо
Тиринь Масторонь менеленть алга,
Тынськак шабра лангс илядо чалга.

1884. Ней тон менельсат, цецинем-н и м,
Монгак тона ёнов пурдыя ким.

1885. Ламо иенек, аволь «годонок»,
Раськесь талакадсь эрямодонок,
К о р т а м о д о н о к...

¹Ункс – горб



1886. «Курговарям стыя,
Пси кортамом лоткавтъя.
Ней мирдем оймси,
Эйсэнь мик а кройси!» –
Бабинесь салавачинзэ панжизе тенек,
Ды одс кармасть морамо седеенек.

1887. Мезе вечкеви седеентень,
Се свал эряви ломанентень.

1888. Ветиця прявт, вант,
Кодат перькат виевгадыть кант.

1889. «Кие мерсь, вармась
Ломаненть сявордомо кармась?!» –
Пижнесь ломаньсэнтъ ченьксэсь,
Лайшезевсь ченьксэнь эрькенть вельксэ сенксесь.

1890. Пеледе кежей валдо,
Содадо, сон лисни чопода прев алдо.

1891. Букась пек мазыйстэ парась,
Истямо морыця цёковтнень ютксоjak арась.

1892. Улезэ ломаненть шумбрачизэ,
Эсензэ кудозо, кшизэ,
Важодезэ парсте прызо,
Ломанесь эсензэ кондят
Превей эйкакшт трызю.



1893. Нузяксонтень венстясть ватказь ал,
Ней кие почоды те алонть лангс сал?

1894. «Китькак а шнасызь ёлот,
Несызь седеень толот!» –
Ускиця лишмесь азоронзо шнась.
Сынст лангс ваномо лоткась Шкась.

1895. Виев ломанесь ракась,
Сон прянь кепедезь якась, –
С т а к а к с
Сонензэ эзь маряво стакась.

1896. Иля менчеве эрьва ёнов,
Тон аволь конёв,
Тон виев карго,
А эсеть Масторс иля валго.

1897. Ломанесь сизи мелень коламадо
Ды а тона ёнов моламадо.

1898. Весенень невтьсынек сырнесэ вельтязь ортанок,
Киненьгак а невтьсынек бриллиантонь обуцянь тортанок.

1899. «Бути кувака пулот,
Бути ношка прянь улот,
Нолдасызь сюлот», –
Ривезесь Нумолдонть мелявтьсь,
Сонсь эсензэ кудов велявтьсь.



1900. Ломанесь карми виде кисэ,
Бути вал каятано сонзэ кисэ.

1901. Бажадо тееме,
Илядо эце тапамо,
Бажадо паронь нееме, –
Парось а эрси чапамо.

1902. Маней пиземе алга
Якак пангонь кочкамо, ялга,
Сестэ паро пангт муят,
Суксов панго марто кудов а туят.

1903. «Шумбрат пеенек,
Вадрят тебенек!» –
Атинесь ласькензэ шнась,
Истя сон алкуксонь ломань трясь.

1904. Ломанесь эзь козо, –
Ульнесь козомадо конёвозо.

1905. Кие киненьгак мезеяк паро а кады,
Сенень а мерить: «Кулы»,
Мерить: «Зярдó вpaды?»

1906. «Пекеть кекшик, эчке пеке,
Шныцят арасть ялатеке!» –
Ривезесь Овтонть сяддомо кармась
Ды ёнксонзо полавтызе вармась.



1907. Тонавтыть
В и е в т н е,
Кирьгаст к о м а в т ы т ь
С и е в т н е.

1908. Ломантне истя эрить,
Кода виевтне мерить.

1909. Мезе-бути таго аволь истя,
Ломанень кедензэ эзизь свистя.

1910. Аволь кувать лукшпотсо эрясь
Сырнень кондямо сэрясь.

1911. Кие чиезь, кие уезь,
Кие ялганзо седейстэ туезь
Эрямонь кинзэ теи, –
Эрьвась эсензэ койсэ
Эсензэ кинть неи.

1912. «Шанжавонть удалксозо эчке,
Сон човине карвот вечки!» –
Пиштяка карвось бизны,
Кияк сонзэ кисэ а ризны.

1913. Зярдо седейсэнек ве,
Киненьгак а вечкеви те,
Вешнеде менелень валдо
Вечкиця седеенк алдо.



1914. Улят эрявиксэкс –
А тееват пиксэкс.

1915. Нумолкаесь капста пирева ардтни,
Капста лопасо сельведензэ нардтни.

1916. Эмеженк цитнест,
Сестэ кепетить питнест,
Тынськак пеедеде,
Микшницят, содадо теде.

1917. Превей валсо седейть токадо,
Покштянк койсэ паксянк сокадо,
Эрядо ялгакчисэ,
Уледе кеме шумбрачисэ, Эрзят, Мокшот!

1918. Бути варявт кудопрянок,
Вармась тов совамо анок,
Бути варявт колганоник,
Кинень лездыть кортамоник?

1919. Зярдэ ломанесь уре,
Эрямозо а юты апак тюре.

1920. Кудов ветиця ян,
Тонь ланга сан,
Чить эли веть
Пачкодян тетъ,
Монь седейсэ эриця кан.



1921. Ломаненть превензэ аволь пинень,
Сон соды сюконямс кинень.

1922. Кие а сюлмави чавола марто,
Се кадови раужос апак арто.

1923. Корты тенек вачо сиесь:
«Паро тарка пенксев сивесь,
Тосо азорава карвось,
Сехте тантей пенксень арвось».

1924. Васня ломанесь верьгизэнтъ шнызе,
Мейле сельведьсэ чаманзо шлизе.

1925. «Ялгат, сэтьме теледе
П е л е д е,
Латкинеть чуводо,
Од варинеть пеледе,
Лопа алга кекшнеде,
Сэтьме таркат вешнеде,
Вирень эрицят,
Превей ломанде а пелицят», –
Инешкинъ вармась
Ломанень вайгельсэ кортамо кармась.

1926. «Содавлиде, киде
Тандадыде,
Морамо кармавлиде!» –
Оймавтсь Ципакась саразкетнень,
Атякшонь пеляскетнень¹.

¹Пеляске – глупышка



1927. Косо ялгакчисэ эрятадо,
Се таркатнень илинк кадо.

1928. Съкамонзо эрицянтень седе аволь стака,
Зярдо сонзэ вакссо мурны псака.

1929. «Сонсь ломанесь зярдоак эзь сода,
А кенгелемс кода», –
Чикордсь Сезякась Ривезенть пилес,
Тона тапарясь валонзо кирес.

1930. Мезе прям эзь сода – седеем содась,
Сон содась:
Монь эйсэ эри сонсь Модась.
Сон свал содась седе,
Сон – Авань вечкиця Седей!

1931. Совицятнень – вастыть,
Туицятнень – ильтить,
Нурькинетнень – кастыть,
Кувакатнень – киртить, –
Те аволь он,
Те – Эрямонь З а к о н .

1932. «Ков а криндяват, ков а чият,
Эрьва косо ломантне аволь лият,
Сыньгак весе сёрмавт,
Прясткак аволь ормавт!» –
Чоледсь сёрмав Оязкесь,
Чатьмонсь ашо Саразкесь.



1933. Атясь ёвтнесь: «Неинь од цёрань он.
Лиссь монь каршо авань батальон,
Мон сынст полонс саинь...
А содангак, мезекс понксон каинь?»

1934. Зярдэ ялгадот беряньстэ кортат,
Сестэ тонсь эсь прят сонзэ седейстэ ёртат.

1935. «Пуворьксэ вельтявсь келезэ,
Ломаненть кортамс арась мелезэ!»—
Попугаесь азоронзо идесь,
Кона к е л ь с э пакся видесь.

1936. Эйкакшось яки!
Сон гайтевстэ раки, —
Течи Ломанесь якамо кармась! —
Панжовсть келейстэ кенкшесь ды вальмась.

1937. Мелявтодо пильге лангс стицятнеде,
Ды лавшонень лездамо сыщятнеде, —
Сынст ломантненень кучинзе Пазось.

1938. Дугай, бути ламо чамат,
Таго лия чама рамат, —
Те тонеть аволь од тев,
Чамань таркас тетя путомаль кев.

1939. Арсемасот кандт
Сырнесэ копачазь пандт.



1940. Ломанень чамазо эзь пало,
Сон удось лато ало.
Кие экше таркасо уды,
Киньгак а сюды.

1941. Тейтертне штердсть
Ды моронь кунсолыцят тердсть,
Тов чийсь се од цёрась,
Кинь вечкевиксэзэ тосо морась.
Нейгак тейтертне тердить,
Ансяк а ш т е р д и т ь.

1942. Бути прянь-полдань синдезь чият,
Кияк тонь а кевкстязат, кият.
Весе содыть – прат,
Весе неить – чаво прят.

1943. Пельть алтамодо
Ды лия алтамо кыргызот иля содо,
Кемемак, сестэ
Лият алтамонь вестэ.

1944. «Ламо патян, ламо лелян,
Тунь покш кургодо а пелян!» –
Ватракшлевксэсь пижнесь, ракась,
Сонзэ перька сэней¹ якась.

1945. «Ломанень кинть трокс ёзмолдыця сукс,
Тон а ютават эсеть кондятнэнь юткс!» –
Чоледсь Оязось ёзмолдыця эрицянтъ вельксэ.

¹Сэней – сом



1946. Превеесь вандын чинть неи,
Сон апак капша тевензэ теи,
Важоди чинь перть, –
Превей ломанесь а вечки зэртъ.

1947. «Мезенек ламо,
Сень эйстэ карматано прамо», –
Сиень андыцясь
Сырнень вешницянтень путсь превть, –
Эрицятне эрьва кодат теить тевть.

1948. Сатышка улезэ кшинек,
Сэтьместэ молезэ чинек,
Уцяскав улезэ модалангонь кинек!
Мезеяк тень а эряви лия,
А сырне, а сия...
Бути ансяк – п и я?..

1949. Цидярдцясь превейгады,
Авардицясь рипакады,
Эскелицясь чалгавкст кады,
Кинь трокс прыцясь, сукс прок, врады, –
Эрьвась неи,
Мезе теи.

1950. «Аволь вейкетъ эскельксэнек,
Сестэ кода вейсэ улемс тенек,
Кода чарькодемс те,
Бути прясонок ве?!» –
Коршошь чоподасонть ранги,
Эрямось коронзо янги.



1951. Эрятано вестъ,
Тейнетяно мезть?
Ёртнетяно лисьмас кевтъ,
Тейнетяно стяконь тевтъ.

1952. Аволь зярдо лети
Прячерензэ пети,
П е т и, зярдо а сон
Венчень вети.

1953. Валдо ойме ломанень кедензэ эзть кельме, эзть чамо,
Сынь ливтясть пиштякатнень вельтямо
Пиземеде,
Кельме ведте.

1954. «Улевельтькак зяро тевенек,
Зняро п р е в е н е к, –
Прявтокс авольть ара ревенок», –
Ревень ваныцясь арсесь
Ды тувонть пильгс од котат карсесь.

1955. «Пидиця, ёвтакая,
Кинень ям эзить кая,
Мекс апак кая ямонтень тонсь эзить вая?!» –
Превей Карвось лайшесь,
Пидицясь ям явшесь.

1956. Иля корта в е с е м е д е,
Кортак тевде,
Сестэ эрва валот седейс педи.



1957. Ломанесь сестэ цитни,
Зярдо сон сонсь эсь прынзо витни,
Аволь кияк лия,
Конанень эряви максомс ламо сия.

1958. Кежеесь аволь свал
Чарькоди вал.

1959. Седееень эждиця вал,
Превсэнек ульть свал.

1960. Эряк вейсэ,
Шумбра превсэ,
Вейсэнь тевсэ,
Тиринь тякинем,
Оймень сяткинем.

1961. «Каргинеть, кие сехте превей, содатадо?!»
«Се сех превей, кие Маторонзо эзизе кадо!» –
Кортнеть превей намушкатне.
Сестэ лият ульнеть шкатне.

1962. «Мезде сехте пек пелян,
Сень перька велян!» –
Бизны Сеськинесь толбандянть велькссэ,
Канды менелесь тештензэ керькссэ.

1963. Кияк а мери тетъ: «Кодамо вереть?»
Нееме бажить свал, кудамо сэреть.



1964. «Шукшпрясо
Кодамояк гала эзь касо.
Сетне галакс кассть,
Кить леентень эшшелеме састь!» –
Гигакстность галань бибакатне¹ –
Ожо кувине прятне.

1965. Ломанесь ялганзо эзизе кадо,
Ней менелень алга сынъ
Кавонест эскелить стядо.

1966. Бажадо ламо арсеме, содамо,
Сестэ карматадо нееме, Эрямось кодамо.

1967. Седеесь сизи, ломанесь сизи,
Зярдэ менелесь аварди-пизи.

1968. «Бути аволь ломанят,
Бути покш кежат,
Пиштяка, содак:
Зярдояк ломанень вечкемадо а эжат.

1969. Превей ломанесь сестяэк ялгакс эри,
Зярдэ сон – «ало», зярдэ сон – «вере».

1970. «Стяко чикордан весень ёнов молиця понадо,
Нама, кияк весе тевтнень тееме эзь тонадо!» –
Чикордсь Сезякась-арсидеесь.
Чудесь апак капша Эрямонь леесь.

¹Бибака – малыш



1971. «Улевельтькак седе превейть прянок,
Цёковокс моразевельть сезяканок», –
Покш прявт Коршось сезякатнень шнась,
Парсте важдось вирень прявтонь прясь.

1972. Вата ды низаня, урьва ды содамо,
Ёвтадо, ней ёжонк кодамо,
Кие ёвты тенек, тынь кинень кить
Чоподава ды чить?

1973. Коенк, келенк ванстынк,
Раськенк покшолгавтынк, кастынк,
Эсенк Масторс пурнаводо вейс,
Чарькодеде, те эряви мейс.

1974. Кие бажи вечкиця седеень кельмевтеме,
Се ломанесь – удемтеме, сельмевтеме.

1975. Цёрат, ванстодо нинк, –
Кармить улеме бугорькстэме кинк
Ды а ёми седеень псинк.
Цёрат, ванстодо нинк!

1976. Превенк илядо невтне,
Превенк невтьсызь тынк тевтне.

1977. «Цидярдомасонть ули меденть кондямо расть», –
Ломантне Эрямонтъ шнасть,
Кить эзть шна, сеть – прась.



1978. Кить эждясызь вереть,
Сеть кастасызь сэреть,
Кить кельмевтьсызь вереть,
Сеть киртясызь сэреть.

1979. Кие тевсэ эзь касо,
Сень асатыксэнзэ эсензэ прясо.

1980. Валонь смустесь келей,
Тумось аволь селей,
Кедесь аволь сэдъ,
Медесь аволь ведъ, –
Весе минь лият,
Кияк а кевкстьсамизь:
«Тон кият?»

1981. Апак прядо
Теветь илить кадо,
Сестэ, ансяк сестэ
Лисеват чопода вестэ.

1982. Кие оймесэ сокари ды ялгат яви,
Се лия ломанекс а травы.

1983. Апак учо, апак терде сындерят,
«Монь инъекс тердимизь!» – а мерят.

1984. Весе ломантнень лавшо ёнксост вейке:
Весенень эряви л а м о ды – нейке.



1985. Эрвата шкась
Кшнаньгаркстнэнь шнась:
Кшнаньгарксось –
Ломанть трясь.

1986. Аволь весе ломантне седейтеметь,
Муевить истят, кить мик кевкстьсызь леметь
Ды вечкезь мерить:
«Илязо алкалгадо сэреть».

1987. Бути очк а т,
Лия лем эстетъ а кочкат,
Лия питне а саят,
Бути «очкат», а ваят.

1988. Тонавтнеде васов нееме,
Паро тевень тееме,
Свал т о н а в т н е д е –
Виевгадтадо теде.

1989. «Ломанентъ седеезэ эзь касо,
Аламо кансёрот сонзэ прясо.
Монень аволь ялатеке,
Мекс ломанесь вачо пеке!» –
Лайши Оязось чить,
Сонзэ марясызь кить?!

1990. Стака вановтонть кевензэ кандт,
Сельмес а липница сельмесэ вант,
Содак: вановтось сези вечкиця седеень сант.



1991. «Оймсек, дугай, превей сельметь конить,
Бути течи а мезть тейнемс тонеть!» –
Чинь-чоп пижнить тенек
Цидярдыця седеенек.

1992. «Пейдиця цецятнень палсек,
Эсь прядоткак арсек», –
Мекшавась тонавтсь эйдинензэ,
Авадонзо башка, кие превть пути тензэ?

1993. Атянтень чокшне ёнов
Кандсть талновтыця конёв,
Косо сёрмадозель: «Веть
Мазый ава ветятано тетъ».

1994. Илязо уле обуцянок терьге¹,
Эсь прянк рудазс илядо нерьге, –
Ванстодо прянк
Ды шканк.

1995. «Покордамонь конёвонок эзинец ловно,
Секс эрямонь перть эзинец сёвно», –
Ломанесь шабранзо шнась, –
Кургонзо панжизе Шкась.

1996. «Лоткамаль тенк,
Зярдо прядовсь чопода венк,
Зярдо аволь рудазовт ульнесь пулопенк», –
Ривезесь крисатнень мурнесь,
Течи сон «ванькс» ульнесь.

¹Терьге – студень



1997. Зярдэ тенк седеенк мерить,
Кода паро ялганк эрить,
Содавомост совадо сестэ, –
Сестэ сынъ велявтыть «эрямонть пестэ».

1998. Кие тошнаи, се инжекс тенк сови,
Сон тынк сех малавикс ломанекс лови.

1999. Вана истят, дугинем, тевтне:
Череть ломань икеле иля сэвтне,
Преветь сеedyстэ илить невтне, –
Сестэ аволь весе тонъ ёнов ливтить кевтне.

2000. «Асатыксэнек изнинек ды прядынек,
Стамбарнэ ушодозь тебенек прядынек», –
Ломанесь вийть кортамс мусь,
Оймезэ морамо тусь.

2001. Эйидентень сестэяк превть путат,
Бути сонзэ вакска шумбрачинь ёвтазь ютат.
Илядо стувтне теде, –
Эйкакштнэнь марто шумбрактнеде!

2002. Эрямонок а прядови,
Бути веренек эйкакшонок эйс кадови.

2003. Тов прявтокс иля ара,
Косо эрванть седейсэ яра,
Косо ломантнень прява арсемат эзть чара.



2004. «Зярдэ Моданть ланга ютат,
Кинень ансяк превть а путат», –
Атинесь мерсь Инязоронтень
Ды неть валтнэнь педявтынзе моронтень.

2005. «Васов нейть,
Путт од превть,
Ойме маряк,
Одтнэнь даляк¹», –
Атинесь кунсолось тост,
Сонзэ седейсэ арасель пост.

2006. «Эйдеть эзик кандо,
Авать эзик андо,
Сестэ мезекс эрят, кевень пандо?» –
Кие-бути кинень-бути мерсь,
Ломанесь кунсолось, пельсь.

2007. Илинк стувтне ш н а м о н т ь,
Стувтынк кежень самонтъ.

2008. Кинь седейсэ вечкема ули,
Се ломанесь кежде а кулы.

2009. «Иля невте пееть,
Невтить теветь,
Сестэ ёвтыть тетъ,
Мекс а удат веть!» –
Сёрмадсть сезякатне Верьгизэнтень сёрма,
Верьгизэнтъ лангс каявсь пекень орма.

¹Далямс – обогнать



2010. «Ломанесь сэрейгады сеске,
Зярдэ кочкарязонзо чави эске», –
Алкинесь кортась сэреентень –
«Кувака Селеентень».

2011. «Невтик, Бука, косо ярат,
Кинень истямо вайгельсэ парат?» –
Кевкстнесь мирдензэ мазыйка Скалось,
Эзь ёвтаво Букантень «вечкемак» валось.

2012. Мелявтгано кие киде:
Вейкесь арси келей киде,
Тона арси, сонгак сюрот види,
Колмоцентень вал эряви виде.

2013. Ломанть, ванстодо сёрмадеенк,
Сынь валсо эждясызь Эрямонь леенк.

2014. «Ченьксэнтъ марто човоринек веренек,
Кежейка нинэк петизь прячеренек...» –
Кучсть авань промксов сёрма кокша полатне, –
Пек апаргадсть аватнень лангс цёратне.

2015. «Сеелесь улевельгак оска,
Якаволь апак носко», –
Мерсь Гуень Проска.

2016. Кие лиси сюронь видеде,
Сень сонсь Пазось карми ванстома, идеде.



2017. «Курок сыргить кельме вармат,
Конатнеде авардеме кармат!» –
Пижнесь Сезякась нузяксонть пилес,
Кона мадсь удомо виренть чирес.

2018. Кие ёвты тенек, зяро
Кандсь ды канды тиринь
В а л о с ь улипаро
Сёрмадейтнеде башка,
Чаво веле, чаво пакся, чаво кирашко?..

2019. Тонсь чарькодть, иля корта,
Мекс тонь икеле пекстазь орта?

2020. Илядо пеле сёвномадо,
Пеледе, бути тенк а мерить:
«Инжекс садо».

2021. «Тетинем-авинем, Мастором перьгедсь!» –
Оймензэ лисемстэ ломанесь серьгедсь,
Меельце тол Пазось ломаньстэнтъ верьгедсь.

2022. «Юты кизэсь,
Калады варакань пизэсь,
Нармунть менельганть уить,
Ансяк варакатне а туить
Т о в,
Косо арась лов!» –
Авардеме кармась
В а р м а с ь.



2023. Ялганзо каявты,
Шабранзо ваявты,
Саламо чии
Оймензэ мии,
Те истя кие?

2024. «Прявтокс арыть веть,
Ней удомась а сы тетъ,
Макссть тетъ коршонъ тевть,
Мекс эзть максо коршонъ превть?» –
Вармась нармунентъ кевкстнесь,
Сорнось нумолонъ левкскесь.

2025. «Якинек тия,
Вешнинек сия,
Муинек сырне,
Оймака, иля цирне!» –
Тувонть вельксэ верьгизтнэ лайшесь,
Сынсь тувонть сывелензэ явшесь.

2026. Вечкемась невтеви аволь кутморямосо ды палсемасо,
Сон неяви ломанде мелявтомасо, арсемасо.

2027. Превеесь аламоостонтькак теи ламо,
Прамстонтькак карми менелень сэрсь стямо.

2028. Рамить сехте паро кемть,
Ялатеке аволь кемтненень,
Эсеть пильгетненень к е м т ь,
Сынст ало ульнекшесь аволь ансяк кемть.



- 2029 Кармавтыть ломантнень мизолдомо,
Аволь тонь икеле ёзмолдомо.
Бути тон алкуксонь прявт,
Ломантнень пильге лангс стявтт,
Раськенъ превей Прявт.

2030. Киненьгак мель эзь яво,
Нать, седеезэ ульнесь чаво.

2031. Амезень кисэяк анок
Минек вечкеме аванок.

2032. Панар викшнек, коцтке кодак,
Сынь кинень-бути эрявить, содак,
Мазынь ниця,
Паронь теиця.

2033. Сеть, кить ярмакт нарасть,
Мерить: «Ярмаконок арасть».

2034. Тевенть беряньстэ теик,
Тень тон тонсь неик,
Иля нузялдо, витик сонзэ
Омбоцеде, колмоцеде...
Сестэ тонь теевксэсь
Мельс туи, седейс педи.

2035. «Ломантнень эжди тиринь келесь!» –
Укстась якшамо телесь.



2036. Зярдэ ломанесь нолажа кал,
Ёвты тенк ламбамо вал,
Мейле сельмезэнк почоды сал.

2037. Седеем колеме кармась,
Теде ёвтась тень пиземесь, вармась.

2038. Сыця ломанентень яводо мель,
Тесэ а эряви содамс омбо масторонь кель.

2039. «Панжадот кенкшеть, апак пекста ортат,
Тонсь превтеме азордо кортат», –
Якшамо Вармась
Ломаненть прямо кармась.

2040. Сыре ломанесь одонтъ сяддызе,
Мейле шнызе,
Истя сон батюканзо васня «кельме ведьсэ»,
Мейле «пси ведьсэ» шлизе.

2041. Зярдэ кувать чият,
Эрьва эскелькстэ мейле сыть тетъ
Арсемат лият,
Содавлитъкак, кият
Ды ков чият,
Капшиця ломань.

2042. Иля чумондо киньгак,
Тонсь ломантненень лездамо сак.



2043. «Ламо, вельть ламо
А маштыть копордамо!» –
Чикордсь Сезякась удыщятнень велькссэ,
Конат цивтёрдсть, теке кумбрят, вейке керькссэ.

2044. Кие машты миеме,
Се а карми питне мельга чиеме,
Сон лиси питнень вастомо
Ды карми сонзэ кастомо.

2045. Зярдэ ломанесь сэтьместэ уды,
Сестэ сон киньгак а шны, а сюды,
Киненьгак «вечктян» а мери,
Сестэ сон сэтьме масторсо эри.

2046. Мекс тунь а визькс тенек,
Зярдэ минь минсь тапатано седеенек:
Симемасо,
Таргамосо,
Сёвномасо,
Чавомасо?

2047. Тонавтынк эйкакшонк шкань коряс карсеме,
Тонавтынк превензэ ломанде арсеме,
Сестэ сон сонсь карми ломанень палсеме.

2048. Чамат апак шля,
Апак судря прят.
Эсь прянь апак тря,
Кодат эйкакшт тря?



2049. Кие эзь удо,
Чапсь од кудо,
Кие удось,
Од кудонь чапицянтъ сюдось.

2050. Кинь кардазозо кеме,
Се карми важонь сиведеме.

2051. Лакиця ведьстэ –
С у в,
Ветицянь кедьстэ –
Л у в,
Кода мереви,
Учомс эряви.

2052. Пиштякась арси ламодо:
Васняк, ченьксэнь копордамодо,
Мейле пильге лангс стямодо,
Мейледе меельцекс –
Эйкакшонь трямодо.

2053. «Ривезь, кодамояк атякш а мери тетъ:
Авакшон кутморямю совак ветъ!» –
Ривезесь тунь эзь сода,
Эрямс апак кутморя кода.

2054. «Сеськтнень кежест илить савто,
Тонськак сынст лангс иля кежиявто», –
Тонавтсь вазонзо Сярдось,
Зярдс сеськтнеде ёматотсь чивалдось.



2055. Чаво прясь весень тонавты,
Превеесь чаволатнестэ пикст понавты.

2056. Ломанесь сестэ сех вере,
Зярдэ сонзэ седейсэ вечкема эри.

2057. Превтемень пильге ало
Сельведть илядо вало,
Тештекс илядо пало.

2058. Цёрат, тунь а покшкавтница нить
Вешнеде тол марто чить.

2059. «Нармушкинеть, ломантне тунда
Эзидизь кунда!
Тынь таго тей
Ливтиде ней,
Виень таштамо,
Левкскень раштамо!» –
Моры Тиринь Масторось.

2060. Бути нулат,
Нулакс кулат,
Бути пандат,
Лезэ кандат.

2061. Мезесь миезь,
Сень а сасасак чиезь,
А мейс стяко валномс ливезь.



2062. Ярсамонь кисэ сюконямо
Илядо капша само.

2063. Симицясь течи кеми:
Прязо ванды а карми сэредеме.

2064. Превсэ неиця –
Паронь теиця,
Вакссонок ульть.

2065. Покш ялгаксчиде
Эрямонь кинек виде.

2066. Зярдояк сонсь Шкась
А мери тенек: «Шканк сась!»
Те эряви эстенек неемс
Ды покш эскедькс икелев теемс.

2067. «Кунсолок, бути марят:
Ломаненть прясо сисем варят
Ды вейке к е л ь,
Кувалмозо – сэль», –
Сезякась ловнось сувозеентень¹ лекция,
Сонензэ эрявсь пидеварянь коррекция.

2068. Уронтень эряви ундо,
Каргонтень – морыця тундо,
Ломанентеньгак эряви мезе-бути.
Те «эрявомась» зярдояк, нать, а юты.

¹Сувозей – глухарь



2069. Эсь превс сынек, –
Те изнявксось минек,
Ней валдоми кинек.

2070. Содамс эряви, кить
Минденек мейле тей эрямо сыть,
Эсенек раськень азорт тесэ улезт,
Эсест улезэ кшист ды рулест.

2071. Васня эйкакшонк тринк,
Мейле сядыцянк шнынк,
Сестэ а ёми кинк.

2072. «Сех стака авечкевикс тевесь», –
Арсесь парыця ревесь.

2073. Сюпавчись – шумбрачисэнек,
Сон, васняк, мелявты кисэнек,
Ульть, Шумбрачи, весе ломантнесэ,
Весень ойметнесэ.

2074. Ялгадонок мелявтомась
Ней ков-бути ёмась.

2075. Мелявтодо сыре ломанде ды пакшадо,
Сынст марто кортнеме капшадо:
Сыре ломанесь кенери тенк превень кадомо,
Эйкакшось кенери мартонк кортамсто
Превейгадомо.



2076. Иляк панжо ойметь сенень,
Кинь кургонзо кемень
Ды валонзо лемень¹.

2077. Кудопрянтъ парсте эзизъ вачка,
Пиземень сельведть чудить сонзэ пачка.

2078. Вечкемась терди тов,
Косо свал Чи ды Ков.

2079. Бути течи ятонь кутморямо чият,
Ванды кармат содамо тон, кият.

2080. Удомань вечкицясь тунь эзь сода,
Тодовтомо удомс кода,
Сон кевстэ тейсь тодов
Ды мадсь одов.

2081. Нолаштыцят ды пупордицят,
Тынь сех сеедьстэ прыцят
Ды пек чуросто стицят, –
Тевенк тейнеде чить,
Вешнеде виде кить.

2082. Казямо вал –
Ярасо сал,
Седейсэ нал.
Мекс истямат свал,
Ломанень к а з я м о вал?

¹Лем – масло



2083. «Истягнэде ней ламо,
Кить пелить кшинь максомо стямо», –
Пиштяка ломанесь мелензэ ёвтызе
Ды чаво кескавонть лавтовонзо трокс ёртызе.

2084. Иля ранго раужо понадо,
Бути ашонь нееме эзить тонадо.

2085. «Ёвтак, содыця ломань, бути содат,
Зяро Чипаенть перька якить модат? –
Бути содат, ёвтак, сынь кодат?» –
Содыцянтъ кевкстизе асодыцясь –
«Менельстэ прыцясь».

2086. «Бути тон Ломань,
Бути тон аволь ракша,
Шабра марто кечкереме иля капша!» –
Превть путсь Ломанентень Клукась,
Сынст икельга якась Букась.

2087. «А види, а нуи,
Ялатеке куи
Ды, кода паро ломантне,
Инешкинтень туи», –
Азордонзо кортась
Оронь Ортась.

2088. Одрэ атясь
Курок фатясь, –
Сондензэ од ульнесь патясь.



2089. Содавлитькак, сэме,
 Мекс сиесь тонеть а кеми, –
 Сонгак учи, зярдо чевтемгадат
 Ды тензэ ярсамо тарка кадат.

2090. Ёвксонтень кемтяно свал,
 Ёвкссонтъ арась чаво вал.

2091. Киненьгак иля ёвтне,
 Мезекс эрявить повтне,
 Мезекс эряви шкась
 Ды аволь чаво прясь.

2092. «Ломанесь ульнесь эчке,
 Сонзэ кияк эзь вечке,
 Улевельгак аламодо лия,
 Те шкас якаволь тия!» –
 Кукось вирнесэнтъ ранги,
 Вармась ломантнень янги.

2093. «Ломанень вал карминек марямо,
 Зярдо карминек одс цилигань¹ тенстьсэ парямо!» –
 Ломанесь кинь-бути сялдсь,
 Сон течи «менельстэ валгсь».

2094. Ютась пинге, ие, час,
 Кияк эзь путо те шкас
 Лия превть ломанентъ пряс, –
 Весе бажить тюреме,
 Вере улеме.

¹Цилига – прут



2095. Илядо пеле тердемадо,
Тердидизь – садо.

2096. Эрямс кадовсь тенек кие соды зяро,
Ялатеке мельзэнек пек паро,
Теке аволь чертеметь,
Теке аволь шержейть прянок,
Мельзэнек паро:
Весе превей прят,
Весе сырнень прят батюканок.

2097. Сёксень якшамо вармась
Лембе масторов нармунтнень панеме кармась,
Рангсь, васенце ловонтень ловтаня лопанзо калмась.

2098. Кинень истя пижнят онстоткак:
«Сизесь седеем, энялдан, сак!» –
Сон тонеть а сави,
Тынк седейнетнень менелесь яви.

2099. «Велезэнек сась од кой:
Арась ловсо, арась ой,
Веленть куншкас озавтсть пой!» –
Пижнесь пиштяка Псакась,
Превтеме Вармась ракась.

2100. «Пекстык свал кортыця кургот,
Комавтык модантень рунгот,
Сестэ модась тетъ максы кши кочом!» –
Монень кортнесь цятордыця почом.



2101. Седееськак сезеви кавтов,
Бути велькссэнзэ
Чаво пря ды лавшо лавтов.

2102. Тонавтнеде цидярдомо,
Мейле карматадо кенярдомо.

2103. «Бажак сыргавтомо,
Аволь лоткавтомо!» –
Эстензэ мерсь Вармась
Ды пувамо кармась.

2104. «Ламонень мель яван,
Ялатеке весенень а саван», –
Янкси ломанень кисэ мелявтыцясь,
Лезэнь тееме сыцясь.

2105. «Вирьсэ копачинек кевень пандонок,
Ней сынъ мелявтыть седееень сандонок», –
Кадык истяня ломантне мерить,
Зярдо Моданть лангсо эрить.

2106. Ёндолонь нал,
Тондетъ с э р е й т н е пелить свал,
Сыненст а эряви п о к ш п а л.

2107. Зярдо кудось эсенек велень,
Сонзэ лембезэяк аволь телень,
Морозояк эсенек келень.



2108. «Нусмакадсь Мастором келеде-келес,
Озась верень потиця сонзэ элес.
Мекс кияк а сови эрямо велес?» –
Корты атинесь, пильгензэ карси,
Сонсь ков-бути молеме арси.

2109. Эрицянтъ кавто пензэ,
Лия мезе Пазось эзь максо тензэ, –
Кинь ушодксозо ули,
Се – кулы.

2110. Тонавтнеде цидярдомо,
Мейле карматадо кенярдомо.

2111. «Вай, кодамат сэреят,
Ёвтака, зярдо ней превеят?» –
Алкинесь кевкстизе покшонть
Ды саизе кедезэнзэ локшонть.

2112. «Кодамо тень эйсэ парось,
Бути превенек ланга кевери
Ярмаконь ускиця чарось?» –
Лайшесь кепесь,
Ракась пешксе зепесь.

2113. «Содавлистькак, вечкевикс Маша,
Тондеть башка а кинень монень пидемс каша», –
Сёрмадсь атинесь поланстэнь сёрма.
Бабанть седейсэ ульнесь пидемань
Авечкема орма.



2114. Лембе масторонь вешницясь сы ды туи,
Бути мезе тензэ эряви, а муи.

2115. Монень маряви, моры цецянь палсиця промось:
«Цецянь кондямо аватненень алтавить
Поэтэнь васенце ды меельце томось».

2116. Ярмакоськак теке конёв,
Зярдэ ванат пиянь кудонтё ёнов.

2117. «Вейкенё пес ордадынек,
Аволь оймсема кудов молить кинек...», —
Нузякстнэ эрьва ёнов
Кучсть пеняцямонё конёв.

2118. «Ламо ульнестъ аван,
Нейгак мель тенст яван,
Ансяк мекс-бути сыненст а саван,
Карязон, натъ, кольсть,
Сынсткак мелест эйстэнь мольсть», —
Атинесь пеняцясь тенек,
Сонзэ ризксэнтъ чарькодсть седеенек.

2119. Умарьсэнтъ видьметне пижнить:
«Тук-тук-тук!
Моде, миненекак седейнесэть тарка мук!»

2120. Стяко сельведть иля вало,
Бути аштят пильге ало.



2121. «Модась соды: Сон А в а, сон Мода,
Сон Ава весенень, эно кода...», –
Бабам ёвтнекшнесь тень «эрьва мезть»
Эрямом перть аволь весть.

2122. А саят ружиянь таркас кедезэть калго
Ды а туят Моданть перька эскелямо ялго,
Тесэ эрявить лия кедьёнкст
Ды, нама, – а новолиция понкст...

2123. Ульнесь кувака покш кинек,
Сонзэ ланга кудов сынек
Ды пильге лангс стинек.

2124. Зярдó вемельс сынек,
Седеяк келейгадсть кинек
Ды кемекстась ялгаксчинек.

2125. Чокшнесь аволь ве,
Сэредемась аволь пе, –
Эряви чарькодемс те.

2126. «Зярдó тон сырнень калонь эрькат,
Ламот кармить якамо перькат», –
Эрькенъ ведентень морасть нармушкатне,
Превей ды мазый прятне.

2127. «Аволь вейкетъ рудазось ды сувось!» –
Цирнесь эрькестэнтъ лисемстэ Тувось.



2128. Бабай, тонстеметь ней кие мери тенек:
«Эйкакшкетъ, нардасынек мазыйне судопенек!»
Бабай, тонстеметь покшстояк стака тенек!

2129. Тиринь ававтомо эйдесь кадовсь,
«А в а й» меремазо прядовсь,
Ней киненьгак
«Авай» а мери,
Ней сон ледстнемасонзо эри.

2130. Зярдю вечкиця седееть чами,
Зярдю ойметь кие-бути рами,
Истямо якшамо шкастояк
Пурныть меельце виеть ды стьяк.

2131. Ломанень седеентень вечкема сась,
Ней превтеме седеентъ кунсолы прясъ.

2132. Ломанесь свал истямо:
Васня шабранзо лангс кежиявтни,
Мейле сынст кисэ сельведть правтни.

2133. Свал тон мелявтат эйкакшот кисэ,
Эждят седеест вечкеманъ псисэ,
Тонеть менельстэнтъ Чипаесь пейди,
Тонь элесэ э й д е, авай!

2134. Бути ломанесь ашти тевтеме,
Кадови валдо превтеме.



2135. «Дугинем, саты тетъ
А удомс ветъ,
Кие тонъ сяворды, янги?» –
Вечкемась седейсэнь ранги.

2136. Зярдэ ломанентъ превензэ совить пельс,
Сестэ сон а туи киньгак мельс.

2137. Эряви менелень танок
Кирдемс вере авардемстэ прянок
Ды а рангомс, зярдэ раковать весе,
Аволь эрьвась муи ождят тесэ, –
Ёжонь кирдемась, вечкевикс тяка,
Сехте-сехте стака.

2138. «Киньгак мельс а тукшны рудазось ды пенксесь!» –
Леентъ урядамсто пижни Сенксесь.

2139. Вечкевикском, эстетъ истя мертъ:
«Сехте уцяскаван! Вечкан пингем перть!
Кие монъ маласо –
Кутмордаса, паласа,
Сайса кедем лангс, –
Секс, нать, ойдем ванькс».

2140. «Колгансонзо вейкеяк прев арась,
Ломанесь букань вайгельсэ парась,
Ней сон сэрей таркас арась,
Шекшатась прызонзо варя карась!» –
Сезякась пижнесь ды промксонть велькска чарась.



2141. Те ломанесь канды лезэ, –
Ули прязо, ули седеезэ.

2142. «Алянть вадря сурозо,
Кортыть, ношка урозоз,
Келя, пшти пек сюрозо...» –
Нивтемень аватне «шлясть»,
Сынсь эзть чарькоде – сяддсть эли шнасть.

2143. «Киштемстэ пупордиде,
Илядо ранго,
Культурань кудось тенк,
Аволь калмоланго!» –
Хореографось балеринатнень мурнесь,
Сон вечкиця седей ульнесь.

2144. «Ломанесь кодамо ульнесь, истямокс кадови,
Превтемечизэ зярдояк а прядови,
Сонензэ весемесь аламо,
Секс свал бажи саламо», –
Коршось лайшесь чопода весэнь,
Чопода кудынесэнь.

2145. А кармат аштеме стядо,
Бути арсят ялгань кадомадо.

2146. «Ламо ютынек кить,
Тыньгак ютынк сынст чить!» –
Кортнесь тетянок-аванок.
Уить ледстнематне пряванок.



2147. Кие види,
Кие пиди,
Се свал арси шумбрачиде.

2148. Кевть керяк,
Ансяк эсеть масторсо эряк.

2149. Кие тевсэ эзь лака,
Сенень свал стака.

2150. Кармавтык арсеме прят,
Сестэ с т я т.

2151. Превс совавтомак,
Тевс комавтомак,
Эрямонь каворьксэв ки,
Макст тень кеме шумбрачи.

2152. «Зярс иля рака,
Зярс иля лака,
Ялатеке эряви панемс пряка
Ды пидемс ям,
Сынь одс кепедьсызь прям», –
Превей ломанесь эстензэ мерсь.

2153. «Содак, паксянь нармушка, п о в о,
Ривезтне ялгакс тонь эзьт лово!» –
Чикордсь Сезякась чувтонть прясо,
Сон несь пек васов.



2154. Ушодозь теветь эйтэ иля пота,
Бути сынст эзить прядо, эзить цёта.

2155. Эряви кеме лавтов,
Бути явимизь кавтов,
Бути сезимизь чачк
Ды ютасть минек пачк.

2156. Ванстови оймень сэреть –
Ванстови вереть
Ды а пекставить сельмекереть.

2157. «Пильгень нарыця тонавт,
Бути кочкарят понавт!» –
Атякшось морась,
Абунгадсь понав пильге цёрась.

2158. Пельть комавтозь прядо,
Якак стядо.

2159. «Ламо теинек сёлтт,
Секс укшныцянок колт!» –
Морасть миятне¹,
Цивтёрдсть калонь лукшонь сиятне.

2160. «Ламо, ламо иеть
Улезэ од цёрань виеть!» –
Цёковось тензэ морась,
Авардсь симиця цёрась.

¹Мия – бобёр



2163. «Кить превей книгат эзь ловно,
Сеть эзь эря апак сёвно!» –
Мурнось превей Псакась,
Сонсь онгиця пиненть перька якась.

2162. Зярдэ бутрав обуцянок шлясынек,
Сестэ эстенек мертяно: «Касынек».

2163. Састь кандыцят эрьва ёндо,
Секс п о н д о с ь – пельпондо,
Секс дарманонок ламо –
Карминек стямо.

2164. Дугай, шумбрачидеть арсек,
Кепе иля аште, карсек.

2165. Тиринь кан,
Тонь ваксс стян:
Тикшекс, пандокс, чадыведекс,
Тонеть венстязь виев кедекс.

2166. Телевизорсонть ломантне ваныть,
Мезе ульнесь течи, исяк, маныть...
Ваныть, мезе сыргавтыть ванды.
Эрьва ваныцясь арси, сон
Тень кисэ мезеяк а панды.

2167. Ломанесь кардави –
Обуцязо а нардави.



2168. Пазось Моданть чаравтызе,
Нармунентень тейсь од пизэ,
Ломанентень казсь покш кизэ, –
Ансяк Пазось соды, зяро
Минек перька ашти улипаро.

2169. «Арасть кансёрот ломаненть прясо,
Сон мик озьякатнень сэрсь эзь касо!» –
Чоледсть нармушкатне пазетнень прясо.

2170. «Ломанесь путсь эстензэ ине питне,
Секс истяня цитни
Ды понав нерензэ витни!» –
Нармушкатне ломаненть сяддсть,
Мейле прянзо лангс валгсть.

2171. Атянть аватне шнызь кавксть,
Зярдो правтсть ды зярдю стятвть.

2172. Ломаненть седеезэ кельмесь, –
Аволь сонзэ кисэ ялгазо эльнесь.

2173. Седейшкава карминек чекамо-покамо,
Пазонь Валось седеенек кармась токамо,
Ней а карматано отьмас потамо.

2174. Эрясь ломанесь – пря эзь кепеде,
Арсесь вейкеде – пешксе пекеде.
Келя, ульнесь сон сехте уцяскав.



2175. «Мондень башка кияк эзь кандо
Эстензэ покш к а н д о», –
Коткудавось мерсь Ривезь патянтень,
Зярдо манчицясь ардсь Саразонь атянтень.

2176. «Иля ёвтне тенек мазый понадо,
Кона кеменьс ловомо эзь тонадо», –
Псакантень чоледсть озьякатне,
Парсте ловиця прятне.

2177. Календарь –
Калень парь,
Ковонь керькс,
Косо аволь вейке пелькс.
Те парьсэнть кемгавтово ковт,
Улить цецявт, улить лововт,
Бути маштат ловомо, ловт.

2178. Зыянонь апак тее, кода
Эрямс, ломанесь зярдояк эзь сода,
Те шкас сон истя эри:
Тарадонть, конань лангсо ашти, кери.

2179. Илядо лово, зяро весемезэ
Теиде кинень-бути лезэ.

2180. Чачома чи,
Вельть талновтыця чи,
Тонь ули казнеть, кона сехте питней:
Тесэ весе арсить тенек шумбрачи!



2181. Таго эрямонь коштонок чапамо,
Верепесь тусь чаронок тапамо,
Алопесь сась тень лангс ваномо ды цяпамо.

2182. «Весе бажатано валсо седеень токамо,
Мекс кияк а кучови паксянь сокамо,
Ней минь тонадынек радиосо рокамо!» –
Сесякань радиось кортась.
Копачи седеем стака тортась.

2183. Аволь весе чарькодить,
Ков эскелицятне пачкодить,
Аволь весе ломантне содыть,
Косо тенек кувака локшот кодыть, –
Теде эряволь мелявтомс тенек,
Эрямонь перть, чинек-венек.

2184. Зярдэ ломанесь вийтеме,
Сон а кадови сийтеме.

2185. Жежей пинеськак мик а онги,
Зярдэ ярсамопельс нерензэ тонги.

2186. Тонавтнеде таштамо ды ванстомо,
Сестэ тынь а кадовтадо улипаронь канстмо.

2187. Зярдэ шумбрачинеке аволь кеме, –
Алов карми кевереме,
Пеенек сыргить певереме.



2188. Мезе седеезэть а педи,
Се мельзэть а леди.

2189. Содак, мезде апаргадыть,
Мезде теветь апак прядо кадыть.

2190. Эряват косо,
Дугай, ульть тосо, –
Тосо чить, веть
Кенкш панжить тетъ.

2191. «Вечкевиксэкс улят, эрзянь содамо,
Бути кармат минек келентъ содамо», –
Превсэ низанясь несъ,
Содась – валдоми весь.

2192. Илядо вешне превтъ,
Бути колгансонк кевтъ.

2193. Превеесь – види,
Виевесь – иди,
Эйкакшонъ кастыцясь – ям пиди, –
Ломанесь уцяскав, зярдэ кизэ виде.

2194. «Мекшенек пупицят,
Вакска а ютыцят,
Сынь превень путыцят!» –
Морась Вирьавась,
Сонзэяк удомазо явась.



2195. Кинь зепезэ чаво,
Сенень мель эзть яво.

2196. Кукось апаргалесь,
Мекс кукорьгадсь мородонзо калесь.

2197. Эзинь сода, палсеманок аволь медь,
Ойдем марясь, аволь сенень венстинь кедь.

2198. Обуцят кодамо, пеке,
Ломанентень аволь ялатеке.

2199. Содадо, Валось корты киде,
Бути сон видеде-виде.

2200. «Солы штась,
Ливти шкась,
Арси прясь,
Мезде ломанесь арси,
Бути цецят а палси?» –
Мекшесь бизнэсь,
Ломантнеде ризнэсь.

2201. Ломанесь ков вансь,
Тона ёнов эсь прянзо пансь.

2202. Иля кевктне: эрямс кадовсь зяро?
Содак: вечкицянтъ эрямозо сех паро.



2203. Оймень коштсо лов иля солавтне,
Вечкевиксэть зярдояк иля полавтне.

2204. Ломань, свал ульть:
Ломанень превсэ,
Эрявикс тевсэ,
Неявиксэкс ульть,
Ломань, ломанень вечкицякс ульть.

2205. Свал чевте штась,
Аволь свал чевте шкась, –
Теде соды ломанень прясь.

2206. Ванстасыть ялгат –
Олгонь сэдь лангс а чалгат.

2207. Зярдэ пекстазельть кенкшесь ды ортась,
Сестэ ломанесь набойстэ кортась.

2208. «Сявордымик, нолажа ян,
Ялатеке одс стян
Кавто пильге лангс
Ды сан таго пангс!» –
Пангонь кочкицясь кортакш ульнесь,
Сон эсь прянзо аламодо мурнесь.

2209. «Ломанень а вечкиця власть,
Тон вечкат сельведень ды верень расть!» –
Пижнесь пурьгинесь. Ломантне чатьмонсть.



2210. Эрзянь кудось учи эрзянь книга,
Седеенек учи эрзянь вал.
Эрзянь ломань, валом чарькодика:
Эсеть келень валось лембе свал.

2211. Тиринь янт ды кить,
Тынк лангсо ней кить
Ды мейле тынк лангс кить сыть?

2212. Кинь сиензэ ламо,
Сенень а сыть сюконямо.

2213. Ломанесь цитнезеви шнамодо
Ды эсь прянь шлямодо,
Ды ялгань кисэ стямодо.

2214. Мезесь арасель кельсэнек,
Се свал ульнесь мельсэнек.

2215. Сюпав аволь се, кинь ярмаконзо ламо,
Сюпав се, кие машты превей эйкакшонь трямо.

2216. Се, кие
Ялганзо мии, —
Отьма ёнов чии.

2217. Ломаненть ледстясы Шкась,
Бути сон паронь теицят трясь.



2218. Улэзт ломаненк, конат эрывать
Вечкемс ды шнамс
Ды сынст марто Маторонк кисэ
Тюреме стямс.

2219. Лишмеськак, ломанеськак
А мерить локшонтень:
«Инжекс тенек сак».

2220. Оймевтеме ломань – варяв парь,
Ялгаткак эсеть кондымо – латякарь.

2221. Соды превей прясь,
Кие сонзэ трясь,
Сон соды,
Кие тензэ алтыма коды.

2222. Потмо ёжонь виенек
Невтьсызь, зяро иенек,
Невтьсызь, кодаттано минь –
Олгонь эли кшнинь?

2223. Кияк зярдояк эзь сода,
Войнавтомо эрямс кода,
Весе бажасть парсте эрямо,
А чумо прянь керямо.

2224. Ломанесь сестэ касы,
Зярдэ сон эстедензэ виевть сасы.



2225. Калентень «тумо» а мерят,
Каленть ало арасть сэрят», –
Идем тувось парсте содась,
Мезе чачты-касты Модась.

2226. Илядо озно сень лангс,
Кинь оймезэ аволь ванькс,
Ознодо ванстыцянк кисэ,
Улезт сынъ свал шумбрачисэ.

2227. Иля корта ламо,
Иля бажа покордамо,
Капшак лездамо само.

2228. Тевтнестэ яват –
Валсо а тряват.
Валось, тевесь,
Валдо Превесь улезт свал вейсэ.

2229. Вейке янсо,
Вейке кансо,
Вейке кисэ,
Шумбрачисэ
Весе эрядо свал,
Тевенк сюлмазо вал.

2230. «Цёковось Цёковокс а травы,
Бути Варака марто човоряви!» –
Чикордсь Сезяка патясь,
Тесэяк сон васенцекс фатясь.



2231. «Бути ёроков вадоват,
Сывельтеме а кадоват», –
Эсензэ кондямонть тонавтсь Коршось,
Вирьсэнтъ сехте покшось.

2232. Нецяентень Пазось эзь максо ойме,
Ломанеськак а максы тензэ койме.

2233. Кить кевень кепедеме комить,
Сетнень кежест а ёмить.

2234. Кинь варяв коморозо,
Сень аволь сюпав Масторозо.

2235. Зярдэ тонадтано седейсэ нееме
Ды эсь прянок арсицякс тееме,
Сестэ карматано мазычинь вечкеме
Ды седеень а шешкеме.

2236. Певтеме Шкась
Ломанентъ апак лотксе трясь,
Ломанесь эзь траво,
Те шкас прязо чаво, –
Те шкас тюри,
Сонензэ эряви уре.

2237. Илядо эце човорямо,
Бажадо прямо,
Ялгадонк мелявтодо ламо.



2238. Паро ломанентень сыяк
Аволь к и я к,
Сы паро ломань,
Пазось кучизе конань.

2239. Ломаненть пек ламо тевензэ,
Улевельтькак зняро превензэ.

2240. Прявтокс ломанесь эзь касо,
Ульнесь варма сонзэ прясо.

2241. Превей арсеманок
Ливтямо улезэ анок.

2242. Косо сэрей чувтт,
Тосо – увт,
Косо домка ведь,
Тосо – сэдъ, –
Весень велькссэ – Пазонь кедь.

2243. «Мекшке, дугинем,
Медень кургинем,
Мекс тонсь эчкат,
Бути эчктъ а вечкат?» –
Мекшесь Промонтень бизнэсь,
Ялганзо кисэ ризнэсь.

2244. Одоськак теке ташто,
Бути сон теезь апак машто.



2245. Кить превсэ васов неить,
Сеть ламо эрявикс тевть теить.

2246. Аварди ушосо вармась:
«Чизэ чопотеме кармась,
Нарвицькась куконь ал нарвась!»

2247. «Курканть вейкеяк превезэ арась,
Таго Прявтокс арась!» –
Пижнесть атякштнэ,
Кекердсть авакштнэ.

2248. Зярс важодить превенк,
А прядовить тевенк,
А ёртневить, а пурнавить кевенк.

2249. Тонавтнек пандопряв чиеме,
Сестэ рунгот виими
Ды покш сталмодо а чиреми.

2250. Лавшотне сявадомадо
Ёколдыть комадо,
Стядось васов неи,
Сон тевть теи.

2251. Ловось певери,
Пиземесь моли,
Кие алов кевери,
Се коли.



2252. Содак, превей тяка:
Талантонь кандомась сехте стака.

2253. Арсиця ломанесь покш валдо канды,
Сон невти, мезе карми ванды.

2254. «Турват пей марто ортат,
Секс ламо кортат!» –
Попугаесь азораванзо шнась.
Теке Ков, мизолдсь мазый авань прясь.

2255. Сансонок шумбра верь,
Прясонок превень сэрь,
Мекс обуцясонок вадовонь нерь?

2256. Эсенк апештевеманть лангс чалгадо,
Мелявтодо сыре ды од ялгадо, –
Сыресь а веши ламо,
Одось бажи пильге лангс стямо.

2257. Иля кевкстне, косат,
Зярдю перькат росат,
Зярдю кандат цецят
Ды, прок эйкакш, кецят, –
Содак, паро ломань:
Эсеть велев сыть!

2258. Тошнаямонь кись
Вечкицянь седейстэ лиссь.



2259. Ломанть, чить
Вешнеде од кить,
Сынст ланга тенк паро ломанть сыть.

2260. «Зярдоак а сыть вемельс ловось
Ды чадыведень човось!» –
Морась вирь потсо повось.

2261. Сюконян тетъ, ялганъ лавтов,
Тон эзимизь яво кавтов,
Минь эзинек яво,
Ванстозь пиззек аволь чаво.

2262. Содавольгак одось,
Кинь лангс валги содось.
Соды превей сыресь:
Певтеме а эрси киресь.

2263. «Кольсь мелем.
Ярсамопелем:
Ведь,
Тувонь кедь,
Сал,
Рестазь вал,
Косто саян кал?!» –
Пеняцясь сёрмадеесь.
Чатьмони сэредиця леесь.

2264. Вешемань сюконямось сех стака,
Илязат пачкоде истямо тевс, тяка.



2265. «Ломанесь сёвонень чакшонтъ велькссэ
Конянзояк ваднесь велькссэ,
Ней чапамо ловсозояк арась!» –
Сыре Скалось ютазь шкадонть парась.

2266. Атянтъ лакиця низэ,
Сынст кудосо иень перть
«Бабань кизэ».

2267. «Удемтеме ярмак,
Превсэ неицянь тееме кармак!» –
Рангстась Вармась
Ды рангомо кармась.

2268. «Зярдю пешкеди чудиця прясь,
Сонензэ пе сась!» –
Истя тенек а серьгеди Шкась.

2269. «Эрькесь – сиянь калонь вакан,
Тов калонь кундамо якан,
Калтнэ чатьмонить, мон ракан!» –
Кортась Ривезь патясь,
Чатьмонсь а мариця атаясь.

2270. Вечксь покш базар
Минек Назар,
Нейгак Назар
Вечки базар,
Базар вечки,
Секс сон эчке.



2271. Иля комавтне прят,
Иля ёмавтне шкат,
Эряк вечкемасо,
Эсеть шкасо.

2272. Ломанесь раки,
Верезэ лаки,
Кепети шумбрачизэ, –
Ломаненть седейс совась кизэ.

2273. Зярдо а содат, мезе
Кельме седееть сези, –
Кандт ломантненень лезэ,
Ды покш седееть эжи.

2274. Тонь перька аволь ламо лездыщят,
Сёрмадеень тев:
Вечкиця седей,
Неиця Прев
Ды Пазонь талантонь чев.

2275. Бути ялгат лангс сельгат,
Сынст юткс а кельгат.

2276. Бути кизэнь ловат,
Кемемас а соват.

2277. Зярдо кельмить седееть ды вереть,
Сеске сорнозевить сельмекереть.



2278. «Ансяк тон а содат, чаро,
Зяро ломантненень теить паро!» –
Лишмесь чикордыця чаронтень мерсь,
Улавозо чаровтомо кадови, пельсь.

2279. «Ловномс тунь арась меленек,
Секс чувтонь келенек!» –
Попугаесь кортась а содангак киде,
Сонзэ эрьва валось ульнесь виде.

2280. Лисеват зыянонтъ алдо,
Бути чоподастонть теят валдо,
Бути кепедьсак стаканть,
Бути а пстидьсак псаканть.

2281. Тонавтнек лишмень кирдеме,
Мейле тонадат кильдеме.

2282. Илядо пеле,
Зярдс седейсэнк теле,
Вечкемадонть покш ловоськак солы,
Раужо пелеськак олы.

2283. Сайтъ килангс:
Кши ды веде, ды – ойме ванькс.

2284. Од модас сюрот видеде,
Од чакшсо ям пидеде,
Одонть вансто до ды идеде.



2284. Эстетъ истяня мертъ:
«Саян седе покш сэрть».

2285. Эрва раськентень, Инешкинъ Сур,
Невтят певтеме Эрямонъ Юр
Ды те Ю р о н т е н ь менелень алдо
Валгстат певтеме вечкеманъ валдо.

2286. Бути ули мелеть,
Раське, ванстык велеть,
Ванстык тиринь келеть,
Ванстык оймень сэреть!

2287. Шумбра ульть, тяка,
Прянь нолдазь иля яка.
Вант менелень лангс,
Улезэ седеетъ ванькс.

2288. Тештевтеме весь
Кекши, кодамо эрямонъ кись,
Невти, кодамо эрямонъ песь,
Учи, зярдо лиси чись.

2289. Ломанесь лужанясто ранги,
Зярдо Эрямось обуцянзо янги.

2290. Камбразсо ластесь
Сех вере аштесь
Кезэрь пингстэяк,
Т е ч и я к.



КОРОТКИЕ СТИХИ



1. О, великий человек,
Если бы ты знал,
Как ты мал,
Как краток твой век.

2. На Земле ничто не вечно,
Хрупко всё и скоротечно.
Друг мой, много не пей,
Ты же хороший, себя пожалей.

3. «В каждой мэрии
Есть свои бактерии», –
Сказал Жук Навозный –
Судья грозный.

4. Будет наказан народ
Нелюбовью к другому народу,
Если душевный урод
Сделает в душах людских «свою» погоду.

5. Дорогие друзья,
Любовь половинить нельзя.
Вот мы и выпьем за это,
За долгое в сердцах наших лето.

6. Не рыдай, если оскорбили,
Радуйся, что остался в силе
И не потерял ум,
Радуйся, кум.
Ты победил,
У тебя столько сил!



7. Сосёт наши соки клоп,
А кто ему скажет: «С т о п?!»

8. Мы умными были вроде...
Только в своём огороде.

9. Наш сосед,
Как солнечный свет,
Даёт тепло всем нам.
Он солнышко, об этом не знает он сам.

Тамаре Григорьевне Катковой

10. Я Вас благодарю, я не пускаю в Ваши очи дым:
Вхожу в ваш дом лохматым стариком,
А выхожу – красивым, молодым,
С ч а с т л и в ы м
И – не сиротливым.

11. Не жалуйтесь и не пишите,
И виноватых не ищите,
Если вы сами
«С усами».

12. Ковши до дна не суши,
Это вредно для души,
Твоя добрая душа
И без поила хороша.



13. «Человек, ты велик,
Если слышали твой крик», –
Кричал над больным озером Кулик.

14. Не осуждай всех,
Не бери на душу грех.

15. Народ виноват,
Когда он другому народу не брат.

16. Твой сосед не виноват,
Когда ты ему не рад.

17. Заступись ты за чужого
И найдёшь родного,
Друга дорогого.

18. Родной язык
Не превращайте в рык:
Он – целебный родник.

19. Все мы умные,
Но все ли благоразумные?

20. Никого не вини,
Знай, меняются дни,
Знай, непогода
Не продлится два года.



21. Поэт тот,
Кто к свету зовёт.

22. Каждый думает так:
«Я – не дурак».

23. Когда безделье впереди,
От трудных дел не уходи.

24. «Я немой,
Исчез язык мой!» –
Кричит Домовой.

25. Родина моя,
Без тебя – кто я?!

26. Одно спасенье есть под небесами,
Когда бежим мы под крыло родимой маме.

27. От боли и горя мы крикнули: ох!
А кто-то от счастья взревел и оглох.

28. Себя не бейте, –
Не п е й т е!

29. Живот пуст и карман пуст,
Бьём друг-друга, слышен костный хруст.



30. «Мы любим вас,
А вы любите не нас». –
Скажите, кто так говорит сейчас?

31. Обидно, когда под одним крылом
И человек, и лом,
И в горле ком.

32. Боже, только рядом с Тобой
Пойду и выиграю бой.

33. Не говорите никогда:
«Нас минует беда».

34. О в р а г
Полю и Человеку – враг.

35. И самого себя
Ругай любя.

36. Если бы знал наш Ум,
Если бы видели наши глаза:
Не спасала человека слеза.

37. «Мама, вернись
И продли мою жизнь!» –
Кричит дитя
В пустой палате.



38. Я счастлив, я не сплю,
Я ожил, я люблю.

39. О, Боже мой,
Я весь в трудах,
Я – Твой.

40. Человек просит смерти;
Он хочет жить – ему не верьте.

41. Ночь, люди отдыхают,
Вокруг меня собаки лают.

42. Радуга над рекой,
Прошу, ты меня успокой,
Дай до тебя прикоснуться рукой.

43. Кажется не только мне:
Люди счастливы только во сне.

44. Когда-то обидел тебя я, прости.
Позволь эту ношу мне вечно нести.

45. Поёт в раю твоя душа,
И т а м живёшь без шалаша,
И не спеша,
Человек бедный –
Живучий и не вредный.



46. Не находишься в огне,
Приди ко мне,
П р и д и,
Смотри, свет впереди!

47. Душу твою мне никто не откроет,
Только вот это меня беспокоит.

48. Проходит ночь, я не сплю,
Я опять л ю б л ю.

49. Спешащие к рулю,
Не ведите страну к нулю.

50. Повелитель-Человек,
Если бы ты знал,
Сколько ты оставил после себя калек.

51. «Не от редких дождей
Нет хороших вождей!» –
Сказал Гриб
И – погиб.

52. «Не плачь, внучок,
Послушай, как поёт сверчок
И послушай, душа моя,
Как пою я», –
Говорит бабушка мне
До сих пор даже во сне.



53. О, Святый Боже,
На кого мы похожи,
Когда наши лица превращаются в «рожи»!

54. Не каждая свита
Будет мыть коням копыта.

55. Знает рысь,
Зачем нужна высь.

56. Столько в осени золота, меди,
Столько в осени песен и снеди!
Осень вечно, как мама, добра,
Вот и нам припасла серебра,
Им осыпала головы наши,
Знать, поэтому головы наши
С каждым годом всё краше и краше.

Виктору Пантелеевичу Кирсанову

57. Село Каменный Брод,
Высок над тобой небосвод,
Здесь жил, живёт и будет жить
Прекрасный народ.
Да хранит тебя Боже,
Каменный Брод.

58. «Хорошо, когда знаешь,
На кого лаешь», —
Рычал после пинка Барбос
Себе под нос.



59. Друг мой, слезу обиды утри,
Слезу держи глубоко внутри.

60. Никому не помогут Ох и Ах, —
Грыжа и без них найдёт,
Где дряблый пах.

61. «И те, кто были комарами,
Теперь за столом сидят с нами», —
Психбольной жаловался маме.

62. «Тот, кто проливает пот,
Почему бедно живёт?» —
Спросил землепашца Крот.

63. В трудный час не помогли мне,
Теперь и я и вы — в огне.

64. «Бог с вами и я с вами,
А вы, люди, не со мной!» —
Кричал на крыльце Домовой.

65. «Бывать с тобой наедине
Бог позволял и мне!» —
Пел Соловей Луне.

66. В сердцах наших наша милая мать
Утренней звездой вечно будет сиять.



67. «Почему своими голосами
Не говорим сами?» –
Попугай сказал своей маме.

68. Беда,
Если люди из стали, –
Это всегда
Умные люди знали.

69. Невыносимо трудно
Тому, кто глотает спирт беспробудно,
А мы его ругаем,
Человека не понимаем.

70. Даже там не рай,
Где всё – через край.

71. Бога на помощь зови,
Пока руки не в крови.

72. Все мы знаем,
Почему глупец не узнаваем
И почему узнаваем –
Тоже знаем.

73. Поэту: спичка – л е с,
Ковш – о к е а н,
Человек – и ангел, и бес,
Не умеющий жить без ран.



74. Кое-кому и газету
Дядя выписывает «не эту»
И покупает «не сладкую» конфету.

75. Если ты разумный вождь,
И в ведро, и в дождь
Веди нас всех за собой
На пахоту и на бой, –
Тогда люди будут довольны тобой.

76. «Скажите, какая мышь и какая крыса
Откажутся от пшеницы, от риса?» –
Спросил Хомячка котик Киса.

77. Белка и во сне
Бежит за орешком к сосне,
А человек – к водоёму
И к своему дому
Летит, как птица,
Когда ему не спится.

78. Человеку в опале
Не дадут купаться в масле и сале.

79. Пьяному не верь,
Пьяный – зверь.

80. Хитрец не прост,
Он меняет свой рост.



81.. Паршивому зуд,
Ленивому труд, –
Не желанные гости.

82.. Добрый человек, знай:
Никому не поможет лай,
Ты всегда говори,
Но не ори.

83. Не виноватого в пропасть бросим,
Потом, кто виноват, спросим.

84. В тяжёлый час
Редко кто поймёт нас.

85. «После не ной,
Если обнимался с Луной», –
Сказал мужику Домовой.

86. Не бей себя в грудь, –
Человеком будь.

87. Спотыкались не только мы,
Выходя из кромешной тьмы.

88. «Скажи, Земля,
Кто из нас тля?» –
Шелестят тополя.



89. Незнакомка скажет тебе: «Я твоя»,
Ты спроси её: «А где моя?»

90. «Умная тёща и добрый зять
Вдвоём заменят целую рать», –
Поёт под окном кто-то опять.

91. «Чем я помогу,
Если не могу?» –
Кричит Лось Лосёнку на бегу.

92. Человек, в тебе столько сил, –
Никому не верь, что ты хил.

93. И под кровом тумана
Видна рана обмана.

94. Только ребёнок скажет маме:
«Солнышко достану руками».

95. «Солнечный свет,
Если тебя нет, и нас нет», –
Говорил сам с собой дед.

96. «Прости, человек, меня,
Я оставил тебя без огня», –
Так не скажет зверь,
Человек, поверь.



97.. «Если бы Человек знал сам,
Какой он хам,
И хлебушка давал бы нам!» –
Пел воробушек нам.

98.. Нам нужны дети
На этом свете.

99. Прости грешного,
Пускай и не здешнего.

100. Зависть – кара,
Она страшнее пожара.

101. Не любя, не пой,
Милый мой.

102. Терпения край,
За тобой тоже не рай,
Лучше петь,
Чем терпеть.

103. Б е д а,
Когда всегда
Говорят: «Да!»

104. Говорите правду в глаза,
Если вам не страшны молния и гроза.



105. Знай, где середина и где край,
 Ближе к Богу место выбирай.

106. До Бога
 У нас одна дорога.

107. Идёт поминальный обед,
 Ты в сердце моём, дед,
 Рядом никого нет,
 С небес струится свет.

108. Какая голова,
 Такие и слова.

109. «Земляне, берегите друг-друга!» –
 Кричит в моём сердце Вьюга.

110. Богат не тот,
 У кого на лбу пот.
 Богат тот,
 У кого не властелин живот.

111. Где согласия нет,
 Там не поможет и солнечный свет.

112. «И не пророки
 Дают полезные уроки!» –
 Кричат Человеку сороки.



113.. От зари до зари
 Не говори
 И не хнычь,
 Старый хрыч.

114. Помощи просите у того,
 У кого нет ничего, —
 И он вам поможет.
 Бедняк всегда может.

115. Великие радости и печали
 Человеку добрый ум дали.

116. Люди, не спите,
 Когда Солнце в зените.

117. И у бубенца
 Звон не без конца.

118. Только в ясный день
 От деревьев тень.

119. От кошачей ласки
 И у крысы заслезятся глазки.

120. Наша любовь, как Жизнь сама:
 Бывает с Умом,
 Бывает и без Ума.



121. Кабаны себя мыли
В озёрном иле
И хрюкали:
«Это мы ли!?»

Алисе

122. Внученька, пей материнское молоко
И знай: до векового юбилея далеко.
Нынче один годик н а м –
(Наш первый юбилей), –
Журавлёнку поёт в моём сердце соловей.

123. «Все деньги не возьмешь
И другим оставишь хоть грош,
Все деньги не отдашь
За золотой шалаш», –
Сказал нам скупой –
Человек с золотой головой.

124. «Кто телегу везёт,
Может петь и без нот», –
Мяукал над нотами Кот.

125. Не доверяйся телефону,
Не делай из него икону,
Если хочешь испортить дело,
Позвони по телефону.

126. Какой же кочет
Любви не хочет.



127. «Здоровье не купишь,
А доктора купишь!» –
Кричит из дырявого кармана Кукиш.

128. Если в сердцах наших Сам Бог,
Не уйдёт Земля из-под наших ног.

129. «Если бы мы знали – в мешке дно
Не одно», –
Жужжали мухи
Во щах старухи.

130. Все говорят: любовь сердечна,
Все говорят: любовь не вечна,
Любовь, как летняя ночь, скоротечна.

131. «Повсюду золото и черви!» –
Душа рыдает в каждом нерве.

132. Медведь не снимает пред пчёлами шляпу,
Но в улей суёт свою толстую лапу.

133. Смертный, не прикидывайся Всевышним,
И не будешь на этой Земле лишним.

134. «Телефоном пользуется весь белый свет,
Потому и секретов у нас нет», –
Толковал бабуле дед.



135. Человек, Ум твой где же?
Напоминай о себе реже,
И ты
Живи, как пчёлы и цветы.

136. Незванный гость,
Как в горле кость,
Как в пятке гвоздь,
Как в ухе ость.

137. «Любовь – дитя Души, –
Говорят камыши, –
Плывут, как облака,
В е к а,
Всё видит, всё слышит река».

138. Главное в человеческой жизни:
Быть верным, нужным Отчизне,
Не умереть от лени
И перед врагом не упасть на колени.

139. Там прячется секрет,
Где света нет.

140. Звезда любви сияет изнутри,
Она в душе, на небо не смотри.

141. Если же любовь у вас одна,
Не пейте много и не пейте до дна.



142. Человек, излучающий свет,
У тебя и занавесок нет,
А что есть,
Того и не счесть.

143. Всё не возьмёшь,
Всё можно только отдать.
Даже последний грош
Для подарка хорош, –
Вот это и есть Божья благодать.

144. «Ум у Человека есть,
А – Совесть и Честь?...» –
Спросил зятя тесть.

145. Глава города –
М э р,
Напиток из солода
Не вкусен и сер.

146. Когда тебя, любовь моя, забуду,
Я не приду к беспросветному блюду,
Не знаю сам, зачем и с кем я буду,
Чует сердце моё:
Я тебя не забуду.

147. Повис над пропастью язык,
Язык наш человеческий.
Повсюду стон, звериный рык
И рёв овечий.



148. Дорогу согни
Туда, где о г н и.

149. «Не будем Президента ругать,
Сами поставим на болоте гать!» –
Бобрам говорила зубастая мать.

Свет – Юрию Васильевичу Менчику

150. Милый друг, ты столько сделал людям добра,
Что в тебе в самом ещё больше стало золота и серебра.

МЕЗЕ КНИГАСОНТЬ



Николай ИШУТКИН. Ундокст. Икельце вал	5
Нурька стихть	8
Короткие стихи	338

Литературно-художественное издание

ЖУРАВЛЁВ Числав Григорьевич

ЖИЗНИ ОСНОВА

Стихи

Литературно-художественной издания

ЭРЯМОНЬ ЮР

Нурька стихть

Редакторось Н.И. Ишуткин

Корректорось В.Н. Ларькина

Компьютерной вёрсткась Е.В. Барцаевань

Сёрмадстозь печатъсь 24.05.2011.

Форматось 84х108 $\frac{1}{32}$. Усл.печ.л. 18,9.

Заказось _____. Тиражось 1000 экз.

Мордовское региональное отделение
Общероссийской общественной организации писателей
«Литературный фонд России»
430000, г. Саранск, ул. Советская, 22

Отпечатано с оригинал-макета заказчика
в ГУП РМ «Республиканская типография "Красный Октябрь"»
430000, Мордовия, г. Саранск, ул. Советская, 55 а